

釋成一著

成一法語集

釋廣元敬署



目次

- 《成一法語集》
 - 一、奠基、上樑、祈安疏文、落成法語篇
 - 楊梅大雲禪寺奠基法語
 - 為營溪觀音禪寺復建奠基祝願法語
 - 為海安觀音禪寺藏經樓奠基祝願法語
 - 為泰州光孝律寺藏經樓奠基祝願法語
 - 美國華嚴蓮社大雄寶殿上樑法語
 - 泰州光孝律寺藏經樓新建落成祝賀詞
 - 華嚴蓮社外觀整修工程祈安疏文
 - 二、佛相開光、安座法語篇
 - 為靈山講堂佛相開光法語
 - 為華藏講堂佛相開光法語
 - 為慧炬雜誌暨出版社佛相開光讚詞
 - 為青一寺佛陀聖相安座法語
 - 為吳府觀音聖相開光法語
 - 為大雄精舍觀世音菩薩竹林法相開光法語
 - 為中華佛教文化館釋尊聖相開光法語
 - 為佳樂山千華寺地藏菩薩聖相開光法語
 - 為寶纈禪寺阿金剛神像開光法語
 - 為桃園僑愛佛教講堂蓮池觀音聖相開光法語
 - 為僑愛佛教講堂韋馱、伽藍神像開光法語
 - 為楊府家堂佛菩薩聖相開光法語
 - 為法音精舍釋尊、觀音、地藏聖相開光法語
 - 山僧說法開光，乃拈一偈，恭申慶讚！曰：
 - 為普照寺彌勒菩薩聖相開光法語
 - 為中國佛教文化教育活動中心佛相開光法語
 - 為馬來西亞吉隆坡八打靈觀音亭觀音聖相開光法語
 - 為金龍寺韋馱伽藍神像開光法語
 - 為金龍寺釋迦佛聖相開光法語

- [為金龍寺觀世音菩薩聖相開光法語](#)
- [為金龍寺地藏菩薩相開光法語](#)
- [為金龍寺日蓮尊者聖相開光法語](#)
- [為普照寺觀音聖相開光法語](#)
- [為普照寺韋馱伽藍聖像開光法語](#)
- [為山佳淨律寺藥師如來相開光法語](#)
- [為宜蘭圓通寺準提菩薩聖相開光法語](#)
- [為華嚴蓮社弘法中心釋迦佛相開光法語](#)
- [讚詞，如何舉揚呢？即說偈曰：](#)
- [為金寶山安樂寺西方三聖寶相開光法語](#)
- [為印尼大叢山西禪寺奠基暨戒光講堂落成佛相安座法語](#)
- [為大崗山舊超峰寺琉璃寶殿落成觀音聖相開光法語](#)
- [為桃園定慧學舍佛相開光法語](#)
- [為清涼山菩提寺三聖寶相開光法語](#)
- [為準提寺禪修會釋迦寶相開光法語](#)
- [為妙果徒孫俗家祠堂佛相開光法語](#)
- [為龍潭湛然精舍佛相開光法語](#)
- [為湛然精舍觀音菩薩聖相開光法語](#)
- [為湛然精舍地藏菩薩聖相開光法語](#)
- [為大陸海安觀音禪寺三寶佛相開光法語](#)
- [為華嚴蓮社藥師佛、阿彌陀佛聖相開光法語](#)
- [為華嚴蓮社彌勒、準提、地藏、韋馱、伽藍菩薩](#)
- [為美國華嚴蓮社華嚴講堂釋迦佛相開光法語](#)
- [為美國加州米爾必達市華嚴蓮社阿彌陀佛相](#)
- [為美國華嚴蓮社彌勒佛及韋馱、伽藍菩薩聖相](#)
- [為大陸泰州光孝律寺三寶佛相開光法語](#)
- [為宜蘭妙釋寺蓮池觀音、華嚴三聖、韋馱伽藍](#)
- [為屏東覺慧寺三聖佛相開光法語](#)
- [為黃台富、馬玉貞居士觀音聖相開光法語](#)
- [為鍾府釋尊、觀音聖相開光法語](#)
- [為倪府文殊師利寶相開光法語](#)
- [為營溪觀音禪寺儲姓護法三聖相開光法語](#)
- [為美國華嚴蓮社藥師琉璃光如來寶相開光法語](#)

- 華嚴蓮社弘法中心落成開光法語
- 為慈惠禪寺玉佛寶相關光法語
- 為妙持學苑佛菩薩像安座說法
- 為吳府新塑觀音聖相關光法語
- 為吳府文殊師利菩薩開光法語
- 為吳府普賢菩薩聖相關光法語
- 為羅瑜瑤居士觀世音菩薩聖相關光法語
- 為盧府觀音聖相關光法語
- 宜蘭礁溪照光寺大雄寶殿三寶佛相關光法語
- 美國德州休士頓華嚴蓮社大雄寶殿落成華嚴三聖
- 為美西米爾必達市華嚴蓮社大殿落成佛相關光法語
- 三、陞座、上堂、封關、出關、傳法、圓頂法語篇
 - 智光禪寺菩薩戒會上堂法語
 - (一)
 - (二)
 - (三)
 - 大湖法雲禪寺菩薩戒會上堂法語之(一)
 - 大湖法雲禪寺菩薩戒會上堂法語之(二)
 - 中國佛教會傳授三壇大戒上堂法語
 - 寶纈禪寺菩薩戒會上堂法語
 - 中國佛教會七十七年仁王法會上堂法語
 - 悟明長老八秩嵩壽菩薩戒會上堂法語(一)
 - 悟明長老八秩嵩壽菩薩戒會上堂法語(二)
 - 霧峰萬佛寺傳戒大會上堂法語
 - 中國佛教會啟建仁王護國法會上堂法語
 - 為月世界日月寺千佛戒會上堂法語
 - 為善導寺菩薩戒會上堂法語
 - 新竹縣關西鎮潮音寺弘傳南傳戒會上堂
 - 為傳善行者封關法語
 - 為隆度行者出關開鎖法語
 - 為比丘尼釋慧道傳法法語
 - 為沙彌尼釋定慧傳法法語
 - 為弘法法師授泰州光孝律寺菩提記法語

- [為比丘釋天祥傳法法語](#)
- [為真定法師傳法法語](#)
- [為心實法師傳法法語](#)
- [為明本等沙彌尼圓頂法語](#)
- [為石美玉居士落髮法語](#)
- [為王月好小姐圓頂法語](#)
- [為洪美美小姐圓頂法語](#)
- [為林彩鳳小姐圓頂法語](#)
- [為善女人許麗華許傳齡圓頂法語](#)
- [為陳淑瑟善女人圓頂法語](#)
- [為善女人張淑錦圓頂法語](#)
- [為善女人賴崇玉圓頂法語](#)
- [為北投佛恩寺李春旺居士圓頂法語](#)
- [為金山范枝全居士圓頂法語](#)
- [為善女人陳淑雲圓頂法語](#)
- [為楊寶林居士圓頂法語](#)
- [為賀新年居士圓頂法語](#)
- [為張碧霞女人圓頂法語](#)
- [為陳曜飛善男子圓頂法語](#)
- [為廖運紫、王安妮善女人圓頂法語](#)
- [為陳令秋善女人圓頂法語](#)
- [為優婆夷卓秀穎圓頂法語](#)
- [為范李金葉居士圓頂法語](#)
- [為張美芬善女人圓頂法語](#)
- [為陳秋子善女人圓頂法語](#)
- [為郭朝和居士圓頂法語](#)
- [為衡鈺居士圓頂](#)
- [代賢度徒為謝玉芸居士圓頂法語](#)
- [代通度徒為陳玉雲善女人圓頂法語](#)
- [代通度徒為溫國強居士圓頂法語](#)
- [為汪子健優婆夷圓頂法語](#)
- [代通度徒為李宜春善男子圓頂法語](#)
- [為林陳阿瀾彭馬香妹圓頂法語](#)

- [代賢度徒為吳慧美信女圓頂法語](#)
- [為徒孫圓果度其徒胡湘華善女人圓頂法語](#)
- [為陳如意嚴京芬善女人圓頂法語](#)
- [為潘慧鵬居士圓頂法語](#)
- [為連清泉居士圓頂法語](#)
- [為郭祐燿居士圓頂法語](#)
- [為吳錢美珠居士圓頂法語](#)
- [為廖瑞蓮善女人圓頂法語](#)
- [為江新和、殷郭梅居士圓頂法語](#)
- [為陳春蘭居士圓頂法語](#)
- [為林玉堂居士圓頂法語](#)
- [為謝王彩蓮居士圓頂法語](#)
- [代賢度徒為其弟子李碧玲圓頂法語](#)
- [為明度、檀度徒新度弟子陳淑雲圓頂法語](#)
- [為善女人涂慧娟、游雪惠圓頂法語](#)
- [代妙度師為何惠雪善女人圓頂法語](#)
- [為善女人姚明芬圓頂法語](#)
- [代善度仁者為其徒陳前焯、黃明運沙彌圓頂法語](#)
- [為善女人石阿秀及陳大方童子等圓頂法語](#)
- [為曾青如、趙曉慧小姐圓頂法語](#)
- [為善女人王靜之圓頂法語](#)
- [為女人丁若文圓頂法語](#)
- [為善女人李怡臻圓頂法語](#)
- [為善女人婁靜華圓頂法語](#)
- [為善女人桂夢娟剃度法語](#)
- [為劉文進居士剃度法語](#)
- [為善女人賴秀里剃度法語](#)
- [為游任村居士圓頂法語](#)
- [為沈桢善女人圓頂法語](#)
- [為吳金菊、劉愛秋婆媳短期出家圓頂法語](#)
- [為敏度法師代其徒鄭玩玲李豐美林秀鳳圓頂法語](#)
- [為全度徒新度弟子陳清傳圓頂法語](#)
- [為照光寺簡福臨居士圓頂法語](#)

- [為悟嚴仁者依止儀式法語](#)
- [為明玟比丘尼入籍歸宗法語](#)
- [四、封棺、舉火、入塔法語篇](#)
 - [為唐遠扶居士封棺法語](#)
 - [為王正先生窀穸法語](#)
 - [為丁師母德修太夫人送往生法語](#)
 - [送林夫人薛仁長居士往生法語](#)
 - [為呂母陳太夫人封棺法語](#)
 - [為張若虛居士封棺法語](#)
 - [為張若虛居士舉火法語](#)
 - [為杜伯軍居士送往生法語](#)
 - [為杜伯軍居士舉火法語](#)
 - [為法藏寺監院慧敏法師封龕法語](#)
 - [為許振江居士封棺法語](#)
 - [為朱鑠民居士封棺法語](#)
 - [為朱鑠民居士舉火法語](#)
 - [為王恩堪居士封棺法語](#)
 - [為李球慧嚴居士寺棺法語](#)
 - [為李陳金枝居士封棺法語](#)
 - [為張正揮居士封棺法語](#)
 - [為張正揮居士舉火法語](#)
 - [為達宏尼法師封棺法語](#)
 - [為宜蘭縣林故縣長才添先生封棺法語](#)
 - [為陳故代表式銳居士封棺法語](#)
 - [陳故代表式銳居士舉火法語](#)
 - [為陳奇仁居士封棺法語](#)
 - [為故國大代表龔少俠先生封棺法語](#)
 - [為李林雪月仁覺居士封棺法語](#)
 - [為牟朱文芬居士封棺法語](#)
 - [為歐陽懷善居士封棺法語](#)
 - [為歐陽懷善居士舉火法語](#)
 - [為瑞芳弘明寺開山仁達和尚封龕法語](#)
 - [為瑞芳弘明寺開山仁達和尚起龕法語偈](#)

- [為瑞芳弘明寺開山仁達和尚舉火法語](#)
- [為簡正義居士封棺法語](#)
- [為張茂盛居士封棺法語](#)
- [為王徐寶桂居士封棺法語](#)
- [為林母高夫人心誠居士封棺法語](#)
- [為唐化鯉先生封棺法語](#)
- [為鄭仁福徒送往生封棺法語](#)
- [為善導寺雲霞和尚封龕法語](#)
- [為善導寺妙然和尚起龕法語](#)
- [為妙釋寺住持殊度尼師封龕法語](#)
- [為覺賢比丘尼封棺法語](#)
- [為宏明寺覺慧和尚尼封龕法語](#)
- [為弘明寺慈定比丘尼封龕法語](#)
- [為姬泰安居士封棺法語](#)
- [為王鳳德慧和居士封棺法語](#)
- [為李灶枝居士封棺法語](#)
- [為賈臨杰先生封棺法語](#)
- [為謝榮松居士封棺法語](#)
- [為李陳明里居士封棺法語](#)
- [為金江玉英居士封棺法語](#)
- [為林黃灼居士封棺法語](#)
- [為吳浩源居士封棺法語](#)
- [為蔡陳福殊居士封棺法語](#)
- [為劉際飛居士封棺法語](#)
- [為陳劉松老居士封棺法語](#)
- [為馬宜法居士封棺法語](#)
- [為林李秀清仁淨居士封棺法語](#)
- [為葛傅秋榮居士送往生法語](#)
- [為李坤永居士封棺法語](#)
- [為王陳環居士封棺法語](#)
- [為李林明章居士封棺法語](#)
- [為慈定比丘尼靈龕荼毘舉火法語](#)
- [恭為先曾師祖上智下光太老和尚舍利入塔頌詞](#)

- [版權頁](#)

《成一法語集》

一、奠基、上樑、祈安疏文、落成法語篇

楊梅大雲禪寺奠基法語

楊梅山地好風光 高僧要來建佛堂 大乘佛法弘出去 國泰民安萬事昌

今有能果法師者，慈航菩薩之得意門人也。畢業之後，留學日本，弘法因緣至為殊勝！曾為留日華僑，傳揚佛學，當選橫濱市，日華佛教會會長，領導大家弘法利生，功德成就，名聲遠揚。近以年事已高，思鄉心切，為報佛恩祖德，立意返回祖國，建立佛寺，弘揚正法，因得道友介紹，在桃園縣楊梅山區，選得山地一方，作為興建道場基地，訂於今日，吉旦良辰，邀約山僧，為之主持動土開山，乃說偈語，而祝福曰：

今日吉旦良辰 動土興建佛寺 將來弘法利生 功德不可思議

動！

為營溪觀音禪寺復建奠基祝願法語

過去已成正清明佛 現再示作慈悲觀音 若人發心皈依供養 國強民樂家和事興

南無觀世音菩薩摩訶薩，成道於無量劫前，號正法明如來，度生於萬億國中，稱觀世音菩薩。大慈大悲、救苦救難，發十二大願，願願為莊嚴佛土；現三二應身，身身為度化眾生。尤其於我中華民族，特別有緣。蓋自佛法東傳震旦之後，凡有敬信祈願，莫不感應道交，其尋聲救苦之事跡，史不絕書，得慈悲濟度之眾生，難以計算。以是，國中早有「家家彌陀佛，戶戶觀世音」之傳頌！《法華經》說：「求官位得官位，求男女得男女。」信可徵也。大矣哉！觀音菩薩之勝德靈感，殆罄海墨所能盡述矣也！

茲者，江蘇省海安縣營溪鄉觀音禪寺，古佛刹也。抗戰期間，燬於兵火。今值太平盛世，文化復興，宗教政策，已稱落實。幸得政府當局、合境信眾，同發大心，爭取復建，爰訂於今（十一月十七日）日吉旦良辰，舉行

動土奠基典禮，邀約山野法祝願。夫佛法者，覺世牖民之正道也。正道昌明，國泰民安，人心有佛，福緣善慶。再得觀音慈悲之垂顧，當能定國以安邦，果然如是，是則堯天舜日，不難重見於今日也！雖然如是，即今重土奠基祝願一句，又怎麼生道呢？即說偈曰：

久年佛刹慶重光 諸佛菩薩換新裝 天龍八部常擁護 一切時中恆吉祥

動！

為海安觀音禪寺藏經樓奠基祝願法語

百尺高樓從地起 萬卷經書於中藏 學人如欲尋歸路 此中提供好津梁

觀音禪寺者，乃一無史可考之古佛刹也！民初，住持無能，敗落不堪，地方信徒，請得曲塘宏開寺玉成和尚，發心修葺一新，並得其徒，道如和尚，住持發展，始克中興。二戰期間毀於兵火，寺殿佛像，蕩然無存！茲幸又逢盛世，成一為報佛恩、祖德，申請重建完成之後，幸得法緣日盛，無法容納多眾，賢度徒建議建一藏經樓，附設一所能容多眾之講堂，以應急需。余然其議，遂著手籌備，今者因緣成就，奠基興工，仰祈龍天三寶，土地尊神，不違本誓，垂慈擁護；即今奠基，祝願一句，如何道呢？即說偈曰：

今朝吉旦良辰， 藏經大樓興工；

仰祈龍天護佑， 大廈順利成功！

動！

為泰州光孝律寺藏經樓奠基祝願法語

人民路上喜氣洋 古香雨樓慶重光 學子向道有所在 佛教又將放毫光

海陵光孝律寺者，東晉義熙年間之古刹也，代出高僧名揚四海，宋代最勝曾住千僧，原名萬壽禪寺。南宋高宗，借此超薦其亡金之祖及父亡靈，始易今名，據傳宋帝曾贈山田七千餘畝，以供常住香火。清朝香雨老人，建香雨樓再世完成傳為佳話。繼有德厚祖師，與鎮揚諸山代表，北上京師弘法，

蒙清帝御贈龍藏一部，藏之高樓，利諸學者。民初住持無能，寺貌敗落，嗣得常、南師弟，力加重修，既而興僧教育，組佛教會，人才輩出，象教重興！二戰期間，又遭兵火，主殿全毀，十五世祖，南亭和尚聞悉祖庭遭毀，曾三晝夜，不食不語，最後決定，傳光孝寺法與成一、妙然、守成三人，叮囑戰後，負責修復。後成一於尼泊爾世佛大會中，巧遇中佛協趙樸初會長，請其助修，幸蒙慈允，乃得順利修復山門、天王、最吉祥殿，今復得市府各級首長夏鳴、陳寶田等，發心推動，進修古香雨樓，法堂、祖堂、戒台殿等從此可以步上弘法度生之旅程矣，仰祈獲龍天三寶，加被護持，俾能順利完成此一工程。現今祝賀奠基一句，如何道呢？即說偈曰：

十月廿六是良辰， 古香雨樓慶重新； 天龍八部生歡喜， 國泰民安佛法興！

動！

美國華嚴蓮社大雄寶殿上樑法語

今日吉旦良辰 大雄寶殿上樑 四眾雲集祈禱 佛法福利藩邦

美國加州米爾必達市華嚴蓮社新建大雄寶殿，舉行上樑典禮，住持賢度禮請山僧臨場嚴淨壇場，說法祝福！爰乃拈香祈祝偈曰：

楊枝淨水灑壇場 諸佛菩薩放毫光 天龍八部齊擁護 國泰民安降吉祥

泰州光孝律寺藏經樓新建落成祝賀詞

今天二〇〇五年五月四日，瑞定（成一）欣逢祖庭泰州光孝律寺藏經樓重建落成，謹致祝賀之詞如下：

光孝律寺，始建於東晉義熙年間（四一八），初名「天寧萬壽寺」，宋高宗為其欽、徽二祖作佛事祈福慧，敕改稱「光孝寺」，並贈山田三千畝，當時僧侶住一千人眾，為一大叢林。迨至清末，敗落不堪，幸得炳一律師者，來寺住持力加復興。炳公法徒法名西林，別號香雨，任住持後，建藏經樓，高度為全城冠，故號百尺高樓。至清光緒年間，住持少雲和尚，聯合

鎮、揚諸山，進京請得《龍藏》一部，珍藏樓上，倍增莊嚴。民國初年，谷鳴住持，為適應時勢，創辦佛學院培育僧才，特惜天不假年，五秩入寂。

後得培安主席方丈，整理寺產，建大齋堂，且曾延請太虛大師蒞泰講《維摩經》，頗能振興佛教。安公於民國十一年，授記常惺大師，師於二十年晉山，邀其弟子南亭法師助理寺務，南公先行還清債務，追回多年所欠租穀，計得三百多擔稻穀，一時財源有著，常公立即辦佛學院，培育僧才。二十二年春，常公開壇傳戒，戒子三百餘人，頗著盛況。當年授與南亭、葦宗、脫煩三弟子記莝。二十四年，常公交住持與南師，他應聘至廈門南普陀寺辦佛學院，接任住持。又榮任北平萬壽寺住持，同時又晉任中國佛教會祕書長。時日軍侵華，戰爭激烈！常公組織救護隊、難民收容所等工作，業務非常忙碌。二十八年初，公以辛勞過度，不幸圓寂，全國佛徒殊為痛悼！三十一年夏，南公交住持與葦宗法弟，應常熟寶岩寺請講《仁王護國經》。三十三年春，葦宗和尚圓寂，南公遄歸暫接寺務，三十四年春交住持與法徒沛霖和尚。南公在徒孫成一侍奉下，至鎮江醫院治療胃病，一月而愈。隨至上海親近應慈長老。三十六年回泰，授妙然、昌言、廣靜三人記別。三十七年冬，成一隨師叔祖爽亭法師至台灣弘法，於台北市成立佛經流通處。三十八年春夏間，京滬局勢緊張，成一函請南公赴台弘法，公將光孝寺之田契、古物、字畫等重要文件，交妙然法師送靜安寺中國銀行保險箱帳戶保存，即奉智光老人赴台，住十普寺。四十一年，南公在信徒支助下成立華嚴蓮社，迎其師智太老人常住奉養。成一同時應南公召，住入蓮社，侍奉二老，經營社務。五十三年，南公聞悉光孝寺被毀，三日三夜不食不語，三日後，決定傳法與成一、妙然、守成三人，囑於戰後，修復光孝寺。七十四年，成一帶團出席世佛友誼會，巧遇中佛協趙會長，乃請其助修光孝寺，承他滿口答應。當時光孝寺住持肇源長老認為，此乃天賜良緣也。市政當局亦以機不可失，立即成立復建會，擇吉開工。此光孝寺劫後復興之殊勝因緣也。因緣既已成就，府會合力推行，海內外眾緣聚合，古剎光孝寺得慶中興！

恭禧落成！吉祥萬年！

華嚴蓮社外觀整修工程祈安疏文

恭維

中華民國八十四年歲次乙亥年正月十八日卯時之良辰，娑婆世界台灣省財團法人台北市華嚴蓮社外觀整修工程，委由東耘室內設計工程有限公司負責人三寶弟子彭文正暨參與工作善信等承建。謹合十一心，至誠歸命，頂禮拜疏 上啟

十方常住三寶 華嚴教主盧舍那佛 南無本師釋迦牟尼如來 空行護法諸天護世四王善神等眾

華嚴蓮社承創業主智公、南公諸長老至現任董事長成一大師、住持賢度師父、及諸師兄、社務要員秉持華嚴宗風，弘揚佛法，淨化社會人心，福利社會，貢獻至鉅，深得好評。惟因蓮社寶殿歷經數十寒暑失修，門窗老舊，難避風雨，牆壁電線管道漏水，整棟建築外觀均須維修，爰擇吉訂今日卯時吉辰開工，整修工期約五個月。唯願

十方常住三寶、本師釋尊，慈悲光照道場，祈願工程進行自始至終，所有參與工作善信，都能同沾法喜，諸事順利，圓滿達成任務。使梵剎重光，六時吉祥！

華嚴蓮社董事長成一

暨兩序大眾

二、佛相開光、安座法語篇

為靈山講堂佛相開光法語

萬德莊嚴寶像 無量劫中修來 光網遍照法界 萬象悉皆昭回

恭維

釋迦牟尼如來，發菩提心於空王佛所，滿普賢之萬行，證妙覺果於大雪山中，為天中之天，成聖中之聖，菩提場中，演一乘之妙諦，耆闍山頂，轉成佛之法輪，談三百餘會，為人天開其眼目，說法四十九年，於闍室著其明燈，未熟令熟，已熟令脫，慧日當空，魔外斂其邪焰，慈雲爨燄，凡小回其初心，凡有緣者，咸皆獲度，情與無情，同種善根，四生九有，咸登華藏玄門，八難三途，共入毘盧性海，歎歎盛哉！佛陀盛德，難以罄述也矣。今者

靈山講堂淨行法師，偕諸信眾，共醵淨資，敬設莊嚴寶殿，恭塑迦文金身，功德圓滿，涓吉落成，邀請山僧說法開光，夫法性湛然，大光明藏，離言說相，離心緣相，法寶無可說也，必也，說者無說，聽者無聽，方為真說也。雖然如是，即今點眼開光一句，究應如何舉揚呢？

佛光照徹大千界 眾生明見自性心 無邊閻障悉除去 人間從此樂太平

開！

為華藏講堂佛相開光法語

剎塵心念可數知 大海中水可飲盡 虛空可量風可繫 無能盡說佛功德

恭維

南無華藏本師毘盧遮那如來，十身初滿，正覺始成，不離閻浮，而升天上，願力遍周法界，頓現無邊身雲，普為四十二位法身大士，演說根本法輪大華嚴經，汪洋沖融，廣大悉備；更為聲聞比丘，諸世間主，闡揚十方佛剎微塵數經。以文殊之妙智，顯普賢之大行，一多相容，大小無礙。因賅果海，果徹因源，巍巍盛德，罄海墨以難書，浩浩智海，施一味之法乳，普利人天，導迷成覺，惟冀十方法，無盡眾生，同遊華藏莊嚴海，共入菩提大道場。今者李清波、林素蘭賢伉儷，發菩提心，奉行正法，於臺北市吉林路一〇一號，興建七層大樓一棟，以其頂層，成立講堂，莊嚴法界，立名華藏，恭塑毘盧遮那如來聖相一尊，供諸信眾，禮拜供養，並擬邀集善友，定期共修，期能清淨一真法界之心，完成二利齊周之果，語其功德，非剎塵數難以喻矣！茲者寶殿竣工，法相成就，邀請山僧，說法開光。夫法性湛然，不可思議，口欲言而辭喪，心欲慮而意亡，法寶無可說示也，難然如是，即今開光點眼一句，又怎麼生？道：

佛光常照耀 經筵應時開 華嚴大富貴 法界普光輝

開！

為慧炬雜誌暨出版社佛相開光讚詞

四八端嚴微妙相，僧祇三大劫修來 禮念清淨蒙利益，法界圓融普光輝

恭維

南無釋迦牟尼世尊，成道於塵點劫前，應化於萬億國中，現微妙之色身，人天景仰，轉不退之法輪，眾生蒙庥，於闇夜為作明燈，於苦海為作慈航，登含識於衽席之上，化濁世為極樂之邦，天上人間，隨緣攝化，此土他方，廣度有情，悲願宏深，河嶽無足喻其高遠，慈航倒駕，娑婆有幸蒙其降靈，示生於淨飯王宮，鄙棄俗樂，禪修於伽耶山頂，道證極果，八相成道，循諸佛之往例，五印說法，破眾生之癡，初中後善，悉皆周圓。佛法僧寶於焉肇興，魔外皈依，邪說從是斂跡，正法住世，千古永為宏揚。世尊勝德，難以罄宣，略提本迹，用隆崇拜。

慧炬雜誌社暨出版社董事長周宣德老居士率同全體董事大德，發心恭塑並精繪釋迦文佛聖相各一尊，於虛雲禪師紀念堂上虔誠供奉，供諸善信，禮拜供養，俾能依傍聖相，發菩提之道心，念佛果德，修菩薩之萬行，惟冀感盡智圓，障消佛現，今者新廈落成，寶相安座，邀請拙衲，說法開光，即祝讚曰：

佛光遍照耀 法界悉蒙恩 天人皆歡喜 寰宇慶太平

開！

為青一寺佛陀聖相安座法語

諸佛菩薩放毫光 照臨六道諸含識 災障消除福德生 摩訶般若波羅蜜

今有簡伴居士者，宿植深厚之善女人也。發心學佛，弘法利世，創建道場，名青一寺。早晚功課，率眾修行，群情融洽，遐邇歸向，廣度有緣，望孚鄉邦，每舉法會，千指上香。湫溢其居，難容多眾，喬遷中壙，謀為擴充，樓宇巍峨，氣度恢宏，梵刹莊嚴，法相雍容，靈山感應，暮鼓晨鐘，經聲佛號，警彼愚蒙，慈雲普蔭，丕振宗風，魔外斂跡，正法昌隆。良辰吉旦，法筵宏開，山僧振錫，祝讚那伽，開光安座，祈福禳災，人身難得，勝會難再，諸方善信，曷興乎來？

願晝吉祥夜吉祥 晝夜六時恆吉祥 四眾同修十善道 物阜民康化日長

為吳府觀音聖相開光法語

無垢清淨光 慧日破諸闇 能伏災風火 普明照世間

恭維

南無觀世音菩薩，成道於無量劫前，佛號正法名如來，度生於微塵剎中，眾尊稱之為慈母，具有大慈悲、大智慧、大勇猛之三大德，故能行其為諸眾生，作不請友，聲尋救苦，隨類現身，除諸災難等之菩薩行，《法華經》云：「佛告無盡意菩薩，善男子，若有無量百千萬億眾生，受諸苦惱，聞是觀世音菩薩，一心稱名，觀世音菩薩即時觀其音聲，皆得解脫，若有持是觀世音菩薩名者，設入大火，火不能燒，若為大水所漂，稱其名號，即得淺處；若有百千萬億眾生入海取寶，遇黑旋風，吹其船舫，漂墮羅刹鬼國，其中若有乃至一人，稱觀世音菩薩名者，是諸人等，皆得解脫羅刹之難，以是因緣名觀世音。」由於菩薩有這種威德神力，故歷朝以來，累著靈感，或因供聖相而得免危難，或因持聖號，而解脫病苦，如此事實，史不絕書，人不絕傳，其聖德巍巍有如此者。茲有，吳始業、吳王如華居士者，素信佛教，供奉觀世音菩薩聖相一尊，歷十餘年，嘗著靈驗，迭蒙聖庥；然吳居士等以未為大士聖相開光為念，今日特邀山僧，來為菩薩點眼開光，其實圓通大士，功圓果滿，具足一切光明，遍照無量眾生，何待吾人為之開啟？雖然，理固如是，事有應為。否則不足以表信眾之虔誠，顯聖相之威德，果爾，即今開光一句，又怎麼說呢？道：

千江有水千江月 萬里無雲萬里天。 佛光心光雨交涉 鏡智圓明照大千。

開！

為大雄精舍觀世音菩薩竹林法相開光法語

過去正法明如來 茲作竹林觀自在 慈航倒駕普門現 甘露灑遍娑婆界 復興基地賴福佑 陷區烏雲望風開 慈心救苦常感應 中華一統日可待

茲有大雄精舍住持明光法師、護法陶希聖委員、林宗賢、邱慧君等，發心恭塑竹林觀音聖像，由世界名雕塑家楊英風先生督造，供奉於臺北市新生南路一段七號公園預定地，使附近信徒得以瞻禮、供養、瞻仰大士之慈悲，躋國家於強盛之境，登眾生於衽席之安。更祈慈風掃蕩，大陸之烏雲早除；法雨普施，神州之人心清醒；俾中華完成統一，民國綿延萬年。即今開光點眼一句，如何舉揚呢？道：

一、法眼，遙觀眾生修善行。

二、開慧眼，常將正法化群生。

三、開佛眼，普使含識出沈淪。更申慶讚偈，曰：

願晝吉祥夜吉祥 晝夜六時恒吉祥 佛光心光兩相接 世界和平國運昌

開！

民國七十四年十一月

為中華佛教文化館釋尊聖相開光法語

天下並天下 唯佛為至尊 四眾同瞻禮 得道出迷津

恭維

南無本師釋迦牟尼如來，再來之佛也。因圓果滿，成道於塵點劫前；大悲願力，示迹於五印國中。金輪宮殿為其家，白淨飯王為其父。處童子地，學通文武；厭五欲樂，志求出離。夜半逾城，苦行林中斷然棄俗；六年禪修，菩提樹下道成極果。弘宣法化，談經三百餘會；廣度有緣，說法四十九年。教分五乘，三草二木，咸沾利益；法唯一道，四六大士，共證真常。娑婆緣盡，雙樹間示涅槃相；舍利分布，四天下共尊福。法有正末，依之修行，咸獲感應；根無利鈍，得其門，類可出離。猗歟盛哉！佛功德難盡宣也。茲者中華佛教文化館館長聖嚴大師，率眾善信弟子，恭塑釋迦寶相一軀。館中安奉，虔誠供養；翼藉外佛，引發各自自性之佛；更盼勤稱念，深植每眾菩提之種。於今吉旦良辰，大雄殿改建工竣，紫金身恭塑完成，邀請

山僧說法、開光。夫佛具萬德，罄海墨而難書；法性本空，豈言語之能及？雖然如是，即今慶讚開光一句，如何舉揚？道：

百福莊嚴相 光明照十方 眾生蒙護佑 世和國運昌

開！

民國七十五年五月

為佳樂山千華寺地藏菩薩聖相開光法語

大願最勝地藏王 塵點劫前證十地 眾生度盡方成佛 冥陽攝化崇兩利

恭維

南無大願地藏王菩薩，菩薩中之大菩薩也。昔釋迦世尊為報慈母深恩，上升忉利天宮，為說大法，介紹菩薩本事，乃有《地藏本願功德經》傳世。經中記載地藏菩薩多劫以前已證十地，早該成佛，但以菩薩本發大願，必待「眾生度盡，方證菩提」而在「地獄未空」之前，「誓不成佛」。以故無量劫來，菩薩一直現身於六道眾生之間，方便救苦，隨緣攝化。眾生有苦，隨感而應，大千世界，乃至無有一毫髮許，不是菩薩化度之所。其關懷眾生之至情，有如此者。抑尤有進者：菩薩於娑婆眾生特別有緣，曾於李唐盛世，以高麗王子金喬覺身示跡我國，於皖之九華山，成道度人，住世九十九年，於開元十六年七月三十夜入滅。二十年後，於至德二年七月卅日顯靈，遂起塔供養其真身。消息轟傳，信者雲奔；凡有祈求，累著靈驗。由是寂寂荒山頓成道場，而為四大名山之一，而七月三十夜之地藏香、燒遍全國，至今不衰。菩薩之大悲願力誠難罄述也矣！今者千華寺常淨住持、一慧監院，共同發心，邀集信眾，恭塑地藏大士聖相一軀，寺中供奉，瞻視頂禮，祈求慈光照護，福蔭十方，靈感神應，冥陽兩利，並邀山僧說法開光。乃恭敬虔誠，而祝讚曰：

菩薩勝德 盡海墨而難書 眾生虔心 必有求而斯應

一、開天眼通非礙

二、開慧眼了真空

三、開佛眼如千日

照諸異法體還同 十眼圓照三千界 國泰民安樂融融

開！

為寶纈禪寺阿金剛神像開光法語

梵語伐折羅 國譯金剛神 擁護諸佛法 菩薩誓願深

阿金剛神者，梵語伐折羅，國語譯曰金剛神、或曰執金剛神、或曰密跡金剛、或曰金剛力士，皆誓願弘深之護法神也。《大寶積經》〈密跡金剛力士品〉云：「執金剛神，名曰密跡，累劫弘誓，護持正法。」又其嘗以五法示導眾生，曰：「不作誤謬，不自貢高，不邪佞業，謹護威儀，不妄言辭。」然則觀其本願，究其心行，一如《華嚴經》所說：「皆於往昔，無量劫中，恆發大願，願常親近、供養諸佛。隨願所行，已得圓滿，到於彼岸，獲神通力，隨如來往，隨諸眾生所應現身，而示調伏。一切如來所住之處，常勤守護。」其所以能如是威力自在者，良以此等護法神眾，皆能如法修行之菩薩眾、而各得解脫門者也。今者寶纈禪寺塑其神像，供奉殿側，祈其神護，常住興隆，邀請山僧說法開光，即說偈曰：

禪門深似海 佛法廣無邊 護法常垂佑 四眾慶安然！

開！

民國七十五年十月

為桃園僑愛佛教講堂蓮池觀音聖相開光法語

大哉慈悲觀世音 應化身相普門現 眾生心水若澄清 隨時隨處皆可見

恭維

南無大悲觀世音菩薩，倒駕慈航之古佛也。塵點劫前，菩薩已位證極果，為正法明如來。我大恩教主釋尊降迹娑婆，救濟眾生，菩薩乃以同願同行的古佛常現，與釋尊同時示生於南印度洋補怛洛迦山，並以常隨菩薩眾身

份，追隨釋尊，助揚法化。由是於華嚴會上開示大悲行解脫門，般若會上以觀五蘊空示導眾生，楞嚴會上闡述耳根圓通法門，法華會上演說普門法門，發揮尋聲救苦之悲願。《悲華經》三云：「於西方極樂阿彌陀涅槃之後，觀音成佛，名遍出一切光明功德山王如來。」以是觀世音菩薩與娑婆眾生特別有緣，人人信仰，處處崇拜，所著靈感，罄竹難書，而菩薩功德，亦嘆莫能窮也！今者僑愛佛教講堂信徒王慧和、王慧鳴等共同發心，恭造蓮池觀音聖相一尊，庭前安奉，供人瞻仰。瓶中甘露六時遍灑，息眾生之熱惱，施大地以清涼。大功德事也！並邀山僧說法、開光。觀音大士過去號正法明，未來稱遍出一切光明，早已佛光普照，何須拙衲開光點眼？特藉此因緣，介紹菩薩慈光，引發眾生心光耳。然則即今慶讚開光一句、如何舉揚？曰：

觀音心即佛心 佛心我心同一心 觀音相即佛相 佛相我相無兩樣 佛菩薩我鎔一體 天下太平樂未央

開！

民國七十五年十一月

為僑愛佛教講堂韋馱、伽藍神像開光法語

韋馱尊天 伽藍土地 護人護法 眾生賴利

護法韋馱尊天菩薩，乃南天八大將之一，亦即四天王二十二將之主師，當初在靈山會上，受佛陀之囑咐，擔負教法外護之大任，統率東南西三洲諸護法神，共同以衛護僧伽，救濟一切眾生為之其本誓，是以自古以來凡建寺院，必先安立韋馱尊天之神像，以表彰其護持正法之功德也。

名曰：美音、梵音、天鼓、歎妙、歎美、摩妙、雷音、師子、妙歎、梵響、人音、佛奴、頌德、廣目、妙眼、徹聽、徹視、遍視是也。此等尊神，其護法本誓，略同韋天，故佛寺中，每與韋天並奉也。《沙彌得度經》云：「伽藍土地，增益威光，護法護人，無諸難事。」於此可見赫赫威靈矣！今我國寺院，多有以漢將關羽為護伽藍神者，良以雲長一生忠義，正直聰明，成仁之後，嘗顯靈於玉泉山上，先求智者大師為之受戒，再求神秀和尚教之參禪，得度之後，立誓護法，是其由來也。然則舉以代表眾伽藍神，不其宜歟？

今有三寶弟子，部秋霞、林純年二居士，發菩提心，擁護道場，塑造韋馱，伽藍二尊神像，安奉桃園僑愛佛教講堂，並邀山僧說法開光。勝會因緣難可藏拙，乃為頌曰：二位尊神，大聖寄跡，果位之菩薩也；二位信女，慕道學佛，因位之菩薩也。《華嚴經》云：「因賅果海，果徹因源。」發心之時，即是成佛之時。又云：「發心畢竟二不二，如是二心初心難」。善哉信女，因德既勝，果必周圓。現在生中，身心清淨，災難不興，家宅安和，諸緣遂意，當來之世，三學增上，福命昌隆，龍華三會，悟佛心宗，果然如是。即今開光一句，又怎麼說呢？道：

造相功德不可量，心光透靈印佛光 所求一切皆如意，晝夜六時恆吉祥

為楊府家堂佛菩薩聖相開光法語

稽首釋迦文如來 天上天下獨稱尊 塵點劫前圓大覺 三途六道化群生

南無本師釋迦牟尼佛，三祇百劫，勤修正道，塵點劫前，完成大覺。此賢劫中，排名四聖，寄位於兜率天上，作諸天之教主，示生於娑婆世界內，為眾生之法王，稱性極談，演華嚴而化諸菩薩，迂尊降貴，闡方等而普應群機，般若除情執之糞，法華圓教化之功，談經三百會，說法五十年，度盡有緣，雙樹示寂，分舍利，八國興供，集遺教，萬世蒙恩，猗歟盛哉！佛功德之難罄宣也！輔佐大士，觀音、地藏，有求必應，靈感顯彰，向為娑婆世界眾生之所仰賴！今者，楊世煥居士及其夫人，崇敬三寶，虔修佛法，恭塑本師釋尊，觀音、地藏寶相各一尊，堂上安奉，禮敬供養，冀能影響家人及諸戚友，同沐佛光，共培勝因，是乃一大功德事也。爰特涓吉，安座開光，並邀山僧，主持說法，乃拈一偈，恭申慶讚，曰：

光明遍照法中王 有感斯應化十方 佛光心光常相接 晝夜六時恆吉祥

開！

民國七十六年一月

為法音精舍釋尊、觀音、地藏聖相開光法語

天上天下佛最尊 大士輔佐化群生 四眾瞻禮同獲福 離苦得樂出迷津

恭維

南無釋迦牟尼如來，娑婆世界之教主也。昔於空王佛所，發菩提心，進求大覺，經三祇練行，百劫修因，二千五百年前，因圓果滿，大悲願力，示現受生，中印度國，迦毗羅城，金輪宮殿為其家，白淨飯王作之父，四門遊觀，悟生老病死之大患，五欲厭離，趣轉凡入聖之正途，六年苦行，完成大覺，千二羅漢，相繼皈依，弘宣法化，廣度有緣，談經三百餘會，說法四十九年，八十春秋，雙樹示寂，舍利分布，福蔭人天！輔佐大士，觀音、地藏，最著勳勞，尋聲救苦，有感斯應，猗歟盛哉！諸佛菩薩功德無量，海墨書之而難盡也。茲者法音精舍法明法師，眾善信弟子，恭塑釋迦如來，觀音、地藏聖相各一軀，舍中安奉，虔誠供養，效法佛菩薩之精神，普為眾生，弘開大化，特涓今朝，吉旦良辰，邀請

山僧說法開光，乃拈一偈，恭申慶讚！曰：

諸佛菩薩放毫光 法音廣播喜洋洋 世界和平人安樂 晝夜六時恒吉祥

開！

民國七十六年一月

為普照寺彌勒菩薩聖相開光法語

彌勒尊號阿逸多 國譯慈氏無能勝 過去曾作智光仙 未來娑婆稱世尊

恭維

南無大慈彌勒菩薩摩訶薩、娑婆世界之補處佛也。《智光仙人經》云：「彌勒昔為一切智光明仙人，值慈氏（彌勒）佛，發心入道，佛為說《慈心三昧經》，悟解而得慈心三昧，因亦名慈氏。」《華嚴經》亦云：「初得慈心三昧，故名慈也。」慈心三昧者，與眾生快樂之總持門也。於本師釋迦佛法中，彌勒示生於南天竺婆羅門家，歸佛學道，證悟上乘，釋尊為授記別，作娑婆世界之補處佛，於五十六億七千萬年，穰伽轉輪聖王國，華林園菩提樹下，成等正覺，龍華三會，轉妙法輪。於此世中，彌勒先佛入滅，上生兜率內院，為彼天眾，廣說法要。我國五代梁朝時，浙江奉化，有布袋和尚，

號長汀子，形裁臃臃，蹙額蟠腹，出語無定，常攜一布袋，見人即乞一文錢，放入袋中，保福和尚常驗其有道。

梁貞元三年，臨入滅前，曾示偈曰：「彌勒真彌勒，分身千百億，時時示時人，時人自不識。」人因謂之為彌勒化身。寺中皆奉布袋和尚相為彌勒菩薩者以此。

茲者宜蘭員山普照寺，音度法師率諸善信，恭塑彌勒菩薩聖相一軀，寺中安奉，虔誠供養，藉勉大眾，效法菩薩廣修慈心，濟人利世，誠屬不可思議大功德事。寶相既成，涓吉開光，邀請山僧說法慶讚。乃說偈曰：

菩薩慈心不思議 普使眾生煩惱離 若人學得彌勒佛 即證無上大菩提 五眼同時現 開光大吉祥

開！

民國七十六年二月

為中國佛教文化教育活動中心佛相開光法語

仰慕佛德造佛相 優填王是好榜樣 另具一番深長意 冀藉佛光發心光

南無本師釋迦世尊，一夏九旬，上升忉利天宮，為母說法，不還娑婆，時拘睺彌國優填大王，極思慕之，乃以牛頭梅檀香木，敬造如來聖相一軀，高五尺許，堂上供奉，朝夕瞻仰，釋尊自天宮還，梅檀佛相竟起而迎佛，世尊於彼佛相囑咐末世之教化焉。我國東漢時，有孝子曰丁蘭者，其母亡故，思慕不已，乃選上材，刻母像而祀子，其媳以其事像甚虔，欲驗像之靈感，竊以針刺之，竟爾血出，媳大驚，自是亦崇敬有加，傳列二十四孝故事。觀此東西方古德之遺軼，則造相事之功德，未可忽也。今者知慧法師道心人也。秉佛陀慈悲濟世之精神，揚我國固有之文化，創立道場，發展文教，宏揚佛法，淑世牖民，並與信眾，共集淨資，恭塑千手觀音聖相一軀，安奉寶殿，供眾瞻仰。涓今日吉旦良辰，邀請山僧說法開光，夫觀音大士，乃過去之正法明佛，悲願宏深，慈航倒駕，於釋迦世尊住世時，助宣法化，現千手千眼之聖相，度無量無邊之眾生。然則菩薩早已真窮惑盡，光明遍照，固無

須吾人為之開矣。但為崇聖相之莊嚴，啟眾生之敬信，乃拈一偈，而慶讚曰：

悲願最勝觀自在 千手千眼顯神通 淨光破暗施無畏 眾生共沐慈暉中

開！

民國七十六年二月

為馬來西亞吉隆坡八打靈觀音亭觀音聖相開光法語

觀音慈悲不思議 三十二應度群迷 一念聖號方舉起 無邊苦海咸出離

南無大慈大悲觀世音菩薩，無量劫前已成正覺之古佛也。由於救苦心切，是以倒駕慈航，十方世界，作行者之益友；二千年前，佐釋尊以宣化。傳千光王靜住如來大悲心咒，度百萬億苦惱眾生身心疾難。若諸眾生，誠心稱念觀音聖號，誦持大悲神咒，凡所願求，莫不果遂。《法華經》云：「求長壽，得長壽；求男女，得男女；求官位，得官位；求富饒，得富饒。」

《大悲心陀羅經》云：「至心誦持大悲神咒，災障消除，福智圓滿，開智慧眼，知一切法，得戒還道，登涅槃山。」以是因緣，娑婆眾生普遍信奉。靈感顯著，史不絕書。今世蒙益得度者，更屬時有所聞。偉哉觀世音！大哉觀世音！聖德巍巍，嘆莫能窮矣！

今者，大馬來國吉隆坡南閩高僧鏡龕上座，秉觀音之慈心，施法雨以濟世，乃於八打鄰區，垂建觀音寶剎，恭塑大士聖相，安奉百寶殿中，供諸善信、瞻禮供養。萬緣成就，涓吉開光，邀約山僧，說法慶讚，即說偈曰：

過去正法明如來 現前自在觀世音 甘霖灑遍華藏界 福國利民樂太平

開！

民國七十六年七月

為金龍寺韋馱伽藍神像開光法語

護法韋馱尊天 衛教伽藍聖眾 受靈山之咐囑 作佛法之金湯

護法韋馱尊天，乃南天八大將之一，亦即四天王三十二將之主帥，護衛天界，禦彼魔羅，靈山會上，受佛陀之咐囑，矢志忠誠，作佛法之金湯，統東南西三洲諸護法神，共同以衛護僧伽，救度眾生盟其本誓，是以自古以來，建築寺院，必立尊像，使其威德，冀其感應。

護法伽藍聖眾，乃衛護伽藍之眾神也，《七佛經》云：「有十八神，護衛伽藍，其名曰：美音、梵音、天鼓、歎妙、歎美、摩妙、雷音、師子、妙歎、梵響、人音、佛奴、頌德、廣目、妙眼、徹聽、徹視、遍視是也」。是諸尊神，其護法本誓，同於韋馱尊天，故佛教寺院，常與韋天同時供奉也。

《沙彌得度經》云：「伽藍土地，增益威光，護法護人，無諸難事」。由此可見其赫赫威靈矣。我國寺院，多以漢將關羽，為護伽藍神，良以雲長一生忠義，正直聰明，逝後為山神，顯靈於玉泉山，智者大師為之受戒，神秀和尚教之參禪，因而得度，乃立弘誓，永護正法，奉其為護伽藍神，其故在此。

今者金龍寺主禪覺法師發大道心，重光梵宇，再塑韋馱、伽藍神像，邀請山僧，說法開光，即說偈曰：

諸神盟弘誓 擁護法王城 靈光常照燭 合寺慶安寧

開！

為金龍寺釋迦佛聖相開光法語

百福莊嚴相 無量劫修來 光網遍法界 諸佛歎奇哉

恭維

釋迦牟尼如來，發菩提心於空王佛所，歷劫勤修，證妙覺果於大雪山中，功圓果滿，為天中之天，成聖中之聖，菩提場中，演一乘之諦。耆闍山頂，轉成佛之法輪，談經三百餘會，為人天開其眼目，說法四十九年，於闍室著其明燈，未熟令熟，已熟令脫，四生九有，咸沾雨露之恩，八難三途，俱蒙慈航之濟。慧日當空，魔外斂其邪焰，慈雲覆護，凡小回其初心；凡有緣者，咸皆獲度，情與無情，同種善根，敬歎盛哉！佛陀盛德，難以盡述也矣！今者金龍寺主，禪覺尼師偕諸信眾，共釀淨資，重修大雄寶殿，共塑迦

文金身，功德圓滿，涓吉落成，邀請山僧說法開光，夫法性真如大光明藏，離言說相，離心緣相，法寶無可說也！雖然如是，即今眼開光一句，如何舉揚？道：

光照大千界 明徹眾生心 闇障悉除去 萬世慶太平

開！

為金龍寺觀世音菩薩聖相開光法語

娑婆世界多災難 幸有救苦觀世音 稱名禮拜虔供養 自得家和萬事興

恭維

大悲觀世音菩薩，成道於無量劫前，號正法明佛，示迹於娑婆界內，稱圓通教主，果後行因，悲願特勝，慈航倒駕，廣度有緣。具卅二應身，現千手千眼，尋聲救苦，有感斯應，持其聖號也。念其神咒也，皆能沉痾立起；奉其聖像也、誠其供養也、莫不災難永除。求男女得男女，勉眾生發菩提之道心，求官位得官位，冀信士修普賢之行門，化娑婆為人間淨土，變苦海成極樂世界，盛德巍巍，難可具述，皈依頂禮，總獲利益，茲有金龍寺主禪覺法師，廣集四眾，共塑金身，邀請山僧，說法開光，即說偈曰：

六通具備 五眼圓明 利人福國 天下太平

開！

為金龍寺地藏菩薩相開光法語

南無地藏大士，苦海眾生之救主也。證十地果位於恆沙劫前，度六道眾生於無數世界，嘗為婆羅門女，救慈母於阿鼻獄中，示作新羅王子，顯化迹於九華山上，具無限之悲願，欲空世間之地獄；持不渝之弘誓，盡度苦海之有情。由是故也，若稱名、若供養，皆蒙利益；必也信乎，尊慈教、崇法化，咸獲解脫。有感斯應，作眾生不請之友，無難不救；施含識無緣之慈。巍巍盛德，難以盡述！今者，金龍寺，恭塑聖相，朝夕膜拜，虔誠供養。四

眾弟子，依教奉行，感應道交，悉皆蒙恩！即今開光一句，如何舉揚？即說偈曰：

慈光普照三千界 冥陽兩利證真常

開！

為金龍寺目連尊者聖相開光法語

摩訶目犍連尊者，佛陀釋尊之大弟子也。得六種之神通，為三乘之脇侍，雖悟聖道，孝思常存，餓鬼道中救其慈親，盂蘭會上遺其芳型，法華闡法，頓悟前，蒙佛授記，當證金身。多摩羅跋旃檀香佛，廣度人天無數眾生，內祕菩薩行，外現是聲聞，護持正法，天人共尊！今者金龍寺主恭造金身，供養崇拜，光其懿行。涓吉今朝，吉旦良辰，邀請山僧，說法開光，乃申偈曰：

搦至孝之德風 扶末世之人倫 萬方崇斯教化 人天獲福無窮

開！

為普照寺觀音聖相開光法語

娑婆眾生多災難 幸得救苦有觀音 但具誠心修供養 自然家和萬事興

恭維

大悲觀世音菩薩，成道於無量劫前，號正法明佛，示跡於娑婆世界，為圓通教主，果後行因，尋聲救苦，慈航倒駕，有感斯通。具三十二應身，現千手千眼，或念其聖號、或特其神咒，皆能沉痾立起；若奉其寶像、若誠其供養，莫不災難永除；求男女得男女，求官位得官位，盛德巍巍，難可具述，皈依頂禮，終獲利益！茲者，普照寺住持明本法師，為造福地方，並廣度有緣，特集淨資，恭塑巨型觀音聖像一尊，謹安山門，供眾膜拜，並邀山僧，說法開光，其實諸佛菩薩，光明具足，何須拙納，多所饒舌？理雖如是，事有應為；否則，不足顯大士之盛德，亦難以表信眾之虔誠，果爾，即今開光一句，又作麼生，道：

無垢清淨光 普照於十方 天人蒙利益 國泰民安康

開！

為普照寺韋馱伽藍聖像開光法語

韋馱尊天，南天主帥，宿具弘誓，護持道人，受靈山之咐囑，護末世之僧倫。三洲感應，赫赫威神，魔羅遇逢，逃遁無形，恭造神像鎮山門，闔寺賴以保安寧！

伽藍聖眾，一十八神，同具弘誓，護持佛門，受靈山之咐囑，護末世之僧倫，震旦示迹。現將軍身，忠義凜然，為國成仁，遇善知識，受戒修行，矢志護法，福佑行人。今者，普照寺主，為造金身，至邀山僧，說法開光，爰申偈曰：

敬造神像鎮山門 一境賴以保安寧！

開！

為山佳淨律寺藥師如來相開光法語

梵語鞞薩社窣嚩 此云藥師琉璃光 十二大願利有情 令諸所求悉皆得

南無藥師琉璃光如來，又稱大醫王佛，復有醫王善逝等尊號，梵語稱為鞞薩社窣嚩，乃東方淨琉璃國之教主。因中行菩薩道時，曾發有十二大願，普救眾生之病源，根治無明之痼疾，惠施有情資生所需，解除眾生一切苦惱。破惡見之稠林，滅九橫之災難，勤修三聚淨戒，具諸梵行，咸令安住大悉，圓成妙果。若諸眾生，至心歸信，感應道交，功不唐捐，一持名一供養，廣解諸厄；一皈依一頂禮，福臨障消，是誠閻室之明燈，苦海之慈航也！本師釋迦世尊，昔於樂音樹下，不惜再四推介者，良有以也。茲者淨律禪寺廣元和尚率領該寺信徒王雲五、陸京士、孫亞夫等集資恭塑藥師琉璃光如來寶相一軀，香花供養，虔佑福庇，並邀山僧為之說法開光，俾能廣善緣，弘大功德，夫佛成萬德，具足光明，何勞吾人畫蛇添足？雖然如是，即令開光一句，又作麼生，道：

五眼齊開心光發 觀察圓明照大千

開！

為宜蘭圓通寺準提菩薩聖相開光法語

觀音能現多種身 祇為胸懷大悲心 俱胝佛母大準提 顯密圓融度眾生

恭維

南無七俱胝佛母大準提菩薩，古尊稱之為天人丈夫觀音，以為人天道之教化主也。準提梵語，譯曰清淨，讚菩薩心性之清淨無染也。《準提經》云：「準字門者，於一切法は無等覺義；提字門者，於一切法は無取捨義。」讚菩薩智悟平等法性也。菩薩相著三眼十八臂，示菩薩攝化無畏之精神也。日本禪宗以準提為觀音部之一尊，深尊崇之；東密以準提為六觀音之一，攝於蓮華部；而臺密則據七俱胝佛母準提經之經名，將準提入於佛母中，以之為佛部之特尊。然則此大士者，佛菩薩兩部俱攝，顯與密兩宗同尊，其大悲大智，威德神通，殆早為娑婆眾生之所宗仰矣。今者，宜蘭礁溪圓通禪寺心照法師，率眾善信，集資恭塑準提大士聖相一軀，美妙莊嚴，世無倫比，安奉寺中，虔心供養，功德回向真如實際，佛果菩提。伏願國界安寧，人民幸福，佛法隆興，眾生得度。乃涓吉於十一月之二十七日，吉旦良辰，邀請山僧說法開光，遂拈一偈以為慶讚，偈曰：

巍巍聖相安寶座 萬萬佛子沐恩光 華藏莊嚴塵刹現 福慧雙圓證真常

開！

民國七十八年二月

為華嚴蓮社弘法中心釋迦佛相開光法語

天上天下無如佛 功德莊嚴難比倫 累劫修來福慧足 十方世界獨稱尊

恭維

南無大恩教主本師釋迦牟尼如來，發心於空王佛所，授記於燃燈佛前，普為眾生進修梵行，三祇功滿，百劫因成，兜率降神，示現受生。雖處王宮，不戀世榮，遊觀民間，恫瘝民瘼。為滿宏願，決志出家，勤求解脫大道，誓作救世法王。五載尋師，六年苦行，降魔於金剛座上，成道於菩提場中，三百餘會弘揚正法，四十九年普度有緣。功德果滿，雙樹示寂，遺教嘉謨，萬古流傳。佛陀盛德，海墨難書，眾生有幸，同蒙法化！

今者華嚴蓮社四眾弟子，成立弘法活動中心，恭塑釋尊寶相一軀，供多眾以虔心禮讚，結法緣而普利人天。特涓吉旦於二月八日，舉行安座、開光典禮，邀約山僧說法慶讚。夫法住法位，無可說示，生心佛心，有感斯通。然則即今開光

讚詞，如何舉揚呢？即說偈曰：

萬德莊嚴相 眾生良福田 常念常供養 幸樂廣增延

開！

民國七十八年四月

為金寶山安樂寺西方三聖寶相開光法語

阿彌陀佛放祥光 諸佛菩薩光中現 念佛成佛平常事 轉凡成聖亦等閒

茲有金寶山安樂寺，新興之佛教道場也。其開山住持廣慈法師，佛教之知識僧寶也。得企業家曹日章、楊麗藻居士；藝術家朱銘先生之發心布施，策劃「敦煌初現」之千佛石刻，迴環寺週，莊嚴佛刹。更建七級浮圖於寺之左側，彰正法之高顯超群，示眾生以正覺歸路。又復造藥師琉璃光如來寶相七軀、五方世界七佛金身七軀、四方極樂世界阿彌陀佛、觀音、勢至三聖寶相一堂，大願地藏王菩薩聖相及諸護法尊神像，以隆供奉，以護伽藍，以培勝因，以增福田，誠乃不可思議之大功德事也。經云：「諸法因緣生。」又云：「佛種從緣起。」凡事莫不待緣具而後成。今眾緣成就，道場隆興，佛日增輝，法輪常轉。行見靈山重現於斯土，眾生共登於衽席，娑婆變成極樂國，有情共證淨法身。雖然如是，即今慶讚諸佛菩薩安座開光一句，應如何道呢？乃說偈曰：

造像建寺功行深 福慧雙修植善因 自他兩利菩薩道 萬眾同登解脫門

開！

民國七十七年八月

為印尼大叢山西禪寺奠基暨戒光講堂落成佛相安座法語

印尼原是名聞國 摩訶衍乘廣流傳 戒光講堂凌雲起 眾生同登般若船

印度尼西亞，名聞古國也，以其鄰近天竺，得佛法化較先，梵刹處處，高僧濟濟，經聲佛號，縈繞於山林水邊，暮鼓晨鐘，迴旋於城市鄉野，多少山河名利客，咸皆清醒；無邊苦海夢中人，都蒙覺悟。比自晚近以來，宗教信仰自由，百花齊放，形成競秀之勢；四眾奮起，思發普渡之船，圖佛日之重輝，冀法水之長流，上報佛恩，下濟含識。

爰有慧雄法師，發廣大心，率諸善信，樹正法幢，戒光講堂，巍峨聳立，佛聖寶相，璀璨莊嚴，依正互融，二嚴畢備，涓吉今朝，落成開光，同時舉行大西禪寺奠基典禮；邀請山僧說法慶讚，唯願戒品增光，正法久住，仰求護法龍天，共降吉祥。雖然如是，即今講堂落成，佛相安座開光，大西禪寺動土奠基，祝福一句。如何舉揚？即說偈曰：

諸佛菩薩放毫光 經筵常開法義揚 六趣有情咸開覺 護法龍天降吉祥

安！

民國七十九年十二月

為大崗山舊超峰寺琉璃寶殿落成觀音聖相開光法語

大崗山上放毫光 光中影現大法王 三十二應慈悲主 尋聲救苦度群盲

恭維

南無補怛洛迦山琉璃世界，普門示現圓通教主，大慈大悲觀世音菩薩，成道於無量劫前，現身於萬億國中，有求皆應，無感不通，具大慈悲，除眾

生之熱惱；運大智慧，息三途之苦輪；奮大勇猛，施大無畏，於水、火、風災，諸險難處，廣設方便，普駕慈航，出群迷於苦海，登眾生於衽席，令發無上菩提之心，教修一乘菩薩之道。由是良緣廣結，慈音遠播，形成「家家彌陀、戶戶觀音」，其靈感故事，傳聞處處，圓通佳話，史不絕書，大矣哉！觀世音菩薩之威神功德，罄海墨而難以盡書也矣！

今者大崗山舊超峰禪寺興建琉璃寶殿，恭塑阿彌陀佛、觀音及勢至三聖法相，介紹念佛功德，弘揚淨土法門，普願眾生，同歸極樂！涓吉落成，邀請山僧，恭為觀音大士說法開光。夫法性湛然，示清淨之法身，寶相莊嚴，顯利生之化迹。性相圓融真法界，理事無礙放光明。雖然如是，即今慶讚開光一句，如何舉揚？即說偈曰：

菩薩常放無垢光 慧日高懸破諸闇 慈航往來萬億國 普載眾生登彼岸

開！

民國七十九年十二月

為桃園定慧學舍佛相開光法語

祥雲靄靄法筵開 諸佛菩薩降臨來 普度眾生成大覺 三途六道出塵埃

恭維

南無華藏世界本師毗盧遮那佛陀，示生於文化古城迦毗盧國，成道於阿蘭惹法菩提場中，十身初滿正覺始成。二七日中，頓演一乘華嚴大教，四九年間，慈濟六趣諸含識眾，光明遍照十方世界，法音遠播萬億國中，龍天歡喜，眾生得度。法雨普施，佛光遍照，邪魔外道，轉迷途而齊歸正道；小果聲聞，捨自利而頓發大心。

以有毗盧遮那如來光明之遍照，眾生乃得擺脫神權迷信之困惑，服膺佛陀之慈諭，奔向解脫之大道。爾後，復有歷代高僧續佛慧命，南北兩道分傳心燈，雖大小乘之方針有差，而求正覺之觀念一致，綻發菩提之花，豐產涅槃之果，人心賴以淨化，世界幸得和平！佛陀化世救人之功德，罄海墨而難以盡書矣！

今者乘瑄法師率諸信眾同大心，恢宏法化，創立定慧學舍傳佛心燈，崇奉毗盧遮那聖相及諸菩薩、護法善神，供眾瞻禮，同修福慧，培植菩提善根，以上求佛道；修學菩薩道行，以下化眾生！特涓吉於十一月二十五日舉行落成開光典禮，並邀山僧說法慶讚，《法華經》云：佛種從緣起，廣修諸善法。若悟此意，成道非難！雖然如是，即今慶讚開光落成一句，又應如何舉揚呢？即說偈曰：

十方三世佛 胥由福慧生 諸賢如法修 結果自然成

開！

民國八十年二月

為清涼山菩提寺三聖寶相開光法語

阿彌陀佛大醫王 觀音勢至彌兩旁 三聖合度念佛客 苦海處處泛慈航

恭維

南無極樂教主阿彌陀佛，無量劫前，遇世自在王佛，機熟緣至，爰乃發心學道，佛為立號。法藏比丘，發四十八廣大願，以莊嚴佛土，立信、願、行三資糧，而普度眾生。難行能行，精勤勿懈，功圓果滿，終成大覺。得無量莊嚴之極樂世界，感觀音、勢至之輔弼菩薩，由是淨土法門，十方傳播；持名念佛，隨願往生，作苦海之燈塔，為眾生之慈航。釋迦世尊，特為拈出；慧遠大師，廣為宏揚；致使人人都念阿彌陀佛，處處總見蓮池花開，三根普被，十宗同修，功德廣大，無與倫比！今者清涼山菩提寺、本覺法師，發菩提心，行菩薩道，率諸善信，恭塑阿彌陀佛，觀音、勢至，三聖寶相，領眾念佛，弘揚淨土。並自緬甸請回釋迦玉佛，又復築修菩提大道，同慶完工。爰迺拜梁皇懺，傳在家戒，隆重舉行開光典禮，承邀參加，同申慶讚！是此法門，功德難量，主持者，福慧雙修，參與者，二嚴畢備；雖然如是，即今慶讚開光一句，如何舉揚？即說偈曰：

諸佛菩薩放毫光 無邊妙義廣宣揚， 三途六道齊得度 護法龍天降吉祥。

開！

民國八十年二月

為準提寺禪修會釋迦寶相開光法語

九十七種大人相 無量妙好莊嚴身 三祇百劫練成佛 天上人間獨稱尊

恭維

南無大恩教主本師釋迦牟尼如來，清淨法界身，本無出沒；大悲大願力，示現受生。三千年前，以護明菩薩自知足天宮下降，八十歲裡，作人天教主出廣長舌說法，四諦十二因緣，為小乘聖者，開其覺路；四攝十波羅蜜，令大菩薩圓成佛果；三皈五戒，普利人天；十善業道，福樂社會。因緣果報，彰萬法生起之原理，四大五蘊，顯人身假合之緣相。由是法性本空，示諸法之實相，萬有無常，作悟道之契機。諸法實相，即「法界心」，亦「真如」，亦可稱之「如來藏性」，諸佛悟，證無上之極果，眾生不覺，陷苦海以沉淪！經云：「心佛與眾生，是三無差別」，即此義也！

今有文德法師，發菩提心，修菩薩道，建準提禪寺，塑釋迦寶相，作自修之蘭惹，為利他之道場。工程告竣，擇吉開光，邀請山僧，說法慶讚。夫佛法者，心法也！心生則種種法生，心滅則種種法滅，文德法師諸信眾，發心學佛，現前當來，必當成佛。雖然如是，即今開光一句，怎麼生道呢？即說偈曰：

準提寺成禪修會 莊嚴眾寶供如來 摸得娘生鼻孔生 千聖萬賢歎奇哉

開！

民國八十年十二月

為妙果徒孫俗家祠堂佛相開光法語

時序入冬令 萬物盡收藏 慧德堂工竣 三聖降吉祥

恭維

《觀無量壽經》云：「是心是佛，是心作佛。」凡夫、外道，總以為佛在心外，所以一直向外馳求。誰知愈求愈遠，終不得佛。我佛世尊，憐憫眾生無知，乃不惜苦口婆心，大聲疾呼，要眾生放棄迷執，澈悟佛非他事，實內自心。《華嚴經》云：「若人欲了知，三世一切佛，應觀法界性，一切唯心造。」此之數語，較諸觀經所說，更為明白。然而此處須注意者，唯一觀字！也就是說，佛既即是自心，則當收回向外馳求的妄心，反觀內在的心性。而此心性，無聲無臭，何從得悟此心即佛，此即佛徒必須禮拜佛聖相之所由來。蓋獨頭意識，不能觀真，必假外在之佛，引發內心佛性，而悟知「是心是佛，是心作佛」之理也。今者，妙果徒孫，為報答其生身父母養育之深恩，特於其雙親生前居住之平房，加蓋一層，作為陳設佛堂祠堂之用，堂中供奉西方三聖寶相，並及祖先、父母之蓮位，俾族中親眷，禮佛，祭祖有所，於三寶崇其化德；於父母盡其孝思。尤其盼能藉此禮拜外在莊嚴之佛相，喚醒各人自心本具之無位真佛！果然如是，則此堂之立，其功德唯佛與佛為能知矣。雖然如是，即今慶讚落成開光一句，又怎麼生道呢？即說偈曰：

自性具萬德 佛種從緣生 悟得如是理 人和世太平

開！

為龍潭湛然精舍佛相開光法語

四八端嚴大人相 三祇百劫勤修來 因圓果滿成正覺 一瞻一禮出塵埃

南無娑婆教主，本師釋迦牟尼如來，歷劫修因，早圓大覺，慈悲救世，廣泛慈航。二千五百年前，降生淨飯王宮，關懷眾生疾苦，決心棄捨尊榮，五載尋師，六年苦行，降伏魔怨，禪定功深。三十歲末，夜睹明星，大覺大悟，宇宙人生，否定神權，破除迷信，談經三百餘會。說法四十九年，因緣生萬法，結果必由因。昔為三界六道苦惱眾生，點亮超凡入聖智慧明燈，人天慶開覺路，三途息其苦輪。千年而後，大法東來，梵音演妙諦，聖相坐蓮台，仁王護法，萬眾皈依，宗風丕振，普度群迷；佛光普照，福國利民，大事因緣，萬古常新！今有性良愛道，發菩提心，建立精舍，弘法利生，道場成就，佛現金身！涓吉四月六日，舉行開光典禮，邀請山僧，說法慶讚。夫

法性湛然，非可言宣，大權示現，皆成妙諦！真俗圓融，空有無礙，福慧齊修，得大自在！雖然如是，即今開光慶讚一句，又怎麼生道呢？即說偈曰：

佛身遍滿於法界 光明普照諸有情 眾生皈依咸獲福 國泰民安樂太平

開！

執筆云：開眼光：五眼普觀眾生心，心開見如來。

開耳光：天耳唯聞說法音，正法度群生。

開鼻光：淨鼻唯嗅法身香，脫苦登慈航。

開舌光：廣長舌轉妙法輪，法濟諸迷律。

開身光：法身光明函照耀，眾生咸開曉。

開意光：慈悲意願度群迷，一生也不遺！

為湛然精舍觀音菩薩聖相開光法語

觀音常放慈悲光 與樂拔苦度群迷 凡有持名咸獲度 至誠皈依莫遲疑

茲有湛然精舍，性良法師，暨諸信徒，發菩提心，建立道場，弘揚正法，福利眾生。並於佛殿，恭觀世音菩薩聖相一尊，供眾禮拜，供養求福，並請山僧說法開光，即說偈曰：

無量劫前已成道 倒駕法船為眾生 十四無畏悲心切 三十二應示普門

開！

為湛然精舍地藏菩薩聖相開光法語

九華山上慈悲主 冥陽兩利稱法王 誓願宏深最第一 親蒙佛策度十方

茲有湛然精舍性良法師，發菩薩心，行菩薩道，建立道場，弘法利生！更集淨資，恭塑大願地藏菩薩聖相一尊，供人瞻仰，禮拜求福，發揚菩薩之

誓願，救度苦難之眾生，其精神令人敬仰，其功德難可計量！今者，道場已成就，聖相現金身，擇今良辰，為佛開光，邀請山僧，說法慶讚，即說偈曰：

地藏慈悲不思議 眾生度盡證菩提 我等有緣禮大士 效法菩薩度群迷

開！

民國八十一年六月

為大陸海安觀音禪寺三寶佛相開光法語

三僧祇間練苦行 百大劫中修勝因 功圓果滿成正覺 天上人間獨稱尊

南無娑婆教主本師釋迦牟尼如來，二五四四年前，降誕印度迦毘盧國。父為淨飯大王，母乃摩耶夫人，佛為太子，號悉達，七歲開蒙，無師能教，出四門遊觀，睹老病死苦，感人生無常，遂出家修道。五年隨學婆羅門仙，了無所得，六載山中參禪得定，終悟真常。由是三七日中，暢宣華嚴圓教，無奈人天小乘，莫由領會，因乃脫珍著敝，隱實施權，初轉法輪，鹿野苑中，演提渭阿含，人天小教；二照法輪，說方等般若，大乘始教，揚諸法空性；三持法輪，於大乘頓教，顯中道妙理，悟自性無為。最後於法華會上，會三歸一，開權顯實。綜其一生，談經三百餘會，說法四十九年，無非因機施教，隨緣攝度。總觀其度生法門，大分為二：一曰：改善眾生生活之法門，請由東方藥師琉璃光如來主其事，良以藥師世尊，立十二大願，誓救眾生，脫離貧窮孤露、惡疾纏身等，一切苦難，悉令安住，菩提道中，成就佛果。一曰：解脫眾生生死之法門，請由西方極樂世界阿彌陀佛，以專其務，總因彌陀如來，發四十八願，接引眾生，往生極樂！示念佛之方便法門，立弘誓任九品同登。解脫生死，同證無生。世稱此三世尊，為三寶佛，觀其勝德，良有以也。

今者海安觀音禪寺，無從稽考之古刹也。代出名僧，法音遠播，為一方至道信仰之中心，乃萬民依法修行之重鎮。二次大戰，毀於兵火，幸逢盛世，得機重興，成一發其誠心，政府大力支持，加以十方檀越，發心擁護，使古刹重光，三寶再建，功德無量，福報難思！茲值大雄寶殿落成，佛聖靈

像開光之期，台海兩岸，諸山大德，應邀主禮。成一有幸，恭逢其盛，敬祝國運昌隆，時和世泰，三寶隆興，佛日增輝！即說偈曰：

諸佛菩薩放毫光 天龍八部降吉祥 國運昌隆佛法興 江山一統樂太平

開！

為華嚴蓮社藥師佛、阿彌陀佛聖相開光法語

梵語鞞薩社窣嚩 此云藥師琉璃光 四十八願阿彌陀 同度有情脫苦輪

南無藥師琉璃光如來，已稱大醫王佛，復有醫王善逝等尊號，乃東方淨琉璃國之教主，曾發有十二大願，普救眾生之病源，惠施有情資生所需，解除眾生一切苦惱，滅九橫之災難，勤修三聚淨戒，具諸梵行，咸令安住大乘，圓成妙果。

南無接引導師阿彌陀佛，因地發四十八種大願，願度無邊眾生，修學佛法，果感莊嚴淨土，接引念佛行人，同登極樂。藥師、彌陀同一悲心。若諸眾生至心歸信，感應道交，功不唐捐。一持名、一供養，廣解諸厄，一皈依、一頂禮，福臨障消，是閻室之明燈，苦海之慈航也。

今有華嚴蓮社住持賢度法師，率領三寶弟子，信眾一同，精造藥師如來，阿彌陀佛，寶相各一軀，寶殿奉侍，香花供養，並邀山僧，說法開光，俾能廣結善緣，弘大功德！夫佛成萬德，具足光明，何勞吾人，畫蛇添足？雖然如此，事必備而理方隆也！即今開光一句，又作麼生道呢？

藥師慈心增福壽 彌陀悲願度人天 五眼齊開心光發 觀察圓明照大千

開！

為華嚴蓮社彌勒、準提、地藏、韋馱、伽藍菩薩

聖相開光法語

九十七種大人相 無量妙好莊嚴身 三祇百劫練成佛 天上人間獨稱尊

今有華嚴蓮社住持率領三寶弟子信眾一同，請得彌勒尊佛、準提菩薩、地藏菩薩、韋陀菩薩、伽藍聖眾菩薩，聖相各一軀，禪堂供養，虔誠供奉，朝夕禮拜，藉勉大眾，效法菩薩，廣修慈心，期圓聖果。今逢觀音聖誕，吉日良辰，邀請山僧，說法開光，夫佛法者心法也，心生，則種種法生，心滅，則種種法滅，今者法師、居士，發心學佛，現前當來，必得成佛。雖然如是，即今開光一句，怎麼生道呢？

造像建寺功行深 福慧雙修植善因 自他兩利菩薩道 萬眾同登解脫門

開！

為美國華嚴蓮社華嚴講堂釋迦佛相開光法語

三僧祇間練苦行 百大劫中修勝因 功圓果滿成正覺 天上人間獨稱尊

南無娑婆教主本師釋迦牟尼如來，二五四〇年前，降誕印度迦毘盧國，父為淨飯大王，母乃摩耶夫人，佛為太子，號悉達多，七歲開蒙，師不能教，出四門遊觀，觀老病死苦，感人生無常，遂出家修道。五年隨學婆羅門仙，了無所得，六山中參禪得定，終悟真常。由是三七日中，暢宣華嚴圓教，無奈人天小乘，莫由領會，因乃脫珍著敝，隱實施權，初轉法輪，鹿野苑中，演提洹阿含，人天小教，二照法輪，說方等般若大乘始教，提諸法空性，三持法輪，於大乘頓教，顯中道妙理，悟自性無為。最後於法華會上，會三歸一，開權顯實，綜其一生，談經三百餘會，說法四十九年，有緣度盡，雙林示寂，分布舍利，福利萬世，此大聖釋尊，一代垂跡之實相也。

今者美國加州米爾必達市華嚴蓮社董事長成一，代住持弘度法師，率領善女人陳寶琴、林素蘭、江瑤琴居士等，發心恭塑釋迦世尊寶相、彌勒尊佛各一軀，供奉於蓮社華嚴講堂，供眾禮拜，虔修供養。謹詹於六月二十三日敬為新闢講堂完成，新塑佛相舉行開光典禮，邀約山僧主持說法祝福，夫佛具圓光，普照法界，眾生蒙照，福慧駢臻，世界和平，國泰民安，即今祝福開光一句，如何舉揚。

塵刹世界慈悲主 無盡國土大法王 佛光普照諸有情 國家人民共吉祥

開！

為美國加州米爾必達市華嚴蓮社阿彌陀佛相

開光法語

梵語尊稱阿彌陀 譯曰無量壽與光 四十八願感樂土 百千方便度群蒙

南無阿彌陀如來，本名觀自在王佛，《無量壽經》上云：「過去久遠劫，錠光佛出世，次第至五十三佛，名世自在王佛，時有國王，聞佛說法，心懷悅豫，棄國出家，號曰法藏，至前白佛，我發無上菩提心願，我當修行，取清淨妙土，使我速成正覺，拔度眾生，生死苦本，佛為廣說二百一十億諸佛淨妙國土，法藏於佛前發四十八願，有一不遂者，皆誓不成佛，於是法藏於不可思議兆載，修集無量德行，願滿成佛號無量壽，世界名極樂，今現在說法。」此阿彌陀佛之本迹因緣也。其淨土法門，頗愜娑婆眾生機宜，故自廬山遠公創宗以來，遠遍近傳，歷久不衰，佛陀威德為如是也。

今美國加州華嚴蓮社李學鄉居士，暨僧信弟子，特發大心，恭塑阿彌陀佛聖相一軀，及以四大天王尊像安奉講堂，供眾善信，禮拜供養。擇吉今朝，為佛開光，邀約山僧，主持說法。即說偈曰：

佛陀願力廣無邊 慈悲接引萬億眾 自性彌陀人本具 心淨土淨事理融

開！

為美國華嚴蓮社彌勒佛及韋馱、伽藍菩薩聖相

開光法語

南無當來下生彌勒尊佛 彌勒佛化痴呆 手提布袋笑盈腮 張海口暢心懷 常曰穩坐待當來 運慈心得三昧 補處上升兜率界 勵性修功德滿 普度群緣登金階

開！

南無護法韋馱尊天菩薩 韋馱天將 菩薩化身 三洲感應 四眾蒙恩 擁護佛法 誓願弘深 持寶杵鎮魔軍 功德難與比倫

開！

南無伽藍聖眾菩薩 南天十八善神 誓願護法安僧 欽承佛敕為翰屏 梵刹
賴以得安寧

開！

為大陸泰州光孝律寺三寶佛相開光法語

三僧祇間練苦行 百大劫中修勝因 功圓果滿成正覺 天上人間獨稱尊

南無娑婆教主本師釋迦牟尼如來，二五四〇年前，降誕印度迦毘盧國。父為淨飯大王，母乃摩耶夫人，佛為太子，號悉達多，七歲開蒙，無師能教。出四門遊觀，睹老病死苦，感人生無常，遂出家修道。五年隨學婆羅門仙，了無所得，六載山中參禪得定，終悟真常。由是二七日中，暢宣華嚴圓教，無奈人天小乘，莫由領會，因乃脫珍著敝，隱實施權，初轉法輪。鹿野苑中，演提渭阿含，人天小教，二照法輪，說方等般若；大乘始教，揚諸法空性，三持法輪；於大乘頓教，顯中道妙理，悟自性無為。最後於法華會上，會三歸一，開權顯實，綜其一生，談經三百餘會，說法四十九年，無非因機施教，隨緣攝度。總觀其度生法門，大分為二：一曰：改善眾生生活之法門，請由東方藥師琉璃光如來主其事。良以藥師世尊，立十二大願，誓救眾生，脫離貧窮孤露、惡疾纏身等，一切苦難，悉令安住，菩提道中，成就佛果。一曰：解脫眾生生死之法門，請由西方極樂世界阿彌陀佛，以專其務。總因彌陀如來，發四十八願，接引眾生，往生極樂！示念佛之方便法門，立弘誓任九品同登。解脫生死，同證無生。世稱此三世尊，為三寶佛，觀其勝德，良有以也。

今者我泰州市光孝律寺，東晉古刹，代出名僧，法音遠播，四眾皈依，為一方至道信仰之中心，乃萬民依法修行之重鎮。二次大戰，毀於兵火，幸逢盛世，得機重興。中佛協趙會長，大力支持，市政府諸長官，熱心贊助；肇源長老開其端，松禪二師繼其志，兩序大眾，戮力同心，十方檀越，發心護持，使古刹重光，三寶再建，功德無量，福報難思！茲值大雄寶殿落成，佛聖靈像開光之期，台海兩岸，諸山大德，應邀主禮，成一有幸，恭逢其盛，敬祝國運昌隆，時和世泰，三寶隆興，佛日增輝！即說偈曰：

諸佛菩薩放毫光 天龍八部降吉祥 國運日隆佛法興 江山一統樂太平

開！

為宜蘭妙釋寺蓮池觀音、華嚴三聖、韋馱伽藍

寶相開光法語

佛身充滿於法界 相好光明照十方 九界聖凡蒙開曉 因圓果滿證真常

恭維

華藏教主，毘盧本尊，無量劫前，早成正覺，娑婆機熟，再現金身。悲願力故，大權示現。其為體也，非生非滅；其為相也，無去無來，福慧雙圓，莊嚴無比。具九十七種大人相，有無量數隨形妙好。十身初滿，正覺始成，不離閻浮，而升天上，歷忉利、夜摩、兜率、他化、欲界諸天，說十住、十行、十向、十地，華嚴大教，二七日中，暢演根本法輪；四十一眾，同餐甘露妙味。有緣度盡，慧日潛輝，無上法寶，遍傳界內。中外善知識，代代弘演；夷夏有緣者，人人得度，猗歟盛哉！大雄世尊之勝德，不可而具盡揚也。今者，宜蘭礁溪妙釋寺，殊度法師，偕一寺大眾，諸方善信，發無上之道心，修難思之功德，虔誠恭塑，毘盧本尊、文殊普賢、華嚴三聖，及以蓮池觀音、韋馱、伽藍，寶相一堂，擇吉今日，安座開光，邀請山僧說法慶讚，夫相由心生，造佛成佛，是之功德，難以稱述。雖然如是，即今慶讚安座開光一句，如何舉揚？即說偈曰：

諸佛菩薩現金身 造相因果難思量 無上因證無上果 國泰民安大吉祥

開！

開文殊菩薩法相光 文殊師利妙吉祥 三世諸佛法身娘 輔佐如來弘正法 皈依頂禮慧日長

開！

開普賢菩薩法相光 普賢菩薩大願王 願願皆成佛資糧 助佛度生賀寶筏 普令同赴菩提場

開！

開觀音菩薩法相光 觀音菩薩號圓通 尋聲救苦誓願宏 凡有所求皆感應 咸令
眾生與佛同

開！

開韋馱神像光 三洲感應稱天將 擁護佛法誓宏深 寶杵降伏魔軍眾 號稱金湯
衛山門

開！

開伽藍神像光 護伽藍神十八尊 秉佛咐囑護僧倫 凡諸魔怨悉驅散 佛法昌隆
國太平

開！

為屏東覺慧寺三聖佛相開光法語

三僧祇劫練苦行 百千界中修聖因 功圓果滿成正覺 天上人間獨稱尊

南無娑婆教主本師釋迦牟尼如來，二五四三年前，降誕於北印度迦毘羅衛國，父為淨飯大王，母乃摩耶夫人。父為太子立號曰悉達，七歲開蒙，無師能教，出四門遊觀，睹老病死苦，於是感人生無常，遂出家修道。五年隨學婆羅門仙了無所得，六載山中參禪，得入正定，終悟真常。由是二七日中，暢演華嚴圓教，無奈人天小乘，莫由領會，因乃脫珍著蔽，隱實施權，初轉法輪鹿野苑中，演揚提謂阿含，人天小教，二照法輪，說方等般若；大乘始教，闡揚諸法空性；三轉法輪，於大乘頓教，闡揚中道妙理，令悟自性無為。最後於法華會上，會三歸一，開權顯實。綜其一生，談經三百餘會，說法四十九年，無非應機施教，隨緣攝度，佛陀功德，誠盡海墨難書也矣！

今者寶島屏東潮州覺慧禪寺妙度法師，發菩提心，創立道場，蒙三寶龍天之加持，得護法善信之力助，道場成就，佛相開光，邀約會本、傳孝以及成一三位法師，主禮說法。成一有幸恭逢其盛，隨喜讚嘆而說偈曰：

諸佛菩薩放毫光 天龍八部降吉祥 國運昌隆佛法興 四眾同登菩提場

開！

奉為屏東潮州覺慧寺新塑伽藍菩薩聖相開光

伽藍護法諸聖眾 南天十八大尊神 又加漢將關雲長 共護佛法顯威靈

開！

為黃台富、馬玉貞居士觀音聖相開光法語

觀音菩薩妙難酬 清淨莊嚴累劫修 三十二應遍塵刹 苦海常作度人舟

今有三寶弟子黃台富、馬玉貞，請得觀世音菩薩聖相一軀，家中供奉，祈求慈光照護，福蔭閣家，靈咸神應，萬事吉祥，菩提心發，道業增長！並訂今朝吉日良辰，邀請山僧說法開光，乃恭敬虔誠，而祝讚曰：

菩薩勝德盡海墨而難書 眾生虔心必有求而斯應

開！

為鍾府釋尊、觀音聖相開光法語

釋迦本師大教主 觀音慈悲不思議 合運大用度眾生 轉迷成覺證菩提

本師釋迦世尊，娑婆世界之教主也，無量劫前，早成大覺，大悲願力，降跡娑婆，非生現生，非滅現滅，廣度有緣，百千萬億！觀音大士，古佛再來，救度眾生，靈感顯著。六道含靈，皆蒙照顧。今有鍾孟紅居士請得佛及菩薩金身寶相，堂上供奉，禮拜瞻仰，植菩提之勝因，圓六度之妙行，誠乃不思議之大功德事，雖然如是，即今恭為佛陀、大士聖像開光慶讚一句，又作麼生道呢？即說偈曰：

釋尊與觀音 救苦共慈心 一家蒙庇佑 合境樂太平 執巾云：拂去妄心一點塵 顯現光明清淨身

執筆云：點開五眼照塵世 普利人天諸有情 執鐘云：大圓鏡智應群機 與樂醒迷慶太平

開！

為倪府文殊師利寶相開光法語

文殊師利法王子 過去龍種上如來 智慧第一諸佛母 倒駕慈航輔釋迦

恭維

南無大智文殊師利菩薩，原是倒駕慈航之古佛也。據《首楞嚴三昧經》載：「過去久遠劫中，有龍種上王如來，於南方平等世界，成就無上正等正覺，應化世間，廣度有緣眾生，住世四百四十萬歲而入涅槃。」彼師即今之文殊師利法王子也。或有謂其為佛世學人，如《文殊師利般涅槃經》謂：

「此文殊師利菩薩，生於舍衛國多羅聚落，梵德婆羅門家，生時屋宅化如蓮花，由其母之右脇而出，後至釋迦牟尼佛所出家學道，以其智慧超然，辯才無礙，成為助佛宣化有力助手。」與大行普賢菩薩同為釋迦世尊之脇侍，分別代表佛之大智慧與大願行之盛德。普賢乘大象，表菩薩大行願，能負佛法住持之重責；文殊騎獅子，表菩薩大智慧，能弘佛道度生之大任。然則文殊師利菩薩之稱為佛母者，良有以也。今有信女倪慈富居士及其眷屬，素奉佛教崇仰三寶，請得文殊師利菩薩黃銅寶相一軀，堂上供奉，朝夕禮拜，虔誠供養，冀效菩薩，勤修佛智，常沐佛光，吉祥如意！並涓吉於十月十七日，邀請山僧說法開光，夫佛法者，心法也，心明則智慧開，心通則諸佛現。欲明佛法，光明此心。雖然如是，即今慶讚開光一句，如何舉揚，即說偈曰：

欲求出世智 虔奉文殊尊 感應道交日 親證法界身

開！

為營溪觀音禪寺儲姓護法三聖相開光法語

阿彌陀佛大醫王 觀音勢至彌兩旁 三聖合度念佛客 苦海處處泛慈航

恭維

南無極樂教主阿彌陀佛，無量劫前，遇世自在王，機熟緣至，爰乃發心學道，佛為立號，法藏比丘，發四十八大願，以莊嚴佛土。立信、願、行三資糧，而普度眾生，難行能行，精勤勿懈，功圓果滿，終成大覺，得無量莊嚴之極樂世界，感觀音、勢至之輔弼菩薩。由是淨土法門，十方傳播，持名

念佛，隨願往生，作苦海之燈塔，為眾生之慈航。釋迦世尊，特為拈出，慧遠大師，廣為宏揚。致使人人都念阿彌陀佛，處處總見蓮池花開，三根普被，十宗同修，功德廣大，無與倫比！

今者觀音禪寺有儲姓護法，誠信佛教，精進修持，特以寺主三聖寶相一堂相贈，助其道業。今逢吉旦良辰，華嚴共修法會，恭請成一長老代為舉行開光典禮。伏願儲大護法，福慧雙修，圓滿菩提。雖然如是，即今慶讚開光一句，如何舉揚？即說偈曰：

三聖佛身放毫光 無邊妙義顯真常 佛慈普施滿堂福 健康長壽樂無央

開！

為美國華嚴蓮社藥師琉璃光如來寶相開光法語

梵語鞞殺社窣嚩 華言藥師琉璃光 十二大願救眾苦 令諸所求悉皆得

南無藥師琉璃光如來，東方淨琉璃世界之教主也。因地發十二大願，誓救眾生，貧窮孤露纏身惡疾，一切諸苦。

《藥師琉璃光如來本願功德經》云：「佛告曼殊室利，彼佛世尊藥師琉璃光如來，本行菩薩道時，發十二大願，令諸有情，所求皆得。」其大願曰：「一願眾生成佛。二願佛光開曉幽冥眾生。三願有情皆得所受用物。四願令諸小乘及以外道，悉能安住菩提道中。五願令諸有情，皆得具足三聚淨戒。六願有情，諸惡頑疾，殘障眾生，皆得諸根完具。七願令諸有情，貧病無救，皆得健樂豐足。八願厭女身者，皆得轉女成男。九願令諸外道，邪見眾生，令其修菩薩行，速證菩提。十願獄囚得脫一切憂苦。十一願令諸謀生造惡眾生，皆得法味安樂。十二願諸常因蚊虻寒熱受苦眾生，皆得上妙衣服，寶莊嚴具。」釋迦教主特為娑婆眾生介紹此尊。

藥師如來，令諸修佛法者，修藥師法，得現世福樂，今華嚴蓮社副寺轉度法師及僧信大眾，特發大心，恭塑藥師如來寶相一軀，安奉講堂，供眾禮拜，虔誠供養，邀約山僧為佛開光，即說偈曰：

藥師如來琉璃光 無邊行願利有情 瞻侍頂禮常稱念 凡所願求皆成就

開！

華嚴蓮社弘法中心落成開光法語

天上天下無如佛 功德莊嚴難比倫 累劫修來福慧足 十方世界獨稱尊

恭維

大恩教主本師釋迦牟尼如來，發心於空王佛所，授記於燃燈佛前，普為眾生進修梵行，三祇功滿，百劫因成，兜率降神，示現受生。雖處王宮，不戀世榮，遊觀民間，恫瘝民瘼。為滿宏願，決志出家，勤求解脫大道，誓作救世法王。五載尋師，六年苦行，降魔於金剛座上，成道於菩提場中。三百餘會弘揚正法，四十九年普度有緣，功圓果滿，雙樹示寂，遺教嘉謨，萬古流傳。佛陀盛德，海墨難書，眾生有幸，同蒙法化！

今者華嚴蓮社四眾弟子，成立弘法活動中心，恭塑釋尊寶相一軀，供多眾以虛心禮讚，結法緣而普利人天。特涓吉於二月八日，舉行安座、開光典禮，邀約山僧說法慶讚。夫法住法位，無可說示，生心佛心，有感斯通。然則即今開光讚詞，如何舉揚呢？即說偈曰：

萬德莊嚴相 眾生良福田 常念常供養 幸樂廣增延

開！

為慈惠禪寺玉佛寶相開光法語

九十七種大人相 無量妙好淨法身 六道含靈作救主 天上天下獨稱尊

恭維

南無本釋迦牟尼如來，華藏世界之教主也。成道於塵點劫前，度生於無盡世界，二五三六年前，愍娑婆眾生多苦，大慈悲心頓發，示誕於迦毘盧國，淨飯大王作之父，摩耶夫人為其母，處王宮，無意欲樂；走人間，有心濟世；十九歲，毅然離俗；二十齡，豁然成道；二七日中，頓宣華嚴大教；四九年間，繁演枝末法輪；三乘聖寶，隆興聖教；無邊眾生，盡出苦輪；慧日麗於中天，魔外斂其劣跡；五濁娑婆，化為淨土，大化既周，雙樹示寂，

法寶遍流大千世界，舍利祥光普耀塵寰，大哉佛陀，無邊功德，盡大海墨，歎莫能窮也。

今有宜蘭羅東慈惠禪寺，道清住持發菩提心，建玲瓏之梵宮，塑玉石之寶相，涓吉今朝吉旦良辰，舉行落成開光典禮，邀請山僧說法慶祝，夫建寺造相、莊嚴道場，依正互嚴、福慧雙修，功德無量！果報無邊，雖然如是即今慶讚一句，以偈頌曰：

建寺造相功德大 弘法利生佛道隆 三寶繁興增福慧 四智佛光照無窮

開！

為妙持學苑佛菩薩像安座說法

大聖釋迦牟尼尊 巍巍寶相放毫光 觀音地藏輔弼坐 普度眾生上慈航

今有妙持學苑善清法師，青年學者法明法師，率諸淨信蓮友大眾，發無上之道心，建莊嚴之學苑，供奉諸佛菩薩聖像，弘揚正法，普度眾生。涓擇今朝吉旦良辰，舉行迎佛安座典禮，邀請山僧說法慶讚。夫釋迦牟尼世尊，乃娑婆之教主，四生之慈父，成道於塵點劫前，遊化於萬億國中。二五三六年前，示生迦毘盧國，念眾生苦，發心出家，六年苦行，八相成道，住壽八十春秋，廣度有緣眾生，慈恩浩大，難以盡述！遺教流傳，福利無窮！觀音地藏二大士，宣揚聖教之大菩薩也，因圓果滿，悲智雙運，輔佐世尊，大弘法化，靈感昭著，有求必應。皈依者，福增無量，禮念者，罪滅河沙！韋馱尊天，伽藍聖眾，護持道場，庇佑行人，感應道交，不可思議！今者道場成就，諸佛護臨，天龍八部，同加福佑。即今，恭迎諸佛菩薩安座慶讚一句，如何舉揚？即說偈曰：

諸佛菩薩安寶殿 莊嚴聖像妙堂堂 天龍八部常擁護 二六時中降吉祥

安！

為吳府新塑觀音聖相開光法語

大慈大悲愍眾生 千手千眼化群蒙 三十二應遍塵刹 尋聲救苦稱圓通

恭維

南無大慈大悲觀世音菩薩摩訶薩，乃過去已證法身之正法明如來也。大悲心切，倒駕慈航，十方世界，廣度有緣，無量劫中，尋聲救苦，於娑婆眾生特別有緣，故隨釋迦如來以降世，以三十二種之應身，作七難二求之救濟，建法幢於處處，礙疑網於重重。有求必應，無感不通，普門示現，靈驗時著。皈依者福增無量，禮念者罪滅河沙，猗歟盛哉，大士之殊勝功德，罄海墨也難盡述矣！

為吳府文殊師利菩薩開光法語

梵語文殊師利仙 此土翻曰妙吉祥 過去龍種上尊佛 果後行因法王子

恭維

南無大智文殊師菩薩摩訶薩，果後行因之大菩薩也。為助釋迦世尊之攝化，一時權現菩薩之因相。然三世皆為果上之如來。過去於南方平等世界成道，稱為龍種上尊佛；現在復於北方常喜國成道，號為歡喜藏摩尼寶積佛；未來將成道，號為普見尊佛。《心地觀經》稱之為「三世佛母妙吉祥」。

《放鉢經》尊之曰：「過去無央數諸佛皆是文殊師利弟子。」文殊師利與普賢，同為毘盧遮那佛之兩脇侍，文殊執劍居左，表大智；普賢拈華居右，表大行。於此可知文殊菩薩在菩薩眾中之地位，故行者求佛智者，必虔禮文殊而後可也。

為吳府普賢菩薩聖相開光法語

梵曰鄔輪跋陀羅 華文多譯曰遍吉 化無不周名為普 德鄰亞聖乃稱賢

恭維

南無大行普賢王菩薩摩訶薩。果德周圓，重立因行之大菩薩也。為助釋迦世尊之教化，乘願示現為之輔佐，與文殊菩薩為二脇侍，文殊駕獅子表大智，普賢跨白象表大行，於《華嚴經》中，輔弼毘盧遮那如來，稱華嚴三聖，以助宣法化。蓋普賢表所證之法界，即出纏之如來藏，一切諸佛皆因普賢而證果故。文殊表能信之一心，一切諸佛皆因文殊而發心故。普賢建十大

願王，具萬行因華，化塵刹眾生，圓一乘極果。菩薩之勝德，大抵如此，殊為尊特也！

今有旅美僑領吳化鵬、鄧蘇麗二居士，新居落成，頓發大心，建莊嚴之佛堂，奉慈悲觀音之聖相，朝夕禮拜，虔誠供養。佐以文殊普賢，圓修大智大行，助顯圓通之大悲，建立萬德之佛果，居士發心，廣矣！大矣！無以加矣！今擇吉旦良辰，恭為三尊聖相及彌勒慈尊，舉行開光啟聖典禮，邀約山野說法祝福。即說偈曰：

萬德莊嚴新佛堂 諸佛菩薩放毫光 滿門喜慶平安福 晝夜六時恆吉祥

開！

為羅瑜瑤居士觀世音菩薩聖相開光法語

觀音大慈悲 尋聲救苦在人間 善神齊擁護 閤家平安萬世昌

茲有三寶弟子羅瑜瑤居士發心恭奉觀世音菩薩聖相一尊，堂上供奉，朝夕禮拜，虔誠供養，祈求家庭閤樂，事業順利，邀請山僧代為說法開光。其實菩薩，功圓果滿，具足一切光明，何待吾人為之開啟？雖然，理固如是，事有應為。否則不足以表信眾之虔誠，顯聖相之威德。果爾，即今開光一句，又怎麼說呢？

積善之家有餘慶 福慧雙修本自在 世出世間功德財 隨心有感一起來

開！

為盧府觀音聖相開光法語

圓通教主 大悲觀音 尋聲救苦 普度眾生

今有盧介夫居士，請得觀世音菩薩聖相一軀，堂上供奉，禮拜瞻仰，祈求慈悲救度，願賜闔第平安，身心清淨，福慧雙修，圓滿人身於今世，成就佛果於當來，伏願不違本誓，鑒此至誠，一應蒙庇佑，共發菩提心。雖然如是，即今開光點眼一句，如何慶讚呢？即說偈曰：

觀音大士 古佛再來 三十二應 法筵常開 皈依頂禮 十四無畏 求難消災 無願不諧 執巾云：拂去心地妄想塵 顯現自在光明身 執筆云：點開六根照六塵 不染不著清淨心

執鏡云：鏡智顯現破無明 香度六道諸有情

開！

宜蘭礁溪照光寺大雄寶殿三寶佛相開光法語

三僧祇間練苦行 百大劫中修勝因 功圓果滿成正覺 天上人間獨稱尊

南無娑婆教主本師釋迦牟尼如來，二五四〇年前，降誕印度迦毘羅國。父為淨飯大王，母乃摩耶夫人，佛為太子，號悉達多，七歲開蒙，無師能教，出四門遊觀，睹老病死苦，感人生無常，遂出家修道。五年隨學婆羅門仙，了無所得；六載山中參禪得定，終悟真常。由是三七日中，暢宣華嚴圓教，無奈人天小乘莫由領會。因乃脫珍著敝，隱實施權。初轉法輪，鹿野苑中，演提謂阿含，人天小教；二照法輪，說方等般若，大乘始教，揚諸法空性；三持法輪，於大乘頓教，顯中道妙理，悟自性無為，最後於法華會上，會三歸一，開權顯實。綜其一生，談經三百餘會，說法四十九年，無非因機施教，隨緣攝度。總觀其度生法門，大分為二：一曰改善眾生生活之法門：請由東方藥師琉璃光如來主其事。良以藥師世尊立十二大願，誓救眾生脫離貧窮孤露、惡疾纏身等一切苦難，悉令安住菩提道中，成就佛果。二曰解脫眾生生死之法門：請由西方極樂世界阿彌陀佛，以專其務，總因彌陀如來發四十八願，接引眾生往生極樂！示念佛之方便法門，立弘誓願九品同登。解脫生死，同證無生。世稱此三世尊為三寶佛，觀其勝德，良有以也。

今者，宜蘭縣礁溪鄉吳沙村照光寺住持意果法師發心，十方善信隨喜新建大雄寶殿落成，恭塑三寶佛相一堂，擇吉於十一月二十三日吉旦良辰舉行大雄寶殿落成，三寶佛相開光典禮，邀約山僧主持說法開光儀式，爰為祝讚而說偈曰：

梵宮寶殿慶完工 三寶佛相放光明 國運昌隆佛法興 風調雨順樂太平

開！

美國德州休士頓華嚴蓮社大雄寶殿落成華嚴三聖

開光慶典法語

天上天下無如佛 十方世界亦無比 世間所有我盡見 一切無有如佛者

夫佛都有法、報、化三身，法身隨物現，無在無不在，化身千百億，有求無不應；報身盧舍那，端坐千華台，獨化諸菩薩，凡小無緣見。唯美國德州休士頓市毘盧遮那佛，報化俱分身，廣度諸有緣，有信皆成就。今華嚴蓮社所供實報莊嚴如來，成道之初，說大華嚴經，度諸菩薩眾，後脫珍著敝，福度三乘眾，有緣皆蒙化，誠心即得度，如月本在天，有水皆能見，佛度有緣人，其法亦如是。文殊師利菩薩者，智慧門之導師也，華嚴會上，善財童子因其接引而完成慧業；普賢菩薩，亦引導善財童子，完成十大願王之福業善知識。文殊、普賢二菩薩，乃毘盧如來之左右脇士也，助佛宣化功德無量。

今者美國德州華嚴蓮社，圓果法師率諸護法居士，興建最吉祥殿，恭塑華嚴三聖寶相，功德成就，選擇今朝，吉旦良辰，邀約山僧，說法開光，惟法性湛然，無可宣示，然法相莊嚴，必須介紹，俾於海眾圓修善因，然則即今，開光說法一句，如何舉揚呢？即說偈曰：

華嚴法性遍法界 有緣善信皆具足 福慧二嚴功德滿 佛法興隆民安樂

開！

為美西米爾必達市華嚴蓮社大殿落成佛相開光法語

佛身充滿於法界 相好光明照十方 九界聖凡蒙開曉 因圓果滿證真常

恭維

華藏教主，毘盧本尊，淨法界身，本無出沒，大權示現，普現金身。其為體也，非生非滅；其為相也，無去無來，福慧雙圓，莊嚴無比。具九十七種大人相，有無量數隨形妙好。十身初滿，正覺始成，不離閻浮，而升天上，歷忉利、夜摩、兜率、他化、欲界諸天，演十住、十行、十向、十地，

華嚴大教，三七日中，廣宣根本法輪；四十一眾，同餐甘露法味。無上法寶，遍傳界內。凡有緣者，皆可得度！中外善知識，代代弘演；夷夏有緣者，總得超生，猗歟盛哉！大雄世尊之勝德，不可得而具盡揚也。今者，美國加州，米爾必達市華嚴蓮社賢度法師，偕一寺大眾，十方善信，發無上之道心，修難思之功德，虔誠恭塑，毘盧本尊、文殊普賢，華嚴三聖，滿堂聖相，擇吉今日，安座開光，邀請山僧，說法慶讚，夫相由心生，造佛成佛，是之功德，難盡稱述。雖然如是，即今慶讚安座光一句，如何舉揚？即說偈曰：

諸佛菩薩現金身 造相功德難量 無上因證無上果 國泰民安大吉祥

開！

開文殊菩薩法相光

文殊師利妙吉祥 三世諸佛法身娘 輔佐如來弘正法 皈依頂禮慧日長

開！

開普賢菩薩法相光

普賢菩薩大願王 願願皆成佛資糧 助佛度生駛寶筏 普令同赴菩提場

開！

三、陞座、上堂、封關、出關、傳法、圓頂法語篇

智光禪寺菩薩戒會上堂法語

(一)

智性光明藏 禪法闔寺修 戒珠生定慧 會得體如如

律藏故事有云：阿那律陀尊者，於往昔因中，因供養一位辟支佛一鉢飯，感得九十劫無貧如意報，乃至證得阿羅漢果。廣修供養，華嚴列為普賢十大願王之一，可見供養一法，於菩薩修行海中，實佔有重要之地位。今

者，智光禪寺開山住持如學法師，建大道場，供佛安僧，隆興三寶，眾所欽敬！復又樹屍羅幢，宏傳戒法，利益有緣大眾，同培出世勝因，誠乃一大供養事也。由於如師德行感召，影響所及，今值戒會首日，乃有三寶弟子等敬設上堂大齋、供佛及僧與夫新戒佛子，功德回向，真如實際，佛果菩提。更為祈求國運昌隆，佛法興盛，風雨順調，萬民安樂！若為自身祈福，則現在生中、身心康樂，家宅安和，事業發達，道業增長，未來世裡，二嚴畢備，佛果早圓！此之功德，若與阿那律陀尊者飯辟支佛功德相比，則未可同日而言也。良以辟支佛此翻獨覺，乃小果之聖；而廣修供養，屬普賢圓因，以一乘極果為標的，其因果勝劣至懸殊也。雖然如是，即今上堂一句，如何舉揚？道：

一念圓因成極果 二嚴齋備證真常

(二)

諸佛出興世 說法度迷情 心地悟明了 法界任縱橫

諸佛世尊，唯以一大事因緣，出現於世，旨在開示眾生佛之知見。佛之知見者，認明法界緣起，業果輪迴之真理也。良以眾生之升沉迷悟，唯在一念之間：一念迷昧，則三途六道，受苦無窮；一念覺悟，則三乘四果，解脫自在。《華嚴經》云：「若人欲了知，三世一切佛，應觀法界性，一切唯心造。」即此意也。此心既能造佛，此心也能造眾生，所以釋迦世尊，不惜苦口婆心，要吾人修此一心，要吾人明此一心。此心修，則煩惱斷，生死了；此心明，則智慧長，菩提生。此心修，則因華開敷；此心明，則佛果莊嚴。諸仁者！發心學佛，求受淨戒，善根深厚，難能可貴！但期把握良機，上求下化，於此一大事因緣，三致意焉！今有三寶弟子李清波等，發心敬設上堂大齋，供佛及僧，並與善信大眾，普結善緣，邀請山僧，上堂說法。夫法性離。言思議不及，必也，說者無說，聽者無聽，無說無聽，方能真說法也。雖然如是，即今上堂慶讚一句，作麼生？道：

發心修菩提 因真果自正 萬行稱性修 一證一切證

(三)

供佛齋僧植福田 願力無盡德無邊 因該果海成無漏 果徹因源見性天

夫佛果莊嚴，緣具菩薩萬德；萬德進修，布施實始其基，佛開八種福田，乃菩薩發心培修功德之所在也。供養諸佛及聖賢僧，是為敬田；奉事父母師長，是為恩田；布施貧窮病人，是為悲田；供養布施之對象，稱之為福田者，以此等處，進行供施，能生善根功德故也。而此等善根功德，又為莊嚴佛果之勝因也。可知供佛齋僧，布施結緣，因正果崇，非比尋常！或曰：供養布施，物事微小，云何乃獲如是大果？《譬喻經》云：昔舍衛城外，一善女人，以清淨心，供佛鉢飯。佛祝願曰：「種一生十，種十生百，百生十千，十千生億，篤見於妙道諦理！」其夫聞知，心生疑惑，因小果大，不可能也！佛曰：「汝何所來？」對曰：「自城中來」。佛曰：「汝見尼拘律陀樹否？」對曰：「有見」。佛曰：「此樹一種子生，而今結實萬斛，汝見之否？」對曰：「世人共見。」佛曰：「樹生於地，地無知也，其報尚爾，人乃有情，鉢飯供佛，一得萬報，不其宜乎？」夫婦聞言，心開意解。同歸佛道，證得慧眼。故事顯示，吾人現前一心，圓具事理，理隨事變，一多緣之無邊；事得理融，千差攝入而無礙。明乎此，非但小因可以成大果，王剎且可現於一毛端也。然則供齋慶讚一句，又怎麼生？道？

一多相融 大小無礙 因圓果滿 得大自在

民國七十三年十二月

大湖法雲禪寺菩薩戒會上堂法語之(一)

慈雲靉靄施法雨 老松蒼鬱送清涼 鳴蟬競奏無生曲 野花同發般若香

《華嚴經》云：「佛身充滿於法界，普現一切眾生前。」蘇東坡說：「溪聲盡是廣長舌，山色無非清淨身？」是則如來法身無不在也。然而吾人終日禮佛、念佛，曾未蒙佛一語之施、一目之視，令人有去佛遙遠、難可冀及之感。其然歎？豈其然歎？實緣吾人於聖賢語句，未之深思耳！若也稍加留意，則古人所謂「拈一莖草，作丈六金身」，乃至「夜夜拘佛眠，朝朝還共起」等語，莫不顯示佛無時不與吾人同在也。諸仁者會也麼？今有如悟法師、曾獅居士等諸上善人發無上心，與平等供，敬設護法、福壽、上堂及如

意大齋供眾。伏願承斯功德，現在生中身心康樂、家宅安和、事業興隆、道業增長，未來世中，二嚴畢備、佛果早圓。即今上堂一句，又作麼生？道：

布施萬行首 功德最第一 三輪體性空 學佛能事畢

大湖法雲禪寺菩薩戒會上堂法語之(二)

八秩古刹慶重新 五百戒子續心燈 辛勤始基憑覺力 光大門庭有妙然

夫佛法住世，有正法時，有像法時，亦有末法時。似為定數，實則不然。豈不聞古德云乎？「人能弘道，非道弘人。」佛經亦有云：「法無定法。」既曰「法無定法」，又曰「人能弘道，非道弘人」，是則道場若能創新，法輪又復常轉，依正莊嚴，有修有證，正法時期不難重見於今日也。觀夫今之法雲常住，因得妙然法師之大心奮發，刻苦經營、寺容重新，海眾雲集，佛日朗耀，法輪不停等種種盛況而益信！今有謝觀秋、陳燕卿等大居士，發菩提心，修普賢。敬設上堂大齋、如意大齋供養海眾，功德迴向真如、實際、佛果、菩提，乃至一切眾生，為期普泳法海，同圓種智。然則即今上堂一句，復云何道？曰：

佛種從緣起 福因布施來 誠心修供養 果報唯佛知

民國七十五年七月

中國佛教會傳授三壇大戒上堂法語

戒雷初震 法界春回 萬類醒寤 覺苑花開

昔我釋迦世尊，菩提樹下，妙悟初啟，正覺始成，普觀一切眾生，平等具有佛性，乃興嘆曰：「奇哉！奇哉！大地眾生，莫不具有如來智慧德相，祇因妄想執著，而不能證得，若也頓除妄想，摒棄執著，則自然智、無師智、道種智、一切種智，即得現前。」於是頓立菩薩心地善戒，期勉眾生，嚴持心戒，悟明心地，速超生死，延登覺岸。大哉世尊，其於眾生之慈悲恩德，盛矣大矣，無以加矣！吾人能不翻然醒悟，求取大覺也乎？茲有弟子○○等、敬設大齋供眾，惟願仗三寶力，乘佛神力，所求皆遂，無願不從，世出世福，圓滿成就，雖然是，即今上堂一句，如何舉揚？道：

萬緣本虛幻 涅槃亦非真 個中消息至 諸佛把臂行

民國七十六年十二月

寶纈禪寺菩薩戒會上堂法語

原本是荒山一片 忽然地寶殿千間 五百弟子求大戒 諸佛菩薩展歡顏

佛說世出世間一切功德，莫不皆從勤修福慧二業而來。福何由修，供養三寶、恭敬師長、孝順父母、救濟貧困，乃至建造塔寺、修橋鋪路，皆是進修福德之道也。慧何由修，讀誦大乘、流通法寶、請轉法輪、興辦教育、發揚學術，傳授知識，乃至設圖書館、獎助學業，皆所以進修慧業之道也。福德智慧，兩皆圓滿，無上佛果，不求而得矣！寶纈禪寺泰安和尚即循此道而成正果，其徒子輩，善承遺志，寶殿落成，聖相開光，弘傳戒法，廣結人緣，猗歟！盛哉！有斯師弟，乃能有斯大成就也。可賀也，亦復可慶也！今逢盛典當日，有三寶弟子等敬設上堂大齋供眾，以培福德，以植勝因，如是虔修，必滿所願！即今慶讚上堂一句，作麼生？道：

供佛齋僧義深長 自性真佛放毫光 修得福慧兩俱足 立地高登菩提場

中國佛教會七十七年仁王法會上堂法語

一元復始萬象新 法筵宏開大道場 為祈國泰民安樂 護國仁王降吉祥

神龍應歲，景運亨通，民歌大有，國慶中興！恭祝與會諸位大德，身心康樂，龍馬精神，事業發展，福慧駢臻！

昔我釋迦世尊，慈愛眾生，於靈山會上，應諸國之啟請，闡揚護國大法，於諸生，色心諸法，不觀相，不觀如，護佛果之大要也；於諸菩薩修行自他二利之行示五忍法，列十四位，護菩薩行之大綱也：於國土、人民安寧康樂之維護，特示以崇重正法，如法修行，除天災人禍之苦厄，撫迷亂不安之鬼神，使令正道隆昌，邪惡遁息，時和世泰，人神平安，護國土人民之大法也。視此內聖外王之修持，經國濟世之大用，護國衛民，未可或缺！果得踐位仁王倡導實行，則安和樂利之社會，不難實現，中興復國之大業，剋期可成！然則仁王護國法會之功德，可得而思議也乎？今有○○○等法居士，發

心敬設上堂大齋供眾，功德回向佛果真理、法界眾生，普願福慧增長，正覺早圓！即今上堂慶讚一句，又作麼生？道：

外護國土內護心 諸佛菩薩忍中行 官民同修般若法 災消福至樂太平

民國七十七三月

悟明長老八秩嵩壽菩薩戒會上堂法語(一)

涼秋九月好時光 無量壽佛開道場 千餘善信齊赴會 戒得上品獻法王

悟明長老八秩嵩壽，弘揚戒法，普利群生，一千餘眾，善男信女，雲集圓山，臨濟禪寺，一心求受，上品淨戒，一以報答佛祖深恩，一以恭祝悟公上壽，經云：戒為無上菩提本，應當一心持淨戒。」劉宋何尚之有言曰：「人民持一戒，國家省一刑。」宋文帝亦曰：「國人都持戒，天下樂太平。」良以戒法內容總分三聚，曰：「攝律儀戒、攝善法戒、饒益有情戒。」前二自利，後一利他，弘傳戒法，自他兼利；持戒清淨，身心自在，是誠不可思議大功德也，以此功德，回向真如實際，佛果菩提；以此功德，回向悟公長老，永劫住世；以此功德，祈福國運昌隆，佛法興盛，民生樂利，世界和平！今有○○○寺○○法師○○○處○○居士等敬設上堂大齋供眾道業精進，事業發展，家門吉慶，眷屬安和！然則慶讚上堂一句，應如何舉揚呢？即說偈曰：

福德感大壽 智慧悟真常 福慧兩具足 六時恆吉祥

民國七十九年十月

悟明長老八秩嵩壽菩薩戒會上堂法語(二)

優曇寶華綻開 香傳三千世界 菩提聖樹蓊鬱 蔭遮百萬人家

今值世界佛教僧伽會會長，中國佛教會理事長悟明長老，八秩榮慶吉旦良辰；全國佛教四眾弟子，雲集台北臨濟禪寺，稱念藥師如來延生普佛。男女老少，千餘善信，發心求受，菩薩大戒，以此功德，恭祝悟老佛壽無量，慧日長明；並願以此功德，祈求國運昌隆，人民安樂。悟明長老，齠齡出

家，天性慈悲，熱心教務；又不遺餘力，雖年已八旬，猶風塵僕僕，致力於弘法利生工作，席不暇煖。自膺選中國佛教會及世界佛教僧伽會主席以來，格外謙沖自持，廣結善緣，人或病其濫用人情，但此實宗教家應有之胸襟，亦其淳樸性情之顯露耳。茲為協助佛教玄奘大學建校，勉允傳戒稱壽，因其一念至誠，感動四眾雲奔，此之盛況，固象徵我佛教團結，亦顯示我佛教實力，形見眾所企盼之玄奘大學，不久即可招生開課矣。

猗歟盛哉，悟老功德不思議也！顯揚聖教，依法修行，興學育才，福國利民，佛法大用，全在斯焉！我今說法，宗趣在焉！今有○○○寺○○法師，處，○○居士等，共同發心，敬設上堂大齋供眾，功德回向，真如實際，佛果菩提，現在生中，福壽增延，未來世中，佛果早圓，雖然如是，即今慶讚上堂一句，又怎麼生道呢？即說偈曰：

悟徹真如理 明光耀十方 福與河山永 壽同日月長

民國七十九年十月

霧峰萬佛寺傳戒大會上堂法語

萬佛禪寺樹戒幢 三千弟子赴道場 十方諸佛皆歡喜 八部龍天降吉祥

萬佛禪寺，聖印大師，六十初度，特發大心，弘傳千佛三壇大戒，欲令如來正法久性。是心也，菩薩心也；是行也，菩薩行也；是人也，佛傳人也。佛傳人，必得佛壽，佛壽者，無量壽也；師發菩提心，師起菩薩行，師傳佛正法，師壽與佛平，以戒延正法，以心證菩提，以行作菩薩，以佛心度人，其功德不可思議；其住壽，亦無可限量也矣！我為聖師賀，我為聖師慶，萬眾同為聖師祝佛壽；同祝聖師福壽永康寧！今有○○○寺○○法師，○○處，○○○居士，大德，敬設福壽齋、護法齋、上堂大齋，供佛及僧，以此功德回向真如實際，佛果菩提。伏願現生萬緣迪吉，來世早圓大覺，因特邀請山僧，上堂說法慶讚。夫法性常住，非可言宣，三世諸佛，開口不得，法實非可說也。必也，說者無說，聽者無聽，方為真說法也。雖然如是，即今上堂祝福一句，究如何舉揚呢？即說偈曰：

寶堂壽千歲 佛壽實難量 識得個中趣 地久與天長

民國七十九年十二月

中國佛教會啟建仁王護國法會上堂法語

一元復始萬象新 法會恭誦仁王經 天龍八部齊擁護 國泰民安樂太平

欣逢

一年一度，仁王護國息災法會，全國佛教四眾弟子，齊赴道場，虔誠恭誦般若尊經，遵佛慈旨、先護佛果、護菩薩行，十六國王，求護國民。

護佛果重悟二空真理，具福慧二行；護菩薩行，以十四忍為其中心；護國安民，則以五戒十善，淨化人心為其要圖。

今此法會，宣揚般若妙義，指示修行方針，期我全國上下，都能捨邪惡之行，修至善之道，則心正、身修、家齊、國治而天下平矣。

今有○○○寺○○法師，○○○寺信徒○○○等諸大居士，發心供齋，祈安幸福，並邀請山僧上堂說法，夫法性湛然，非可言宣；可說示者，即非法，必也無說無聽，方為真說法也。雖然如是，即今上堂祝福一句，如何舉揚？即說偈曰：

般若功德不思議 回向三寶諸龍天 護人護國護心地 風調雨順慶吉祥

民國八十年四月

為月世界日月寺千佛戒會上堂法語

月世界中日月寺 弘揚毗尼法筵開 千華臺上傳法印 萬千獅兒禮如來

今日良辰吉旦，壇上十師，將為新發意菩薩，圓具大戒，清淨僧團，又添眾多新生力軍，如來正法，可得久住，佛日重輝，自由世界，斯誠不可多得之大因緣也。《遺教經》云：人身難得，佛法難聞，中國難生，知識難遇。今此新戒菩薩，有大善根，既得人身，又聞佛法，且生自由中國，遇諸大善知識，更能發心出家，圓具三壇大戒，此非於一佛二佛，三四五佛，無量佛所深種善根不能成就。《法華經》云：佛種從緣起，諸仁者，學佛因緣

既具，當發菩提道心，三聚淨戒，悉心研修，三乘聖果，剋期取證，他日分燈十方，莊嚴佛土，因機施教，成就眾生，重震法鼓，光大佛門，有利賴焉！諸方大德護法居士，設齋供養如是佛子，功德不可思議，福報亦不可思議。

今有○○○寺師○○○等諸大居士敬設上堂大齋供眾，功德回向真如實際果菩提，現在生中，福緣善慶，未來世中，佛果早圓，雖然如是，即今慶讚，上堂一句，如何舉揚？即說偈曰：

願晝吉祥夜吉祥 常蒙諸佛放毫光 一生布施千生福 現前當來樂無疆

為善導寺菩薩戒會上堂法語

正法得久住 戒為其主因 佛子受佛戒 即發菩提心

四分戒本，歸敬偈云：「稽首禮諸佛，及法賢聖僧，今演毘尼法，令正法久住。」此戒住則法住之明證也。佛弟子，能發心受持佛所制戒，即顯示其已發起菩提之心。此菩提心，乃諸善之王，成佛正因，其行法則為莊嚴佛土，成就眾生。莊嚴佛土，福德行也，成就眾生，智慧行世，福智雙圓，佛果成矣。行人若能行菩薩道，圓成佛果，有修有證，正法住世之景象也。是真佛子，當發此心，當具此行。則圓萬德，報四恩之能事畢矣。

今有○○○寺○○○法師○○○大居士等，發心敬備，護法、上堂大齋，功德回向，真如實際，佛果菩提。現在生中，身心康樂，家宅安和，事業興隆，道業增長；未來世中，二嚴克備，佛果早圓。

即今上堂，祝讚一句，如何舉揚？

識得此心無所住 一切苦厄盡皆除 所成功德遍法界 諸佛菩薩常擁護

新竹縣關西鎮潮音寺弘傳南傳戒會上堂

佛法本一味 原無南北分 弘揚有先後 妄呼大小乘

今有台灣省新竹縣關西鎮潮音寺方丈真頓大和尚，發無相心，傳南傳戒，旨在融和南北傳佛教掃除大小乘分別，用心良苦，其志堪誇。夫釋尊御

世旨在度生，其所說法，一相一味，怎奈機有利鈍，領略懸殊，弘揚之時間有先後，認知之程度有高低，由是而起南北傳之分，大小乘之別，一味法亂，橫遭割裂，成佛門憾事；是即中峰國師所謂「諸佛於儼然生滅中，唯見無生，眾生於湛然無生中，唯見生滅，只因迷悟之有差，遂致現量之不一。」永嘉覺禪師亦曰：「夢裡明明有六趣，覺後空空無大千。」由是以觀，則所謂南傳北傳，大乘小乘，無非妄執，悉是假名，諸仁者於斯等處，還會得也矣？若然，則是頂天立地丈夫，苟猶未也，則須向無門關前，緊下工夫！

茲有○○○寺○○法師○○○處○○居士敬設護法上堂大齋供眾，功德回實際，佛果菩提，現在生中，身心康樂，未來世中佛果早圓！即今上堂祝福一句，為何舉揚？即說偈曰：

分別心起是非現 無分別處得性天 法性湛然離揀擇 南北和合一家親

為傳善行者封關法語

妙莊嚴路首楞嚴 體用雙彰見性天 了義真常唯聖教 萬行具足佛現前

今有傳善法師者，道心人也。而立之年，發心出家，禮惟勵上人為剃度師，依星雲和尚圓具足戒。入清華山德源禪學院，從開通法師參究向上一著；就中國內學院，隨廣範法師研習經。參學既畢，乃應信眾之邀，擇於高雄縣六龜鄉，創建靜德禪院，弘揚如來正法，廣度有緣眾生。因緣殊勝，功德更不可思議。

茲者道場成就，信眾歸依。傳善行者，為欲究明心地，乃更發勇猛心，立堅固志，掩楞嚴關，剋期求證。信施大眾感念其誠，十方雲集，護送入關，並邀山僧為之說法封關。自古行者關，以證實相般若；一則專心念佛，願仗佛力而求生淨土。傳善行者掩楞嚴關，志在深入經藏以求般若，依文字而證實相。良以《大佛頂首楞嚴經》者，諸佛慧命之所寄，眾生達道之所由；七處徵心，十番顯見，無非直指心體，發揚勝義。呵斥攀緣，令知心不是心；開示正覺，曉諭見猶離見。既顯真而又破妄，非因緣而亦非自然；務使顛倒想銷於億劫，如來藏頓然出纏，廣開菩薩方便之門，同入如來妙莊嚴海，盛矣哉！如來密因，菩薩萬行，究竟了義，大總持門也。傳善行者，苟

能於此發真歸元，則鼻孔撩天，大事成辦。行見佛日增輝，法輪常轉，十方施主，同沾法益矣！然則即今封關慶讚一句，又作麼說呢？道：

萬行因華三年具 無上佛果一旦圓

民國七十四年十月

為隆度行者出關開鎖法語

了達法界心 諸法無餘剩 一修一切修 一證一切證

諸佛世尊，出現於世，為示眾生，諸法緣生無性之理。除疑斷執，求取解脫；為令眾生了達一真法界心體，生佛平等，無久無差，就路還家，圓覺菩提。悟理固無等次，證道唯在一心。所謂依普賢願，修普賢行，入普法心，證普門果，徹因徹果，圓修圓證，備萬行之因華，嚴一乘之果海，永出二死，周化十方，古往今來，多少學人，志切於此，無不成就。

隆度行者，欲達斯旨，掩關自修，三年圓滿，於法界心，諒已通達，其志可嘉，其行可賀！今諸護法善信，同學道侶，雲集山洞，迎其出關，並邀山僧，說法開鎖。夫法性湛然，原無開閉之相，動靜一如，何須添足畫蛇？雖然如是，即開關一句，總得有個商量才是，即說偈曰：

重關三年鎖 彈指一時開 順逆皆方便 延促都自在

開！

民國七十三年五月

為比丘尼釋慧道傳法法語

稽首禮諸佛 及法賢聖僧 今演毗尼法 令正法久住

夫律為三藏三學之本，律之所在，即佛法之所在，釋尊成佛而後，諸大弟子如雲攏月，然皆大權示現，悉如精金美玉，毋待琢磨，為愍末法弟子，人根陋劣，故特曲垂方便，而有毀犯，釋尊大慈，因即隨犯隨制，俾為後世之模楷耳。

今有比丘尼釋慧道者，民國八十六年七月，投考華嚴專宗佛學研究所，鑽研佛學，三年攻讀學有所成，立志弘揚華嚴大法。求請傳其法要，吾念其誠，今據南山律派三十九世傳授記別，為之題取法名，內號曰：天因；並依華嚴宗三十八傳，題取外號曰：悟華。冀其深入經藏，悟法源底也。

爰涓吉於九十年五月六日，華嚴經共修會期，就本蓮社為之舉行傳法儀式，恭請成公導師為之開示法要，曰：「切念今日佛教法運遲暮，建寺尚易，育才為難，良以二十世紀物質文明，五欲誘人，道心難發，余隨先法祖南公近五十年，於老人法乳深恩，時思報答，總以培育僧才，續佛慧命，中興祖業，為最亟要。顧念吾華嚴學院八屆以來，不少學有專長之者，堪作囑累傳人，因以傳法儀式，授汝以菩提之記，望汝一心為光孝祖庭及華嚴蓮社，僑愛佛教講堂、美國華嚴蓮社等處道場，謀復興發展，紹隆佛種，弘法利生，勿負吾望，特書此法卷以憑證。」

天因仁者！汝能依教奉行否？答：能依教奉行！既能依教奉行，聽我偈曰：

天生佛性具 因地萬行修 悟入法界性 華嚴果自成

汝得此偈義，即成千華第三十九世、光孝堂上第十九代、華嚴門下三十八世傳人矣。汝其勉之，頂戴如來家業，圓滿菩提佛果！

為沙彌尼釋定慧傳法法語

稽首禮諸佛 及法賢聖僧 今演毗尼法 令正法久住

夫律為三藏三學之本，律之所在即佛法之所在，釋尊成佛而後，諸大弟子如雲攏月，然皆大權示現，悉如精金美玉，毋待琢磨，為愍末法弟子，人根陋劣，故特曲垂方便，而有毀犯，釋尊大慈，因即隨犯隨制，俾為後世之模楷耳。

有沙彌尼釋定慧者，民國八十六年七月，投考華嚴專宗佛學研究所，鑽研佛學，三年攻讀學有所成，立志弘揚華嚴大法。吾今據南山律派三十九世傳授記別，為之題取法名，內號曰天藏；並依華嚴宗三十八傳，題取外號曰悟經。冀其深入經藏，悟法源底也。

爰涓吉於八十九年九月三日，華嚴經共修會期，就本蓮社為之舉行傳法禮儀式，禮請成一為之開示法要，曰：「諸佛世尊出現於世，總為完成一大事因緣，即欲令諸眾生開、示、悟入佛之知見，超脫生死，誕登覺岸。歷代祖師出家修道，參悟佛乘，無非欲令苦海眾生，出生死苦，得涅槃樂！其道一揆，無以異也！今我華嚴學子，定慧沙彌尼，道心堅固，學業完成，足以荷擔如來家業，應授記荊，付予責任，俾能本此宗旨，弘法利生，度諸苦趣，光大佛門！定慧仁者，汝能發心膺斯重責大任也乎？汝既默然，能依教奉行，諒已得旨，聽我偈曰：

天生佛性具 藏德啟慧源 悟入一乘道 經行化大千

汝得此偈義，即成千華第三十九世、光孝堂上第十九代、華嚴宗三十八傳傳人矣。汝其勉之，頂戴如來家業，圓滿菩提佛果！

為弘法法師授泰州光孝律寺菩提記法語

稽首禮諸佛 及法賢聖僧 今為弘正法 授記傳心燈

夫律為三學之首，律之所在，即佛法之所在，釋尊成道之後，諸大弟子如雲攏月，然皆大權示現，悉如精金美玉，毋待琢磨，為愍末法弟子人根陋，故特曲隨方便，而有毀犯，釋尊大慈，因隨犯隨制，俾為後世之模楷耳。

今有比丘釋弘法者，上海崇明人也。俗姓陸，字紅春，學名振飛，生於西元一九五四年，幼愛讀書，尤喜閱佛經，二十歲時投崇明安壽寺廣願法師座下剃度出家，一九八〇年入中國佛教學院靈岩分院研修佛學，八二年受具足戒。八三年學業成就，留院服務，從此展開教界、政界、僧團、社會等多項服務，經歷甚豐，譽滿佛門，曾拜法於上海玉佛真華、圓明明暘兩公座上。時任蘇省佛協副會長兼祕書長，業績顯揚。受蘇省宗教局翁振進推薦，出掌吾泰光孝律寺法席，並循佛門體制，拜法於南山律宗第三十七世，光孝堂上第十七代，上端下定大和尚為接法門人。爰為題取法名內號續照，外號思同，期其續佛光照，思同法行也。並涓吉於月之十四日，光孝律寺新舊任住持交接之期，舉行傳法授記儀式，並開示法要曰：皇皇中國佛教，新朝蓬勃重興，億萬信徒，仰法彌殷，古刹道場，多盼再建，事務法務，到處需才殷

切，惟冀接法而後，教學宏法之大業，盼速隨緣而興辦，使古刹恢復原狀，依佛制弘傳戒法，此之數端，希能完成，以滿諸方之需要，以答僧信之期求，復興佛教，護國安民，此大功德，唯期賢勞，圓滿功德。續照仁者，汝其能依教奉行否？答：「能依教奉行！」既能依教奉行，聽我偈曰：

續佛智慧燈 照明眾生心 思維佛性理 同興法王城

升！

為比丘釋天祥傳法法語

稽首禮諸佛 及法賢聖僧 今演毘尼法 令正法久住

夫律為三藏三學之一，律之所在即佛法之所在，釋尊成佛而後，諸大弟子如雲攏月，然皆大權示現，悉如精金美玉，毋待琢磨，為愍末法弟子，人根陋劣，故特曲垂方便，而有毀犯，釋尊大慈，因即隨犯隨制，俾為後世之模楷耳。

今有比丘尼釋天祥者，民國七十四年九月，投普照寺音度法師座下剃度出家，多年鑽研佛學，自修有成，立志弘揚佛法，創立道場。吾今據南山律派三十九世傳授記別，為之題取法名，內號曰：天祥；並依華嚴宗三十八傳，題取外號曰：悟瑞。冀其融德啟智，圓行化生也。

爰涓吉於九十二年十一月二十三日，照光寺落成佛像開光典禮之期舉行傳法禮儀，恭請成公導師為之開示法要，曰：「切念今日佛教法運遲暮，建寺尚易，育才為難。良以二十世紀物質文明，五欲誘人，道心難發。余隨先法祖南公近五十年，於老人法乳深恩，時思報答，總以培育僧才，續佛慧命，中興祖業，為最亟要。至今不少學有專長之者，堪作囑累傳人，因以傳法儀式，授汝以菩提之記，望汝一心為光孝及華嚴祖庭，謀復興發展，紹隆佛種，弘法利生，勿負吾望，特書此法卷以為憑證。」聽我偈曰：

天龍常擁護 祥光照法筵 悟達真如理 瑞靄法大千

汝得此偈義，即成千華第三十九世，光孝堂上第十九代、華嚴宗三十八傳人矣。汝其勉之，頂戴如來家業，圓滿菩提佛果！

為真定法師傳法法語

茲有真定法師者，新加坡公民，現年卅八歲，父母健在，祖籍中國福建省安溪縣。師自幼學佛，十一歲皈依光明山普覺禪寺宏船長老，十六歲於新加坡般若念佛堂，依馬來西亞柔佛州新山唯心法師披剃出家，法名傳慧，掛單於蓮山雙林禪寺。民國七十二年，於台北臨濟寺白聖長老求受具足戒，隨後即至中壢圓光佛學院修學佛法，亦在高雄妙通寺受戒，依廣欽法師為戒和尚，以及在馬來西亞檳城極樂寺依白聖長老座下受戒，回國後，於民國八十五年任職於法華禪寺監院，推動弘佛工作。

現任新加坡般若念佛堂導師、善福堂導師、毘盧寺行政委員、護國金塔寺行政委員、佛牙寺副主席、東馬砂勞古航寺住持、西馬柔佛州新山慧林佛苑及柔佛四彎佛光禪寺住持，並於二〇〇〇年創立華嚴禪寺。

師契機於華嚴學，多年仰慕成一，望能在成一座下求法，並誠請老和尚慈悲傳法。除此，尚請老和尚慈悲，於弟子接法之日，並代新傳門下七位弟子，能同時承接下一代的法脈，一念其誠，勉與成就，乃先傳真定法師之法，為取法名，內號續修，外號思弘，並訂於六月五日舉行傳法儀式，即說偈曰：

續發菩提心 修學無上道 思念眾生苦 弘法度眾生

續修仁者，汝達此偈義，即成南山律宗千華第三十八世、光孝堂上第十八代傳人矣。汝其勉之。

佛曆二五四九年 西元二〇〇五年六月五日

為心實法師傳法法語

稽首天中天 毫光照大千 八風吹不動 端坐紫金蓮

今有比丘釋心實者，台南縣人，俗姓馮，名良泉，生於民國四十四年六月十日，現年五十一歲。嗣於八十三年四月八日，於台東縣祥林精舍發心出家，隨師進修佛法數載，感悟佛法真實義理，爰於九十一年冬期於日月禪寺求受具足戒，因乃效法地藏菩薩慈悲度生，遂精研醫學。數年後，精通歧黃

之術，發心行醫濟世，救度眾生。茲以因緣成熟，創立道場，名為崇心蘭若，領眾共修，但苦無法源依據，仰慕成一長老道行真實，爰乃發心依止台北華嚴蓮社宗門之下，懇祈長老慈悲，傳授正法，幸蒙長老成其精誠，乃訂於民國九十五年二月十二日，就於蓮社最吉祥殿，為之舉行傳法儀式，爰為心實仁者題取法名，內號續臻，外號思成，希其續臻勝行，思成妙果也。苟能如是，則不負真誠發心成大功德也，續臻仁者，汝其能依教奉行否？答：「能依教奉行！」既能依教奉行，聽吾偈曰：

續修無上道 臻發大願心 思濟群生苦 成就二利行

續臻仁者，汝得此偈義，即成南山律宗千華第三十八世、泰州光孝堂上第十八代、華嚴宗第三十八傳傳人矣，汝其勉之。

佛曆二五五〇年 西元二〇〇六年二月十二日

為明本等沙彌尼圓頂法語

地湧金蓮空雨花 天龍八部競喧誇 萬千瑞象縈梵刹 為慶獅兒新出家

原夫一切眾生，莫不具有如來智慧德相。只因一念不覺，遂爾流轉生死，六道輪迴，苦痛無量！雖然人間天上，馬腹牛胎，惟此智慧德相，從未損減分毫，亦若衣裡明珠，室中寶藏，歷劫常在，顛沛不離。可憐生死凡夫，迷昧本真，忙珠作丐，藏寶受貧，是亦大可哀矣！然則明珠寶藏，非指示而莫曉，返迷趨覺，必修行焉始成。以言修行，固有在家出家之分，求其究竟，當以割愛辭親為尚。是以大覺世尊，皇宮降跡，示種族之尊勝，雪嶺修因，垂出世之楷模。今有信女林檎錦（明本），台灣省宜蘭縣人；王鳳蘭（明都）宜蘭縣人，張月（真見）彰化市人，張快（真心）彰化市人。發殊勝心，立堅固志，放下煩惱之俗緣，拈起清涼之真諦，得六親之默契，仰三寶以護持，乃於民國五十一年八月廿六日，吉旦良辰，禮慈雲岩主達進大愛道為師，出家學道，邀成一、蓮航等三師為彼輩圓頂。猗歟盛哉！斯誠不可思議之大因緣也。昔有某居士問徑山禪師曰：「弟子出家可乎？」師曰：「出家乃大丈夫之事，非將相之所為。」出家之殊勝功德，於焉可見！然則出家者，剃髮染衣也，古人何必言重如此？當知《禪家龜鑑》有曰：「出家為僧，豈細事乎？非求安適也，非求溫飽也，非求名利也；為了生死也，為

斷煩惱也，為續佛慧命也，為出三界度眾生也；若解乎此，則出家一事，確非將相者所能為矣。今明本、明都、真見、真心四位仁者毅然為之，其亦女中之大丈夫也歟？雖然如是，即今圓頂一句，又作麼生？道：

剃去三千煩惱髮，換來清淨自由身； 從今孟鉢任自在，普度沉迷夢裡人。

詞畢舉剃刀作勢剃云：

願斷一切惡行，再剃去： 願修一切善法。三剃去： 願度一切眾生；末後將髮置盤中云： 圓滿菩提佛果，頂戴如來家業！

民國五十一年八月廿六日

為石美玉居士落髮法語

圓通本非女兒身 祇為救苦發婆心 若非當初肯削髮 那有自在觀世音

有人說：佛法甚深不好懂，千經萬論牛充棟，真空妙有意玄玄，畢生難破黑漆桶。作是說者太懵懂，真正佛法不難懂；若於依他能去執，圓成實現大一統。

有人說：修行不是容易事，成佛要經三僧祇；難忍之事要能忍，難施捨者要能施。其實此話非究竟，要看修行行不行，行者俄頃便成佛，龍女獻珠奉迦文。

有人說：學佛毋須要出家，火中生蓮價堪誇；假如是個真漢子，此話可以說與他。若是拖泥帶水客，俗事牽纏主宰差，五欲泥淖難自拔，還須及早披袈裟。

古人說：出家丈夫人中雄，將相難與比威風；一口吸盡西江水，塵塵刹刹顯神通。三世諸佛留遺訓，八相成道在山中，未聞擁妻食肉漢，親證菩提覺王宮。

今朝有：美玉居士石明璧，求尋真理志堅烈，高擎慧劍斬情絲，辭親出家謀解脫。香花供養三寶前，並邀山僧把髮落，敢問諸仁一句話，落髮賀辭怎麼說？師詞畢舉刀作剃狀云：

鬚髮自落披袈裟，一步邁入如來家， 無邊煩惱一時斷， 苦瓜從此變甜瓜！

為王月好小姐圓頂法語

出家受戒 功德難思 諸佛讚歎 龍天護持

古人說：出家乃大丈夫之事，非將相之所能為，《出家功德經》云：毘羅羨那比丘，以一日一夜出家功德，感得七返生於六欲天，二十劫不墮三途，常生人天，受勝妙樂，最後生中，捨俗出家，解法因緣，成辟支佛，令諸眾生，種於三乘解脫勝因。又云：若人出家持戒清淨，則見一切法聚，善法住處，觀佛法身，具沙門相，為世福田，能知身心世間無常苦空，無我不淨，具三十七品助道之法，無相、無願、無作三昧，趣向正覺涅槃之城。又云：若人滿百歲中，四事供養一四天下諸眾生等，勸修佛法，乃至涅槃，更起塔廟，供養舍利，所得功德，無量無邊；若復有人為涅槃故，出家受戒，乃至一日一夜，所作功德，十六分中，不及其一。出家功德之豐隆、之難能可貴，於是可見，誠乃諸佛同讚，龍天護持，難可思議也矣！今有信女王月好者，善根夙植，學佛虔誠，為涅槃故，發心依豐原妙音寺上達下說法師出家，邀請山僧，為之圓頂，爰為隨喜而讚歎道：夫出家有三，曰出世俗家，曰出煩惱家，曰出三界家，此自利行也，釋尊當初出家曾發四願：一願濟眾生困厄，二願除眾生惑障，三願斷眾生邪見，四願度眾生苦輪。此利他行也。自利利他，是菩薩道，汝其力行，自圓種智！然今圓頂一句，應如何道？曰：

一刀剪去三千髮 無邊煩惱悉蠲除 嚴淨律儀人天敬 眾生度盡證菩提

為洪美美小姐圓頂法語

出家功德難思議 天龍擁護佛歡喜 堅此一念如法修 煩惱斷盡證菩提

徑山禪師曰：「出家乃大丈夫之事，非將相之所能為。」或曰：「人之披剃出家，平常事耳，何為強調乃爾？」吁！是何言哉！當知人如果能放棄其人生應有之享受，毅然立志出塵，度其既淡泊，又寂寞之生涯，已屬難能可貴，矧猶必須嚴持淨戒，悉心潛修，乃使學通三藏，道潔冰霜，坐大道場，說法度人，將身心性命，奉獻佛教以及眾生。如此克己復禮，自利利他

之高竿德業，又豈武夫、政客所能與聞乎哉？更何況《律藏》有云：「出家有四，曰：出世俗之家，出煩惱之家，出生死之家，出三界之家。」然則出家，乃諸佛、菩薩成就聖果之基因、一切眾生超脫塵勞之要道；其難行能行、難忍能忍之精神，誠非凡小根器所能冀及者矣！

茲有洪美美居士者，善根夙植之善女人也。出身國立藝專，從事演藝工作，藝名洪芳，演技精湛，聲名遠揚。由於戲劇表演，幻作幻受，頓悟人生如幻，決志學佛；因而將其私蓄，悉數捐其出家母親修圓法師，創立觀音禪院，及慈航育幼院，以弘法利生。自身則東渡日本，研修佛法，並隨師治緘灸學。經考試合格，遂懸壺濟世，精心施診，活人眾多，是亦菩薩道也。

客歲秋後，修圓法師法體違和，居士聞訊，立即遄返探視母疾，親侍湯藥，晨昏勿替，並施緘灸治療，母疾賴以穩定。居士孝行，感動信眾，紛紛勸其出家，主理兩院業務。居士秉性固屬孝慈，尤不忍心捨病母而遠遊，遂爾應眾所謂，發心剃染，並邀山僧為之說法圓頂。即今慶讚圓頂一句，如何舉揚呢？乃說偈，曰：

戲劇人生自非真 風光本地佛法行 紅塵萬丈今擺脫 寶殿千華禮世尊

師執刀作勢，云：

第一、剃去無邊煩惱。

第二、修成無量佛法。

第三、誓度無量眾生。放下剃刀，祝之：

三千糾纏今朝了 一乘佛果他日圓

民國七十四年十一月

為林彩鳳小姐圓頂法語

十方三世一切佛 莫不出家修正道 若人能堅出塵志 無邊生死一旦了

佛世有鞞羅羨那王子，懼於生死地獄諸苦，求佛出家，一日一夜受持淨戒。命終，七返生於六欲天中，為天王子，享受妙樂。後轉人世，二十劫中

不墮三途，常生人、天，受勝妙樂。最後生中，生富貴家，感念無常，落髮修道，勤修精進，成辟支佛，名毗流帝，放大光明，令諸羣生，種解脫因。阿難問佛：「若當有人，放人出家，於出家者，供其所須，得幾所福？」佛告阿難：「我以無盡智慧，滿百歲中汝說，此人功德，猶不能盡。是人恆生人天，常為國王，妙樂無窮。」阿難問佛：「若復有人，毀壞他人出家因緣，受何罪報？」佛告阿難：「破壞他人出家因緣，即為劫奪善財福藏，壞三十七助菩提法、涅槃之因。緣此罪業，墮地獄中，受極處苦；若作畜生或生餓鬼，亦常生盲，久乃得脫。」此《出家功德經》之所說也。由此以觀，人能發心出家，或成就他人出家因緣，乃至一日一夜，均能果證辟支，永出輪迴。苟作破壞他人出家因緣，罪報三途，久乃得脫。《華嚴經》云：「一切諸佛，莫不示現八相成道，以度眾生。」出家乃八相中之第五相也。然則出家之事，實乃超脫生死、成就聖果必由之徑乎？徑山禪師曰：「出家乃大丈夫之事，非將相之所能為。」良有以也。

今有信女林彩鳳者，宜蘭人也。戡破俗緣，立志學道，禮普照寺明本法師，求度出家。明師為取法名悟正，期其能起正信，修正因，悟正理而成正果也。並邀山僧為之說法圓頂。夫出家功德，佛說難盡，我何人斯，乃敢嘵舌？雖然如是，即今慶讚出家，不可無言，乃說偈曰：

發心出家勝功德 超凡入聖難思議 因果交涉稱性修 發心時即成佛時 詞畢，執作勢剃，云：

第一刀，剃去一切惡行。

第二刀，修成一切善法。

第三刀，廣度一切眾生。

末後放下剃刀，云：

圓滿菩提憑修道 頂載如來報四恩

民國七十四年十二月

為善女人 許麗華許傳齡 圓頂法語

世間儘多喜慶事 出家喜慶最無上 一念菩提心發起 八部天龍降吉祥

今有善女人許麗華、許傳齡者，夙植德本，善根深厚。既悟人生樂少苦多，遂發宏願，求出離道。辭別雙親，投向梵剎，偕來華嚴蓮社，請求剃度出家。山僧感其至誠，允其所謂。爰乃代為依大經偈而發願，曰：

捨居家時 當願眾生 出家無礙 心得解脫 求請出家 當願眾生 得不退法 心無障礙
正出家時 當願眾生 同佛出家 救護一切 剃除鬚髮 當願眾生 永離煩惱 究竟寂滅
著袈裟衣 當願眾生 心無所染 具大仙道

剃度既畢，更為賀喜慶讚而說偈，曰：

捨俗出家丈夫事 六度萬行勤修行 因圓果滿成大覺 天上人間獲稱尊

民國七十年二月

為陳淑瑟善女人圓頂法語

法界風光好 佛門氣象新 一元剛復始 蓮社又度僧

今有善女人陳淑瑟者，德本夙植，善根深培，童真入道，慧業日進，禪修以時，戒行無虧。於佛經祖語之中，契悟返本還源之道。深知，欲於佛法躡階而升，必須棄絕塵緣，捨俗出家。於是決定於新正月之十一日吉旦良辰，發心歸投於三寶座前，禮請山僧為之圓頂。猗歟盛哉！是事也，非常事也；是人也，亦非常人也！徑山禪師曰：「出家乃大丈夫之事，非將相之所能為。」此子外現弱女形，內懷丈夫志，今朝奮志捨俗歸真，發軔佛道，他日必能坐大道場，說法度人，可賀也，亦可慶也！即今圓頂慶讚一句，又作麼生？道：

立下非常志 要做非常人 百城煙水盡 靈山禮世尊

遂為執刀剃髮，云：

第一刀，除盡一切煩惱。

第二刀，培修一切善法。

第三刀，誓度一切眾生。

民國七十五年三月

為善女人張淑錦圓頂法語

陽春三月好時光 大士聖誕喜氣洋 獅兒立定出塵志 一心趕赴菩提場

茲有善女人張淑錦者，臺灣省宜蘭縣人也。善根深厚，學佛虔誠。前既發心入佛學院精研內典，今又立志圓頂出家，誓取菩提。斯人也，可謂善得人生者也。夫出家一事，諸佛所尚、歷祖欽崇。《華嚴經·離世間品》云：

「（護明）菩薩以十大因緣故，示現出家。所謂厭居家故，令著家眾生捨離故，為隨順聖人道故，為宣揚、讚歎出家功德故，為顯永離二邊見故，為令眾生離欲樂、我樂故，為顯現出三界相故，為顯自在不屬他故，為顯當得如來十力無畏法故，為顯最後身菩薩法應爾故。」觀乎此，則出家功德，其乃出苦之階梯、成佛之坦途也。古德稱：「出家乃大丈夫之事，非將相之所能為。」良有以也。然則即今慶讚圓頂一句，如何舉揚？道：

三界無安猶火宅 世俗家庭煩惱多 堂堂僧相今朝現 靈山證果度娑婆

和尚提剃刀作勢，云：

第一刀，除去一切惡行！

第二刀，修成一切善法！

第三刀，度盡一切眾生！

和尚放下剃刀，云：

佛門添法將 魔軍驚膽寒 眾生得護佑 家國慶平安

民國七十五年四月

為善女人賴崇玉圓頂法語

臘月初八佛成道 大地遍傳慶賀聲 信女易服求解脫 要步教主出世塵

茲有善女人，賴崇玉者，夙具善根之道心人也。籍隸台灣雲林，民國四三年出生，幼而聰穎，長而賢淑，性愛閒靜，遠離隕鬧。省立豐原高中卒業後，即留校任代課教職，受在職進修，取得教員資格，三年育才生涯，悟得人生真諦。急流勇退，尋找理想前程；投入空門，皈依佛法僧寶。自是，日翻貝葉靈文，夜念彌陀聖號；方感身心自在，不期魔障侵纏，其原所依師，為俗情離寺，致師兄弟輩，皆隨緣星散，善女人無奈，思另求明師。見學院招生通告，乃投考華嚴專宗；立志修學華嚴大法，並於是時，求余剃度；余念其誠意，嘉其高志，乃允其所請，助其出塵。為取法，名內號了參，外號明度。期其能參悟一心，明度多眾也。爰涓吉於七五年十月廿二日，為之行剃度禮，說法圓頂。並為開示，出家要義：夫出家者，要出煩惱之家；修佛道者，要修一乘妙道。煩惱不斷，無以了生死；一乘不修，無以證佛果。了生死，要能放下一切；證佛果，必須萬行圓修！了參仁者！汝能依教奉行否？答：弟子能依教奉行！既能依教奉行，我當依法度汝！聽我偈曰：

放下一切修聖道 無邊生死今朝了 普修萬行嚴佛果 無上菩提此生圓 剃去三千煩惱絲，應發三大菩提願， 一願普度諸眾生，二願廣修諸善法， 三願盡斷諸煩惱，誓願成就無上道！

為北投佛恩寺李春旺居士圓頂法語

四月初八佛誕節 舉世佛子共歡騰 獅兒發起出塵志 要與法王把臂行

今天恭逢教主釋尊聖誕良辰，法界眾生同申慶賀！法會處處，佛聲陣陣，香雲繚繞，天樂鑑鏹、十方聖眾咸歡喜，八部龍天降吉祥！有李春旺居士，台灣省桃園縣人也，善根深厚，學佛虔誠，皈依三寶，修持有年，今者因緣成熟，立志出家，禮請山僧為之剃度。吾念其誠，允予結緣，為題法名了達，外號通度，望能熟讀經書，嚴持淨戒，為生死求出路，為佛門立榜樣！良以時丁末世，法弱魔強，既然發心出家，要做佛門龍象，當知出家之道，非同等閒，昔徑山禪師曰：「出家乃大丈夫之事，非將相之所能為」。夫將以武功禦外侮，相以文學興家邦，此雖大事，然智者類能為之，而出家乃超凡入聖，轉迷成覺之離塵偉業，非具廣大願，堅固志者，莫之能濟！蓋所謂出家，非祇出世俗之家，忽更出煩惱之家，出三界之家，猶須與三界眾生同出此等之家，方能稱之為真出家，方堪稱之為大丈夫也。然則即今慶讚出家一句，又作麼生？道：

脫卻俗服披袈裟 立志要出三界家 無邊生死從此斷 三明六通道堪誇

師執剪刀曰：

第一刀 誓斷一切惡

第二刀 誓修一切善

第三刀 誓度一切眾

民國七十六年五月

為金山范枝全居士圓頂法語

佛為世間開覺路 僧弘正法建道場 三寶隆興人天福 眾生出苦有慈航

今有正信居士范枝全者，書香世家，台大遊學，服務商場及教育界，曾任國立藝術學院教師，作育英材。而於國術太極拳道，功夫精湛，曾任全國國術會太極拳委員會代主任，全國太極拳協會教練委員會副主任等職，於體育界貢獻良多，於佛教信仰，固得自祖傳而精進研修，靈感夙顯，乃宿世善根之所引發！每思佛陀正法，覺世牖民，自修已得受用，更應傳揚利人，爰乃發廣大心，立堅固志，購得山地，創揚道場，涓吉夏曆六月八日投華嚴蓮社，入最吉祥殿，虔禮山僧成一圓頂出家，斯之壯志，殆非常人所能及也！因乃為之題取法名內號了根，表字全度。

《出家功德經》云：「鞞羅羨那王子，以一日一夜出家功德，七返生于六欲天中，滿二十劫不墮惡道，常生人天，受勝妙樂！最後生中，出家持戒，成辟支佛。」宋徑山禪師讚出家功德曰：「出家乃大丈夫事，非將相所能為！」觀乎此，出家可知非等閒矣。若也，更能發菩提心，誓求大覺，以出三界家為期，則其功德非佛莫之能知也。雖然如是，即今慶讚圓頂一句，如何舉揚？即說偈曰：

脫卻俗服現僧相 鬚髮自落大比丘 三界煩惱一時斷 真窮惑盡出娑婆

乃執剃刀代發願曰：

第一刀 願斷一切惡行

第二刀 願修一切善法

第三刀 願度一切眾生

民國七十六年七月

為善女人陳淑雲圓頂法語

九月十九大日子 觀音出家留芳型 若人效法施無畏 當來定作佛世尊

茲有善女人陳淑雲者，系出北市望族，生而聰異常童，讀書過目成誦，父母益珍愛之。家政專科卒業後，東遊扶桑，入東京文化學院，以優異成績，獲學士學位。歸國後，先後執教於西湖商職等校，曾獨資興辦幼稚園，培養民族幼苗，成績斐然。以家庭傳統崇奉佛教，歸依三寶，研修正道，受菩薩戒為優婆夷，協助通度法師，創佛恩寺，接引世俗歸依佛乘，淨化社會，安定人心。因緣成熟，發心出家，涓吉於九月十九觀音出家紀念日，禮請山僧，為之圓頂，爰為題取法名，內號了脫，外號還度，期其自能了脫生死，還能度化羣生也。即為拈偈而慶讚，曰：

出家本屬丈夫事 且非將相所能為 果爾悟得無生理 同慶心空及第歸

遂乃執刀，代為發願，曰：

先剃第一刀，誓斷一切惡！ 再剃第二刀，誓修一切善！ 又剃第三刀，誓度一切眾！

民國七十六年十一月

為楊寶林居士圓頂法語

丹桂飄香秋意濃 佛子發心破牢籠 萬緣放下道場住 立志要作聖中雄

楊寶林居士，吉林省籍，書香世裔，五歲歸佛，童真入道；及長，遊學德國勃朗司威大學，治機械學，以航空工程學獲博士學位，學成歸國，任教

於同濟大學。勝利後，服務於國防部，任監察官，旋調裝甲兵司令部，任技術處副處長。三十八年隨政府來臺，仍供職裝甲兵，兼臺灣大學機械系教授，及花蓮兵工學校、左營海軍機校教授。退休後，旅居巴西，任屋尼紙加紡織廠廠長，迄今年夏方告辭退。今以子女皆已成家立業，可以專心學佛，乃決心歸依三寶，披剃出家。遂於十月八日經榮瑤明居士介紹，來蓮社圓頂，《出家功德經》：「若人一日一夜出家具戒，二十生中，不落惡道，進修佛乘，終得涅槃。」徑山禪師曰：「出家乃大丈夫事，非將相之所能為。」楊寶林居士立大丈夫志，誓願出塵，大功德事，殊堪慶賀，乃為拈偈而祝讚曰：

出家功德不思議 無邊生死今出離 福慧雙圓菩薩道 一乘果證大菩提

乃執刀，代為發願，曰：

第一刀，誓願剃去無邊煩惱！

第二刀，誓願剃出一切善法！

第三刀，誓願剃度苦海眾生！

民國七十六年十一月

為賀新年居士圓頂法語

四八原為大吉日 教主釋迦示誕生 獅兒發心求大覺 鬚髮自落廁僧倫

茲有善男子賀新年者，善根宿植，堅志出塵，歸投山僧，求請出家。此大事也。省庵大師曾有言曰：「入道要門，發心為首，修行急務，立願居先。願立，則眾生可度；心發，則佛道可成。」今此賀子，心已虔發，獨缺大願，乃為擬立數願，期其遵行。

伏祈 三寶證明，龍天護持第一願曰：既已出家，當不退悔，朝夕精勤，唯道是偶。第二願曰：既已出家，當遠俗塵，專精戒律，學佛所行。第三願曰：既已出家，當勤懺悔，罪滅福生，有為有守。第四願曰：既已出家，當習禪定，動止安詳，語默沉靜。第五願曰：既已出家，當求佛慧，研經究論，理彰蔽廢。第六願曰：既已出家，當報佛恩，演揚大法，普度眾生。第

七願曰：既已出家，當興常住，奉佛安僧，勿得差錯。第八願曰：既已出家，當培後昆，佛種不斷，接捧有人。第九願曰：既已出家，當行十度，自利利他，修行正路。第十願曰：既已出家，當修佛乘，圓滿菩提，遍照光明。

此十大願，菩薩正行，初發意者，出苦南針。遍行不缺，可報四恩，勤行不懈，天人同尊。雖然如是，即今慶讚圓頂一句，又怎麼生道：

出家功德不思議 諸佛菩薩此肇基 福慧二嚴圓滿日 阿耨多羅三菩提

剃刀拈起云：

第一刀 剃去一切煩惱 第二刀 剃出一切善法 第三刀 剃度一切眾生

民國七十七年六月

為張碧霞女人圓頂法語

六月荷池飄蓮香 龍女發心禮法王 祇為求得無上覺 薙髮染衣駕慈航

今有善女人張碧霞者，宿植德本，善根深厚，於某高商職校卒業後，即發心歸依三寶，虔求佛乘，乃入臺北女子佛學院就讀。深知，欲出塵勞，必須出家，爰就北投佛恩寺落髮，涓吉於農曆六月初一日，禮請山僧，為之圓頂。遂為題取法，名內號了淨，外號蓮度，冀其了達自心本自清淨，入蓮華藏，自度度人。果然如是，則不昧初心，成功可期。《出家功德經》云：

「若人出家一日夜，二十生中不墮三途。若更勤修解脫之道，則能疾證阿羅漢果。若能回小向大，修菩薩乘，真窮惑盡，必證菩提。」出家功德巍巍如是，有心學佛諸善男女，於是大道，幸勿錯過！然則即今慶讚圓頂一句，又作麼生道呢？即說偈曰：

今生幸得遇佛乘 捨俗出家賴前因 一日福慧雙圓滿 金剛座上證法身

乃執刀，代為發願曰：

第一刀 除去一切惡業

第二刀 剃出一切善法

第三刀 剃度一切眾生

民國七十七年八月

為陳曜飛善男子圓頂法語

茲有善男子陳曜飛居士，法名會基，發心出家，邀請山僧為之說法圓頂，即說偈曰：

曜飛營俗務 會基悟佛乘 僧度參聖道 了眾入普門

乃執刀，代之發願曰：

一刀剃除諸惡業！

二刀剃出眾善緣！

三刀剃度無量眾！

同修普賢大願行！

民國七十七年八月

為廖運紫、王安妮善女人圓頂法語

八月中秋月圓明 獅子窟中添新人 一日轉度一樂果 誓作法匠轉法輪

今有廖運紫、王安妮兩位善女人，善根深厚，宿植德本，戡破世緣，決心出家，冀能虔修三學，廣行十度，進而莊嚴佛土，成就眾生。特涓吉於八月十五日月圓之日，就僑愛佛教講堂，薙髮染衣，邀請山僧為之說法圓頂。余念其誠，乃為之題取法名，廖運紫內號了載，外號轉度，期其運載眾生，大轉法輪也。王安妮內號悟正，外號樂果，期其證悟真乘，圓常樂果也。夫出家功德，最不思議。苟能出得三界、世俗、煩惱之家，則無邊生死從此斷絕，無上涅槃頓時圓證。此徑山禪師所以推崇出家為丈夫事者也。雖然如是，即今慶讚圓頂一句，又作麼生道呢？即說偈曰：

戡破俗緣求真乘 三學齊修了自心 浮雲撥開佛日現 天上天下獨稱尊

師乃捉刀，代發願曰：

第一刀，誓願斷一切惡，無惡不斷！

第二刀，誓願修一切善，無善不修！

第三刀，誓願度一切眾，無一眾不度！

民國七十七年十月

為陳令秋善女人圓頂法語

孟秋月最明亮 善女人曝心光 丈夫志立赴道場 薙髮染衣禮法王

今有善女人陳令秋者，北市名門之傑出青年也。秉拔俗之資，具超凡之志，德本夙植，善根今熟。雖具會計、統計之才華，但缺營商、貿易之興趣。鄙夷世俗之浮華，仰慕佛乘之理趣。由是歸依三寶，勤赴法筵，入佛學院，研修佛乘。得正法之啟導，誓離俗而出塵。爰乃投入余門下，乞求剃度。善來愛道，髮絲自落，誠篤懇摯，令人感動。遂為題取法名，度其入道，內號了定，外號禪度。冀其深入禪定，廣度有緣也。

佛子出家，應知佛義。經云：夫出家者，有出世俗家者、有出煩惱家者、有出三界家者。此在一乘教海，非其鵠的。必也能出無明之家，悟達諸法本源，秉持普賢十大願王，導眾同遊毗盧性海，方為最高無上之真正出家也。願了定仁者汝其勉之然則即今慶讚圓頂一句，又作麼生？即說偈曰：

出家功德不思議 天龍八部同讚喜 修因契果成大覺 萬眾共仰大牟尼

乃為執刀，發願曰：

第一願，剃除一切惡法！

第二願，剃出一切善法！

第三願，剃度一切眾生！

民國七十七年十月

為優婆夷卓秀穎圓頂法語

桂子飄香八月天 南光佛刹啟法筵 信女求度心懇切 誓願摘取上品蓮

今有優婆夷卓秀穎者，飽學力行之士也。出身於師範學府，執教於各地鬢宮，春風化雨，桃李爭榮。然以善根宿植，慧眼頓開，感世事之詭變，念人生之無常。爰乃道心煥發，密行劬勞；薙髮染衣，志切捨俗。持涓吉於夏曆八月二十八日，假蘇澳南光寺，依佛出家。邀請山僧，為之說法圓頂。余念其誠，乃為題取法名，內號了聰，外號敏度，期其以聰敏之資，契證真如，普度眾生也。《出家功德經中》佛陀垂示：若人出家一日一夜，可以二十生中不墮三途。若能進修解脫之道，則可疾證阿羅漢果。若修菩薩乘者，亦能速證阿耨菩提。出家功德之大、之勝，於此可見。雖然如是，即今慶讚圓頂一句，如何舉揚？即說偈曰：

剃髮染衣求出家 決心壯志殊堪誇 三學通達佛乘悟 獨口蓮台綻奇葩

並代發願曰：

第一刀，誓願剃除一切惡行！

第二刀，誓願剃出一切善法！

第三刀，誓願剃度一切眾生！

民國七十七年十二月

為范李金葉居士圓頂法語

天高氣爽白雲飛 深秋十月慶豐數 佛子出家求正道 期能心空及第歸

今有范李金葉居士者，有大善根之善女人也。生而聰穎，秀外慧中。宅心仁厚，嫻熟女紅。來歸范氏，克盡婦道。持奉翁姑，惟敬惟孝。相夫教子，鄰里稱道。歸依三寶，虔遵佛教。創立佛寺，以法施人。開山闢地，霄旱辛勤。晨昏禮誦，禪修精誠。障消福至，道悟真乘。決心出家，超脫凡

塵。涓吉初三，吉旦良辰。薙髮染衣，以示真誠。邀請山僧，說法圓頂。余喜其志，歡喜應允。特代遠師，為取法名，內號覺賢，外號忻一，冀其覺悟聖賢之道，而忻求一乘以利眾生也。雖然如是，即今慶讚圓頂一句，作麼生道呢？即說偈曰：

度人端賴佛法僧 能現僧相非等閒 僧家生活安然度 成佛作祖一念間

並為執刀代發願曰：

第一刀，誓願剃去一切惡行！

第二刀，誓願剃出一切善法！

第三刀，誓願剃度一切眾生！

師問：以上誓詞，能依教奉行麼？

答：能依教奉行

民國七十七年十二月

為張美芬善女人圓頂法語

涼秋九月菊花黃 信女學佛志氣昂 為求證悟真如理 薙髮染衣入道場

茲有善女人張美芬者，臺北市人，善根深厚、宿植德本，早年歸依三寶，法名明心，頗能虔心修持、慈悲布施。結婚之後，頓悟人生如幻，樂少苦多，亟思出家求道、了脫生死。乃涓吉於本（十一）月二日吉旦、良辰，前來蓮社，邀請山僧，為之說法圓頂。遂為題取法名，內號了研，外號修度。冀其研修佛道，以自度度人也。又復既已出家，當知出家要義。夫出家有出世俗之家、出煩惱之家、出三界之家、出生死之家多種，於中應以求出三界之家，了脫生死、悟證菩提，為其目標。爾自勉之！雖然如是，即今慶讚圓頂一句，應如何道？即說偈曰：

三界無安 猶如火宅 跳出塵勞 即得解脫

為陳秋子善女人圓頂法語

十月戶暖小陽春 準提本是觀世音 一本一迹同化度 佛子有緣沐深恩

有陳秋子善女人者，宜蘭名門之閨秀也。幼承庭訓，飽讀詩書，長勤女紅，卓著賢聲，于歸邱氏，克盡婦道，侍翁姑以孝，育子女以慈，鄰里莫不欽其淑範，殆丈夫事業成就，兒女婚嫁事已，頓覺此身人生責任既了，是可為己躬大事，作一番商量時矣。遂乃發心學佛，歸依三寶，並選圓通禪寺為歸處，由是潛心梵典，並涓吉於十一月二十七日，吉旦良辰，薙染出家，修菩薩道。邀請山僧為之說法圓頂，余念其誠，特滿所願，乃為題取法名，內號了因，外號緣度，冀其悟因緣理，廣度有緣也。雖然如是，當知出家一事，殊非易易，必也立志修學，嚴護威儀，力斷煩惱，誓出三界，證菩提果，登涅槃岸。即經中所說：「無邊煩惱斷，無量法門修，誓願度眾生，皆共成佛道」是也。了因沙彌，期汝能依教奉行也。然則即今慶讚圓頂一句，應如何道呢？即說偈曰：

圓通寶刹法筵開 新度沙彌出塵埃 四弘誓願常修學 白蓮臺上禮如來

即捉刀剃度並代為發願云：

第一刀 剃去一切惡行

第二刀 剃出一切善法

第三刀 剃度一切眾生

問：緣度沙彌！汝能依教奉行否？

答：能依教奉行！

為郭朝和居士圓頂法語

新年正月初四日 恭逢釋尊成道時 獅兒發起出塵志 鬚髮自落莫遲疑

佛教青年郭朝和，臺北市人。出生農家，雙親健在，兄弟姊妹五人，朝和男生行二。國校畢業後，為協助家庭生計，決棄學，至工廠當學徒。鉗工、技工皆所熟習，頗為廠主所器重。朝和工作之間暇，喜愛爬山、讀書、朝山禮佛。有時獨自沈思人生百態，尋探歸趣，了不可得。因至蓮社聽《華

嚴經》，於法界圓融之旨，略有所會。乃發心學佛，且求剃度，並陳遞其父母同意書契以示決心。余念其誠，遂允其所謂。特涓吉於今朝佛成道日，為之圓頂。爰為題取法名，內號了凡，外號聖度。即開示出家要義，曰：汝既發心出家，當知出家法要。《出家功德經》云：「佛聞鞞羅羨那王子之音樂，記其七日命終，使阿難勸其一日一夜出家。王子命終後，七返生於六欲天，當得辟支佛道。」此出家之功德也。《毗婆沙論》云：「家者是煩惱因緣。夫出家者為滅垢累，故宜遠離也。」此出家之目的也。佛初出家，乃發四願：「一願濟眾生困厄！二願除眾生惑障！三願斷眾生邪見！四願度眾生苦輪！」此出家之工作也。世間之人，多諸惑業、煩惱。出家達道，永斷此苦。修菩提業，成無上道，於法界得自樂；證涅槃果，離生死苦，得究竟寂滅之樂。此出家之覺法樂也。

總之，出家生活淡泊、寂寞，人以為苦。但能依法修行，永斷輪迴苦，得證無上道，此究竟樂也。汝其於此等處善加體會，領其旨趣，自能適應！雖然如是，即今慶讚圓頂一句，作麼生道呢？即說偈曰：

無始劫來生死苦 昇沉但憑業力牽 一旦悟得無生理 華藏莊嚴樂自然

民國七十九年二月

為衡鈺居士圓頂

欲摘菩提果 先栽菩提樹 栽樹道如何 出家第一步

衡鈺居士者，大有善根之菩薩行人也。民十二年出生於中國大陸湖南省華容縣。父經商，母管家，兄弟姊妹九人。她是么女，父母鍾愛如掌上珠。而居士自幼即知孝順父母、敬愛兄弟，頗討人憐愛。七歲啟蒙，天資過常兒。十六歲讀初中時，適值日寇侵華，戰爭南延，家鄉淪陷，乃隨姊輩避難貴州，就讀遵義中學，作流亡學生。物資缺乏，艱苦備嘗。次年由某軍長夫人介紹，與一謝姓青年軍官訂婚，為得人照顧也。又次年於後方某地舉行婚禮。由是放棄學業而作主婦，時勢所迫也。卅四年抗戰勝利，其夫奉派來臺工作。居士亦於安置其慈母之後，渡海從夫，並考入臺中監獄服務。一對亂世鴛鴦至此方享安定生活。詎知好景不常？其夫另結新歡，背義絕情，與之離異。從此一面辛勤工作，一面哺養兩個小男，其中況味，局外人殆無法領

略。居士匪特不動其心，且能由是發心學佛，歸依三寶，虔修福慧，並於監中延僧說法，勸諸囚人依佛學道，同時輔導二子完畢學業，並勉彼等留學美國，吸收尖端科技知識，以便學有專長，報效國家。所謂精誠所致，金石為開。居士心願終獲完成，並為二子完婚成家。居士自念：母責已盡，可以棄俗清修，以求菩提證因。於是涓吉，於八月廿三日，投華嚴蓮社，要求拙衲為之剃度。余念其心誠志決，乃允所請，並為題取法，名內號了實，外號權度，期其了悟實相，權巧度生也。即為說法，開其慧眼：夫佛法者，心法也。經云：「心生，則種種法生；心滅，則種種法滅。」又云：「惟此一心，在聖不增、不淨；在凡不減、不染。悟得此心，則果證菩提，常、樂、我、淨；迷昧此心，則輪迴六道，生、老、病、死。」居士學佛有年，於此等理，諒能契入。雖然如是，即今慶讚圓頂一句，如何舉揚呢？即說偈曰：

有為是苦 無為乃樂 為無為滅 是為大覺

剃！

民國七十九年九月

代賢度徒為謝玉芸居士圓頂法語

火傘高張三伏天 宅中眾生苦熬煎 佛子頓立出塵志 要登華藏大寶蓮

善女人謝玉芸者，籍貫台灣嘉義，出身耕讀世家，父榮松先生為公務員，母謝翁麗女士主持家政，姊弟三人，玉芸行二，九年義務教育完成之後，以興趣所寄，習服飾業，十餘年間，雖幸技藝成就，然於炎涼世態，深感厭惡，爰萌出塵之志，乃就梵剎，求經學道。幸遇成師指點迷津，遂依觀音教法，虔誠修持，感大士慈濟，母病得差，由是信心堅定，決志剃髮染衣，進修淨業，以之上報佛恩，祈求解脫，經擇訂六月十九普門大士成道之日，皈投華嚴蓮社，懇求賢度法師，代為圓頂，賢度轉請山僧，開示法要。夫出家大事，萬佛所傳，以言功德，則《出家功德經》云：「若人出家一晝一夜，二十年中，不墮惡道，若更進修佛乘，乃證涅槃道栗。」又徑山禪師曰：「出家乃大丈夫事，非將相之所能為」。視此可知出家功德之殊勝，意義之非凡矣。今者，謝玉芸善女人，既發大心，必獲大果。雖然如是，即今慶讚圓頂一句，又怎麼說呢？即說偈曰：

萬丈紅塵裡 難見性中天 跳出三界外 佛果自然圓

剃！並代發願曰：

願斷一切惡

願修一切善

願度一切眾生

摩訶般若波羅蜜多

民國七十九年十月

代通度徒為陳玉雲善女人圓頂法語

佛恩常住氣象新 吉祥寶殿慶完成 玉女發心求聖道 明師接引出凡塵

陳玉雲者善女人也，宿植深厚，資賦不凡，出生于桃園世家，為林春土先生掌上明珠，畢業於稻江家職，擅美工科廣告設計，曾服務於某大公司，頗受其上司賞識；學佛於佛恩禪寺，深得彼師長器重，感于人心陷溺，世道衰微，眾生苦難，有增無已，爰及發心歸依三寶，出家修道，父母嘉其高志，引薦佛恩禪寺通度法師為其剃度。通師慈悲，允其所謂，為之題取法名，內號悟忍，外號安果，遂釋訂於國曆十月十四日吉旦良辰，舉行圓頂儀式，並邀山僧為其說法祝願。經云：「出家功德不可思議，乃解脫之妙門，成佛之階梯，三世諸佛，莫不由出家而成等正覺也。」然出家有四，一、身出家心不出家，二、心出家身不出家，三、身心俱出家，四、身心俱不出家。玉雲善女人，既發大心，但願取法乎上，做到身心俱出家也。必如是，方能成無上道，普渡眾生，自他兩利，福慧雙圓。此事非等閒，必具丈夫志，方克底於成，玉雲勉之哉！雖然如是，即今慶讚圓頂一句，又怎麼生道呢？即說偈曰：

三界無安猶火宅 可憐眾生受熬煎 佛子立定丈夫志 要駕慈航度人天

隨帶新發意菩薩起堅誓曰：

- 一、願斷一切惡、無惡不斷！
- 二、願修一切善、無善不修！
- 三、願度一切眾生、無一眾生不度！

民國七十九年十月

代通度徒為溫國強居士圓頂法語

佛種從緣起 此事非等閒 萬緣皆具備 道山乃可攀

有志學道者，世不乏其人。奈以因緣不具，無法遂其所願。此我佛門稱僧為寶之所以歟？昔杭城徑山禪師有言曰：「出家乃大丈夫之事，非將、相之所能為。」夫國家之文武將相，乃秉持大政，定國定邦之重職也。其膺選斯項大任者，必學有專長，操行廉潔，而後方獲國民付託。出家修行，泛泛事宜，徑山何強調如此？是有說焉！出家修行固屬易事，然果欲完成出家歷程，做好修行功夫，必先放棄人生固有享受，功名富貴，妻財子祿，皆莫貪戀，然後方能堅持出家初衷，達成出家目標。

以言修行，亦非易易，必也守得淡泊，耐得寂寞，放下萬緣，端正一心，然後方可接受師訓，依教奉行，嚴持禁戒，潛心禪觀，從聞思修，入三摩地，福慧雙修，圓成佛果，如此行徑，非大丈夫，能為之乎？今有溫國強居士，有大善根，秉賦非凡，雖具最新科技知識，又為家庭獨生男子，但以治病因緣，得新佛法，稍加玩味，即起深信，歸依三寶以佛恩寺通度比丘為師，進而要求剃度，通度念其真誠，收歸門下，為題法名，內號悟深，外號廣果，期其深入經藏，廣度眾生也。普度眾生，雖願居士效法彌陀，勤勇精進，利樂有情。雖然如是，即今慶讚圓頂一句，如何舉揚？即說偈曰：師執刀代剃並發願曰：

阿彌陀佛降誕日 國強居一出家時

悲智願行勤大道 福慧雙修證菩提

一刀願斷一切惡，

二刀願修一切善；

三刀普度諸眾生，同圓種智成佛道。

民國八十年一月

為汪子健優婆夷圓頂法語

臘鼓頻催春節近 爆竹聲中新年來 婆夷頓立離塵志 要往靈山禮那伽

三寶弟子汪子健，法名法強，河北景縣人。宿具善根，有大智慧，皈依佛門，精進修持，夙夜弗懈，家事之暇，常至蓮社共修聽經，受華嚴大經之義理啟發，深知修行菩薩大道，旨在莊嚴佛土，成就眾生，必須福慧具足，乃能圓成佛果。同時於十地品菩薩法中，崇尚出家，善根明淨，因乃頓立出塵之志。

涓吉於庚午臘月二十三日吉旦良辰，投入蓮社懺摩會中，邀請山僧為之圓頂，余念其誠，遂其所願，為題法名，內號了機，外號杯度，期其了別機宜，浮杯度人也。

爰為說法曰：夫出家者，有出世俗家焉，有出三界家焉，有出煩惱家焉；出世俗家，為形式出家，出三界家，為小乘出家，出煩惱家，為大乘出家；形式出家，徒有其表，虛耗信施，最不可取；小乘出家，唯是自利，不能利他，非佛本懷；大乘出家，非唯自利，且能利他，方合佛意。

汝今既發大乘願，當出煩惱家，成就妙智，圓滿菩提，紹隆佛種，利濟有情，乃出家之最高目的。雖然如是，即今慶讚圓頂一句，如何舉揚？即說偈曰：

大乘菩提心發起 自他二利力修行 福慧兩門皆具足 無上佛果自圓成

請更隨我發願，乃執刀云：

一刀願斷一切惡法

二刀願修一切善法

三刀願度一切眾生

普願皆共成佛道！

民國八十年三月

代通度徒為李宜春善男子圓頂法語

花卉爭妍四月天 歡慶佛誕啟法筵 佛子頓發出塵志 欲摘靈山一品蓮

茲有信士弟子李宜春者，台灣雲林人，民國四十八年六月十六日生，現年三十三歲。父母生他兄弟姊妹六人，宜春行四，家境小康，學校畢業後，即從事西藥行業，因而對人生疾苦死亡，頗深感觸；加上幼年即失去嚴父，益覺人生無常，灰心世務，追求宗教信仰，探討解脫之道。因得友好介紹，時至寺院聞法聽經，於佛法真理，漸有契悟。及至去年，因緣成熟；於一次法會上，認識佛恩寺住持通度法師，經師闡述人生苦空無常真理之後，茅塞頓開，乃求剃度，蒙師慈允，即為題取法名，內號悟道，外號慶果，並洵吉於四月八日易服皈依，邀請山僧代為說法圓頂，夫出家功德，不可思議。猶憶吾蘇諺有曰：「一子出家，九祖生天」可見出家功德，非同小可。其不信者，或譏為迷信，事不可能，此不明出家者所為何事致然。夫真實出家，必也訪求明師，修學正道，依法行持，弘法利生，功德回向多生父母，果如是，則其親族之獲法益者，又何止於九祖哉。其譏為不可能者，殆指彼藉出家之名，圖名利之實，或者裝模作樣，誑惑愚俗，或則拉風作秀，欺世盜名，唯知五欲享受，不肯認真修行，如是出家，非僅親祖無法蒙福，自身之三途惡報且難免矣。悟道仁者，於此等處希能有所警惕，務期做一真實出家，甘淡泊，守寂寞，修戒定慧，滅貪嗔痴，上報四恩，下濟三有，庶幾不負今朝之發心也。雖然如是，即今慶讚圓頂一句，又作麼生道呢？即說偈曰：

出家容易守道難 袈裟被體非等閒 發菩提心勤修學 光明遍照滿人間

並帶其發願曰：

第一刀剃去一切惡法

第二刀剃出一切善緣

第三刀剃來一切功德 普利諸眾生 皆共成佛道！

民國八十年六月

為林陳阿邁彭馬香妹圓頂法語

一念不覺妄心動 無邊生死苦糾纏 今生幸遇佛正法 猛然回頭出塵埃

今有林陳阿邁居士者，台灣省宜蘭縣頭城鎮人也。夙植德本，善根深厚，幼而聰穎嫻女紅，長而賢淑具婦德，及笄之年于歸林氏，生二男四女愛護備至，夫君林進宗，服公職於電信局，有為有守，頗為上司所倚重，阿邁居士主中饋，一家和樂融融，殊自得也。怎奈好景不常，林君以癌疾棄世，家庭失去中心，小兒女猶在學中，愁雲籠罩，困頓艱辛，阿邁居士遭此變故，因感人生苦惱，乃發心學佛，以求解脫，爰於四十七年投鎮之開成寺皈依三寶，更就福嚴寺受菩薩戒，從此青罄紅魚，課佛誦經，佛法生命，透發生機。今有男女公子婚嫁事畢，三女且先行於蓮光寺落髮修行，居士至此一無牽掛，乃毅然立志，詣妙釋寺，薙染出家，禮拙衲為師。余感其誠，乃為題取法名，內號了正，外號信度，期其了悟正法，信度佛海也。遂涓吉於月之念三日，假華嚴蓮社，邀請山僧為之說法圓頂，夫出家學道，貴在發菩提心，立堅固願，心發則眾生可度，願立則佛道堪成。雖然如是，即今慶讚圓頂一句，如何舉揚？即說偈曰：

背塵合覺丈夫事 發心立願誓完成 三祇百劫圓大覺 天上人間獨稱尊

剃！

又有彭馬香妹居士者，學佛有年，福慧具足，頃以俗緣已了，爰發心一同剃度，乃為題取法名，內號了淨，外號勝度，為說偈曰：

諸法因緣生 緣具即成就 三因同時圓 頓超菩提路

剃！

民國八十年八月

代賢度徒為吳慧美信女圓頂法語

六月十九吉祥日 觀音大士成道時 信女出家修勝行 效法南海度眾生

茲有信女吳慧美者，台灣省台南縣人，宿植深厚，秉賦純良；高中畢業後，入旅遊業工作，堂上雙親健在，兄弟姊妹成行，家庭幸福，事業順暢，人生開始，堪稱理想。然以善根因緣，萌發時機成熟，於一次禮懺法會當中，經念佛號，感動心靈，頓悟萬法緣生無常，不可隨流浪費光陰，無始輪迴生死苦海，今生必求解脫大道，因此頓發菩提大心，立定堅固志願，擇吉於夏曆六月十九日觀世音菩薩成道良辰，投北市名道場佛教華嚴蓮社，皈依三寶，禮賢度法師為師。賢度愍其虔誠，許其入道，並於是日順其要求度其出家，並為題取法名，外號學果，內號悟知，禮請山僧，代為說法圓頂。

夫出家功德，千佛同尊，良以修學佛法，出家為尚，擺脫世緣，虔修定慧，必須放下一切，堅志一心，方克有濟。所以古德云：出家乃大丈夫事，非將相之所能為，良有以也。望悟知仁者，秉此初心，篤志以進，將來道業秀發，菩提果成，不負今朝割愛辭親一片誠心也。雖然如是，即今慶讚圓頂一句，如何舉揚？即說偈曰：

學佛容易發心難 祝髮出家非等閒 堅此一心菩提願 涅槃高坡定可攀

剃！

民國八十年九月

為徒孫圓果度其徒胡湘華善女人圓頂法語

時序入冬朔風厲 萬物凋零現無常 信女驚覺浮生夢 頓發大心禮法王

茲有善女人胡湘華者，山東省曹縣人，幼失恃怙，依兄嫂長大；然其為人敦厚乖巧討人喜歡，故學歷雖祇國小，而事業卻一帆風順，曾任職文具印刷公司外務員，以業績佳勝，被握升至業務經理，頗能處理人事，應付顧客，因而東主於殊倚賴之。以其宿具善根，故於公餘之暇常至佛寺上香拜佛，請取佛經，回家研讀，於佛法理趣，時有契悟。因乃發心皈依三寶，禮圓果法師為師，法名勝觀，茲者因緣成熟，決心披剃出家，徒孫圓果應其所

謂，邀請山僧為之說法圓頂，余念其誠，欣然許之，代題法名，內號心月，外號慈雲，冀其心離塵垢似明月，行蔭眾生若慈雲也。遂為之說法曰：夫佛法者，心法也。心能悟道，則覺樹花開，慈能興樂，則眾生得度。然而須修德有功，性德方顯，自利成就，乃能利人，是以圓頂以後，必也勤事禮佛，懺除宿業，精研教典，引發慧心。（汝能如是依教奉行否？」答：「能依教奉行！」）既然如是，聽我偈曰：

出家原為丈夫事 能發斯心非等閒 福慧二嚴能具足 佛法光輝滿人間

剃！

隨我發願曰：

第一刀，剃去一切惡染。

第二刀，剃出一切善法。

第三刀，剃度一切眾生。

民國八十一年一月

為陳如意嚴京芬善女人圓頂法語

一念不覺妄心動 無量劫來苦糾纏 善女立下衝天志 誓證如來上品蓮

茲有善女人陳如意、嚴京芬者，宿具善根之再來人也。自得人身，開啟智識以來，每感世事無常，人生虛幻，煩惱作主，業障滋生，偶發善念，難成淨業，此等困擾，時縈心際。雖有進修之心，苦無入道之門，幸虔誠懺悔，得蒙感應，遇善知識方便接引，得入佛門，得聞正法，爰迺發心依三寶，依法修行，期求出離。修白淨道，出家為先，非要大死一番，然後乃得大活，是以古聖先賢，莫不皆因出家修行，而得永脫輪迴，而能完成大覺，既作如是決定，因乃訪求明師，善根成熟，因緣會合，爰於秋節前夕，承蒙僑愛佛教講堂，轉度法師介紹，要依山僧，雉染出家，並擇吉於是月之十六日，假華嚴共修法會，為之說法圓頂，余念彼等懇切至誠，乃為陳如意題取法名，內號了施，外號檀度，又為嚴京芬題取法名，內號了應，外號時度，遂為宣說出家要義。昔杭城徑山禪師有言曰：「出家乃大丈夫事，非將相之

所能為。」此語蓋謂出家大事，非同等閒，必先決定發菩提心，出家而後，尤須起堅固誓，修一切善法，斷一切煩惱，廣度眾生，無一眾生不度，能如是發心，能如是依願起行，方為真出家也，汝二善女人能如是發心修行否？答：「能如是發心修行！」既能如是發心修行，聽我偈曰：

佛子發起大悲願 要向菩薩道中行 斷惡修善度眾生 常轉無上妙法輪

剃！

民國八十一年一月

為潘慧鵠居士圓頂法語

觀音菩薩成道日 六月十九是良辰 信女立定堅固志 要學大士修佛乘

茲有信女潘慧鵠居士，觀音大士之虔誠信徒也，宿植深厚，秉賦非凡。小學時代，即能發菩提心，具出塵願，而以救苦、救難的觀音行徑，為修學榜樣，平常則以持念觀音聖號，作修持恆課，誠屬難能而可貴！迨至學業結束，步入社會，為人處世，信守本分，虛心學習，樂於助人，不慕虛榮，志求佛乘，探究大道，關懷眾生，於七十三年，皈依廣欲禪師，道業益加精進。進入蓮社之後，因緣成熟，秉至誠心，求為剃度，余念其真，允為接引，為題法名，內號了芳，外號廣度，並涓吉今朝，觀世音菩薩成道吉日，為之說法圓頂，並開示曰：「古人說：出家容易學道難，悟道明心非等閒，必須萬緣齊放下，一心真如時時參。」真有志者，於此等處，須勤著力，參到山窮水盡處，諸佛菩薩展歡顏。莫忘出家初心，莫負山僧囑咐，了方仁者，汝能依教奉行否？答：能依教奉行！既能依教奉行，必是可造之材，我有一偈，祝汝成功，即說偈曰：

往昔佛前種善根 今朝緣熟度出塵 三心參透桶底脫 四智菩提慶圓成

師執刀作剃勢代發願曰：

第一刀，剃去一切惡業

第二刀，剃出一切善法

第三刀，剃度一切眾生 皆共成佛道！

民國八十一年七月

為連清泉居士圓頂法語

南無大悲觀世音 成就佛道度眾生 善男願效凌雲志 決心出家修佛乘

茲有連清泉居士者，宿具深厚善根之人也。未入道前，原從事於建築工業，造福人羣。學佛因緣成熟之後，立即皈依三寶，跟隨有道修學佛法，早晚功課精進勿懈；受五戒後，立志出家，發菩提心，修菩薩道。因來蓮社，要求剃度，邀請山僧，說法圓頂。余念其誠，允其所謂，為題法名，內號了真，外號常度，並開示曰：夫出家大事，成佛正因，必須一切放下，忘卻俗緣，依法勤修，斷惑證真，方能成就佛乘，永脫輪迴生死。常度仁者，汝能依教奉行麼？答：依教奉行！既能依教奉行，當成法器，聽我偈曰：

既立大丈志 應發廣大心 完成菩薩道 佛果自圓成

師拈剃刀代發願曰：

第一刀誓願斷除一切惡業

第二刀誓願修行一切善法

第三刀誓度法界一切眾生，皆共成佛道！

民國八十一年七月

為郭祐燿居士圓頂法語

極樂教主彌陀佛 大慈大悲愍眾生 四十八願造安養 廣度一心念佛人

今有郭祐燿居士者，志願深切之修行人也。原籍省屬桃園，國中畢業後，隨其父兄學商，小妹依其母主持家務，居士廿六歲完婚，育兩男，中等家庭，尚稱和樂。母親篤信佛教，祐燿受其影響，放棄機械生意，改營佛經流通處。由是親近佛法，於三十歲時，某晚詣寺拜佛，聞入誦〈普門品〉，

心中感到無比喜悅，因乃參加念佛會，皈依三寶，嚴持五戒，且思棄俗出家而未果所願，因緣未成熟也。然出塵心願，未嘗或忘。遂爾朝夕禮佛誦經，虔禱諸佛加被，俾早日完成宿志。幸得賢妻同情離異，岳母又願代撫幼童，更得明婦居士介紹，偕至蓮社求度，余念其誠，允其所請，為取法名，內號了本，外號德度。冀其培本立德，以自修利眾也。並涓吉於彌陀佛聖誕良辰，為之舉行圓頂剃度典禮。即開示曰：古人道：「出家容易守規難，信願全無總是閑，淨戒不持空費力，縱然落髮也徒然」。於此可知，出家所為何事？當為何事？守清規、持淨戒、起正信、立誓願，殆為必備條件，汝其細心審察力行，莫負出家初心，則圓成道業可期矣。汝能依教奉行否？答：能依教奉行！既然如此，當成法器。聽我偈曰：

衝破難關求出家 脫卻俗服披袈裟 世間萬緣全放下 許汝出生如來家

今當為汝圓頂，隨我發願曰：

剃除鬚髮 當願眾生 永斷煩惱 究竟寂滅

剃！

為吳錢美珠居士圓頂法語

信女發心求出家 捨忘歸真志堪誇 但望牢記菩提願 莫負佛祖老釋迦

吳錢美珠居士，台北縣人氏，現年五十八歲，發心於中華民國八十二年正月十五日詣桃園縣大溪鎮仁善里僑愛佛教講堂，禮成一和尚請求剃度出家。原來吳居士在講堂拜佛有年，信心虔誠，夫君往生後，即發心皈依三寶，棲心佛乘，勤儉持家，慈育子女，今者兒女成長無所牽掛，爰乃決心出家，以求解脫。余念其誠，乃為題取法名，內號了吉，外號祥度，並於今朝講堂例行共修日，為之說法圓頂，並開示曰：夫出家大事，是了生脫死之基礎，轉凡入聖之要務，所以仁者既然發心出家，就要認真修行，才能成辦此一大功德事。但言修行亦非易事，古人說：「出家容易守規難，信願全無總是閑，淨戒不持空費力，縱然落髮也徒然。」因此望汝圓頂之後，能不違初衷，發菩提心，行菩薩道，修福德，修智慧，守清規，持淨戒，時時照顧自己念佛功夫，切不談他人是非長短，如是心淨身安，道業方可成就，汝能

依教奉行嗎？答：能依教奉行！即然如是，可成法器。師執刀作剃狀，並帶其發願曰：

剃除鬚髮 當願眾生 永斷煩惱 究竟寂滅

剃！

為廖瑞蓮善女人圓頂法語

欲生如來家 先發菩提心 嚴土兼熟生 水到渠自成

今有善女人廖瑞蓮者，台灣基隆市人，善根宿具，慧解天成，兒時即知禮敬三寶尊崇聖教。結弁後，每念世事無常，乃萌出塵之心，時赴道場之會，八一年，經常度師介紹，至桃園佛教講堂為義工，晨鐘暮鼓，激起宿願。本年元月，參加華嚴佛七之後，發心皈依，同年觀音出家法會之後，立出塵志，由明度、明果二師介紹，至蓮社請求山僧之圓頂，余念其誠，允為剃度，爰為之題取法名，內號了宗，外號乘度，期其了達宗趣，圓修佛乘也。並開示曰：出家之道，有其層次，先出世俗之家，再出煩惱之家，三出生死之家，後出三界之家，能順序出得此等之家，即可出生如來之家，而為真佛子，荷擔佛家業！所以祖師說：出家乃大丈夫之事，非將相之所能為。汝能發如是心教奉行麼？答：能依教奉行！即然如是，聽吾偈曰：

發起大心求出家 火宅門外有三車 大白牛車最穩當 爭取金縷祖袈裟

隨吾發願曰：

剃除鬚髮 當願眾生 永斷煩惱 究竟寂滅

剃！

為江新和、殷郭梅居士圓頂法語

一念不覺迷本真 六道輪迴受苦辛 今生幸遇華嚴教 皈依三寶求出塵

今有江新和、殷郭梅賢伉儷者，台灣省花蓮縣之高山人也。宿具善根，秉賦不凡。家世素奉天主教，為上帝之兒女。偶遇佛教講經機會，聽後深覺

聞所未聞，滿心歡喜！江居士於軍中通信學校卒業後，國學基礎增厚，領悟能力加強，從廣大佛法中，深覺此乃出苦舟航，遂商諸其夫人殷郭梅居士，決心改信佛教，皈依三寶。禮僑愛佛教講堂成一上人為師，進求出家。師念其誠，爰加攝受。為江居士題取法名，內號了學，外號志度；為殷居士題取法名內號了修，外號感度，共開示曰：佛說眾生佛性平等，人人皆可成佛，但由往昔一念不覺，迷失真如佛性，背覺合塵，起惑造業，流轉生死，六道升沈，受苦無量！今幸善根成熟，得遇知識，皈依三寶，志求解脫！但願不忘初心，上求下化，滿菩提願，得涅槃果。果然如是，則今朝圓頂一句，如何說呢？聽我偈曰：

宿世善根熟 今朝慶出家 道圓功德滿 登大白牛車

剃！

為陳春蘭居士圓頂法語

一念不覺落凡塵 幸有因緣禮佛僧 從此走向歸真路 修因証果度眾生

今有善女人陳春蘭者，屏東潮州人氏。生于民國四十六年二月六日，畢業於屏東商專，幼年即常隨其母鍾添妹居士禮佛吃齋。成年後，入社會工作，因感社會紛亂、眾生多苦，遂萌出家學佛之志。曾入佛光山東方佛學院研修佛法，後於民國八十二年十月六日隨其母鍾老居士至台北華嚴蓮社，聽成一講《華嚴經》，感法界法性，義理妙圓，乃頓發大心，出家修道，請求皈依成一，研修佛乘，一感其誠，應其所謂，乃依南山律宗字派，題取法名，內號了生，外號妙度，乃為開示出家要義曰：古杭徑山禪師曰：「出家乃大丈夫之事，非將相之所能為。」今汝既已發心出家，必須發菩提心，立堅固志，上弘佛道，下化眾生。《華嚴經·離世間品》云：「護明菩薩以十大因緣故，示現出家：所厭居家故，令著家眾生捨離故，為隨順聖人道故，為宣揚讚歎出家功德故，為顯永離二邊見故，為令眾生離欲樂我樂故，為顯出三界相故，為顯自在不屬他故，為顯當得如來十力無畏法故，為顯最後身菩薩法應爾故。」觀乎此，則出家功德，其乃出苦之階梯，成佛之坦途也。然則即今慶讚圓頂一句，如何舉揚呢？乃振錫道：

三界無安猶火宅，世俗家庭煩惱多， 佛子當立丈夫志，自度度他出娑婆。

以上誓詞所願，汝能做到否？答：「能」！既能立此願，是即真佛子，隨我發願吧！

第一刀，願斷一切惡行！

第二刀，願修一切善法！

第三刀，願度一切眾生，皆共成佛道！

為林玉堂居士圓頂法語

人身難得今已得 佛法難聞今已聞 現又更發上乘願 決心濟世誓出塵

林玉堂居士者，出生廣西書香世家，祖父為前清進士，父母皆有佛教信仰，居士幼讀紅樓夢小說，即悟人生如幻，而懷出塵之志。其兄畢業於陸軍大學十七期，曾任陸軍某部參謀長，居士三十七年亦考入南京國防部，無線電台總部服務，卅八年隨顧參謀總長來台，仍服務總台任機務官，後政府成立中山研究院，調往儀器組參與研發工作，成功後，獲頒弼亮獎章及忠勤加星勳章。八十二年屆齡退休。居士雖服務軍中官至上校，然學佛之心未稍退懈，修行功夫從未間斷，慈以所生五位男女公子，皆已學有專長。類能自立，乃商得其夫人林碧順女士之同意，決心出家，虔修佛乘！並於九月之初三日，來到蓮社，求為剃度，余念其誠，遂為題取法名內號續緣，外號思淨，並開示曰：「古杭徑山禪師曰：『出家乃大丈夫事，非將相之所能為。』或曰：『夫出家一事，剃髮染衣耳，何繁難若斯？』」當知所謂出家，有出世俗家、出煩惱家、出生死家等之深義，要完成上開三種出家之能事，必須一切放下，甘淡薄，守寂寥，發菩提心，進修福慧，上求佛道，下化眾生。必如是行，方得稱為真出家也。林居士善根夙具，學佛有年，於此等處，當能契入！果然如是，聽吾偈曰：

真善男子發道心 皈依三寶誓出塵 放下一切得自在 自利利他菩薩行

剃！

隨我發願曰：

正出家時 當願眾生 同佛出家 救護一切

南無大慈彌勒如來（三稱）

為謝王彩蓮居士圓頂法語

長劫流浪生死海 涅槃彼岸總無緣 今生幸遇毗盧佛 得登慈航般若船

今有謝王彩蓮居士者，宿具善根之有道人也。居士籍隸台北市之內湖區，娘婆兩家皆地方望族。幼而聰穎，長而好學，于歸謝氏之後，秉持中饋之職，事翁姑能盡孝道，育子女寬嚴兼施，夫唱婦隨，一門歡樂。迨二子一女，成家立業之後，乃發心學佛，皈依三寶，參與佛教慈濟工作，財力三施，功行日進，聞法悟道，立志出家，得佛恩寺通度住持接引，禮請山僧度之入道。余念其誠，允其所請，為題法名，內號了莊，外號進度，期其能莊嚴佛土，進化眾生也。爰涓吉於三月十五日假佛恩寺圓通寶殿為之說法圓頂。夫出家之法，非同等閒，乃入道之津梁，成佛之始基，故須發長遠心，立堅固志，貧賤不移，威武不屈，三車不取，一乘方入，福慧二嚴修其因，萬德莊嚴圓其果，進度仁者，汝能依教奉行否？答：能依教奉行！即然如是，聽我偈曰：

莊進立志修佛乘 秉此一心奔前程 一朝桶底忽脫落 三世諸佛把臂行

師執刀代發願曰：

剃除鬚髮 當願眾生 永斷煩惱 究竟寂滅

剃！

為陳兆邦善男子圓頂法語

一念不覺妄心動 流浪生死苦難量 此生幸遇佛正法 捨妄歸真禮法王

有善男子陳兆邦者，善根夙具之再來人也，禮籍浙江東陽，生於台灣嘉義，父母兄弟俱全，一家都信佛教，具高等學歷，有理想職業。唯於生命需求，時苦無法滿足，嗣於新竹香山金剛經洞，皈依法智和尚，茹素學佛；又於永修精舍，勝光尼師，乞受不邪淫戒。八十三年，樹林海明寺進具優婆塞戒，依悟明長老為和尚。從之發菩提心，進修佛道。自是以來，深覺法益難

量，因思落髮出家，以求究竟出離，作是念已，因至華嚴蓮社，求一為之剃，一念其求道心切，立願真誠，允其所請，為題法名，內號續明，外號思淨。冀其續求明悟，思維淨定也。爰為開示曰：夫出家者，當以求道為心，學道為願，修道為功，證道為的。古德云：出家容易守規難，信願全無總是閑，淨戒不持空費力，縱然落髮也徒然。又道：學道容易悟道難，不下工夫總是閑，能信不行空費力，空空論說也徒然。讀此兩偈，當知出家學道，必如何用心，方能有濟。明仁者，汝果能依教奉行否？答：能依教奉行！既能依教奉行，他日必成法器！聽吾偈曰：

曠劫迷失本真 今朝尋回覺性 從茲篤直行去 望能眉毛拖地

剃！

隨我發願曰：

剃除鬚髮 當願眾生 永斷煩惱 究竟寂滅

代賢度徒為其弟子李碧玲圓頂法語

人謂出家為消極 出家積極超世人 出家能了生死苦 出家能成無上尊

今有童女李碧玲，臺灣宜蘭人，出生於佛教家庭，畢業於金甌商職，因其生父李清波先生，六年前發心於中和市之金山寺，依常淨法師披剃出塵，進修佛乘，碧玲受其影響，開始探求佛法旨趣。於八十一年秋月，承妙釋寺殊度上人之介紹，入華嚴蓮社充會計役，晨鐘暮鼓，經聲佛號，引發八識田中菩提種子，因乃頓發學佛大心，於觀世音成道吉白，皈依三寶，禮賢度和尚尼為師，法名心巧，冀其發無上心，巧思佛法義理也。果然自皈依之後，益發精進，早晚參加課誦，禮佛虔修，菩提幼苗不斷滋長，遂在徵得其生母林氏之同意下，決心出家，以求解脫，其師賢度，察其堅志，為取法名，內號悟勉，外號勤果，允其於釋尊成道紀念日，度為沙彌，邀請山僧為之說法圓頂，余念其師徒誠意，樂為成就。因開示曰：「夫出塵之道，捨家居先，擺脫塵緣，聖胎易於培育，依傍三寶，道業是可成長。然而出家修道，非等閒事，古人有云：『出家容易守規難，信願全無總是閑，淨戒不持空費力，縱然落髮也徒然。』」悟勉沙彌尼，汝於此等語句，會也麼？汝能依教奉行

否？答：能依教奉行！既能依教奉行，可成法器，然則現前圓頂一句，怎麼生道呢？即說偈曰：

割愛辭親入空門 不求世俗不求真 期能摸得娘生鼻 三世諸佛把臂行

師拈刀作剃狀！代發願曰：

剃除鬚髮 當願眾生 永斷煩惱 究竟寂滅

剃！

為明度、檀度徒新度弟子陳淑雲圓頂法語

無量劫來輪迴苦 總由業力作牽纏 今生幸遇如來故 出家修行養性天

僑愛佛教講堂新任監院檀度法師，度得徒弟陳淑雲者，本省籍基隆市人。宿具善根，秉賦不凡，昔因多病耽擱學業，憑其自修，已具閱讀能力。曾進工廠為裝配員，以其工作勤奮，深得主管賞識，嗣以學佛因緣成熟，經道友介紹，皈依佛門。然未曉佛法，後至僑愛佛教講堂拜佛，遇檀度法師，授以入門佛書，方知學佛要領，藉知世間苦樂總由因果循環，眾生佛性平等，回頭即登彼岸，因即發心皈依，並求剃度。檀徒感其誠懇，滿其所願，並為題取法名內號悟莊，外號嚴果。並擇吉於華嚴法會圓滿日，為之圓頂，禮請山僧代為主持說法。度人出家，紹隆佛種，大功德事也！乃應所請為說法曰：出家大事乃成佛正因，功德之大，世無倫比，然必發菩提心，一切放下，勤修三無漏學，力除三根本惑。念眾生苦，行菩薩道，必如是方能達到利己利人，與諸眾生同登彼岸之目的。悟莊仁者，汝果能依教奉行否？答：「能依教奉行」，既然如是，聽我偈曰：

自他兩利發大心 同登覺岸修一乘 無上誓願今朝立 最高佛果他日圓

悟莊仁者，隨我發願：

第一刀 願斷一切惡

第二刀 願修一切善

第三刀 願度一切眾生，皆共成佛道！

為善女人涂慧娟、游雪惠圓頂法語

臘月初八佛成道 大地傳遍慶賀聲 信女一服求解道 要步教主出世塵

《禪家龜鑑》有曰：「出家及大丈夫之事，非將相之所能為。」又《出家功德經》云：「若人出家持戒清淨，則見一切法眾，善法住處，觀佛法身，具沙門相，為世福田，能知身心世間無常苦空，無我不淨，具三十七品助道之法，得無相無願無佛三昧，趣向正覺涅槃之城。」出家功德之豐隆、之難能可貴，於是可見。誠乃諸佛同讚，龍天護持，雖可思議也已。今有善女人涂慧娟游雪惠者，善根夙值，學佛虔誠。於八十三年九月投考華嚴專宗學院，立志修學華嚴大法，二年以來品性端正，學業有成，因緣成熟，發心出家。故吾今據南山律派三十九世字派為取法名，內號天行天演，並依華嚴宗三十八傳題取外號悟證悟常。

爰涓吉於農曆八四年十二月初八，佛成道日，為之行剃度禮，說法圓頂。並為開示，出家要義：「夫出家者，要出煩惱之家；修佛道者，要修一乘妙道。煩惱不斷，無以了生死；一乘不修，無以證佛果。了生死，要能放下一切；證佛果，必須萬行圓修！」

天行天演仁者！汝能依教奉行否？答：弟子能依教奉行！既能依教奉行，放下一聽我偈曰：

放下一切修聖道 無邊生死今朝了 普修萬行嚴佛果 無上菩提此生圓

第一刀 願斷一切惡行

第二刀 願修一切善法

第三刀 願度一切眾生

圓滿菩提佛果，頂載如來家業！剃除鬚髮，當願眾生，永斷煩惱，

究竟寂滅。悉殿都漫多羅 跋陀耶 婆婆訶

代妙度師為何惠雪善女人圓頂法語

二月十九觀音生 洛迦山頂罩祥雪 信女立定大誓願 效法圓通修佛乘

屏東潮州覺慧寺，妙度法師，創興道場，弘法度人，一鄉土女，感其精誠，發心擁護，常著瑞應！俗諺有云：人有誠心，佛有感應。以視覺慧道場，信可徵也。近有善女人何惠雪者，因感妙師，精進為道，要求皈依！參加修學！數月虔誠，殊覺靈妙，爰乃進求妙師，為之剃度！妙師念其真誠，允其所請，擇吉於二月十九日，觀音佛誕，邀約山野，代為說法圓頂，遂為題取法名，內號悟願，外號天音，並為開示曰：「古杭徑山禪師有言：『出家乃大丈夫之事，非將相之所能為！』必也，發至誠心，立堅固願，放下萬緣，精進超入，乃可成辦！」成曰：「出家一事，唯雉髮染衣，長齋茹素，進住寺院，依時課誦，清淨優閑，何難之有？」此不明出家真相之妄談也。夫真正出家，有三大要，曰：「一、出世俗家，割愛辭親；二、出三界家，了脫生死；三、出煩惱家，斷惑證真。」即此三者，豈易為哉！然亦非不可為，但須發心真切，堅誓不渝，依法進修，終必成就，古往今來，悟道成功者，不可勝計。古人所謂，有志者，事竟成！此之謂也。今者，惠雪居士，既遇明師，又聞妙法，志願堅定，成功可期也。惠雪居士！能如是發心，依教奉行麼？答：「能依教奉行！」既然如是，聽我偈曰：

切念生死苦 莫忘初發心 福慧勤精進 結果自然成

惠雪居士，一心至誠，隨我發願： 正出家時 當願眾生 同佛出家 救護一切

南無普賢王菩薩摩訶薩（三稱）

大眾師 請唱消災偈 祝福！

為善女人姚明芬圓頂法語

六月十六是良辰 大地遍傳慶賀聲 信女易服求解脫 要步教主出世塵

《禪家龜鑑》有曰：「出家及大丈夫之事，非將相之所能為。」又《出家功德經》云：「若人出家持戒清淨，則見一切法眾，善法住處，觀佛法身，具沙門相，為世福田，能知身心世間無常苦空，無我不淨，具三十七品

助道之法，得無相無願無佛三昧，趣向正覺涅槃之城。」出家功德之豐隆、之難能可貴，於是可見。誠乃諸佛同讚，龍天護持，難可思議也已。今有善女人姚明芬者，善根夙值，學佛虔誠。於八十四年九月投考華嚴專宗學院，立志修學華嚴大法，近一年以來品性端正，學業有成，因緣成熟，發心出家。故吾今據南山律派三十九世字派為取法名，內號天悅，並依華嚴宗三十八傳題取外號悟施。

爰涓吉於八十五年六月十六，就本蓮社為之行剃度禮，說法圓頂。並為開示，出家要義：「夫出家者，要出煩惱之家；修佛道者，要修一乘妙道。煩惱不斷，無以了生死；一乘不修，無以證佛果。了生死，要能放下一切；證佛果，必須萬行圓修！」

天悅仁者！汝能依教奉行否？答：弟子能依教奉行！既能依教奉行，聽我偈曰：

放下一切修聖道 無邊生死今朝了 普修萬行嚴佛果 無上菩提此生圓

第一刀 願斷一切惡行

第二刀 願修一切善法

第三刀 願度一切眾生

圓滿菩提佛果，頂載如來家業！剃除鬚髮，當願眾生，遠離煩惱，

究道寂滅。唵悉殿都 漫多羅 跋陀耶 娑婆訶

代善度仁者為其徒陳前煌、黃明運沙彌圓頂法語

金風送爽好時光 圓通教主慶出家 一對有志善男子 剃除鬚髮披袈裟

茲有陳前煌、黃明運善男子者，善根深厚，宿植德本，念眾生之多苦，發菩提之大願，割愛辭親，決心濟世，皈依善度法師，研求一乘圓教，三年虔修，一朝頓悟，欲登涅槃高山，必渡生死業海，雙雙發心，請求剃度，善師念其真誠，允作接引恩師，為彼二人，題取法名。陳前煌內號悟修，外號道果；黃明運內號悟達，外號明果。並於圓通教主，觀音大士出家紀念良

辰，偕來蓮社，禮請山僧，代為說法圓頂，乃依傳統佛制，完成莊嚴儀式，並開示曰：出家大事，諸佛同欽，菩提大道，九地共步，良以塵世多障，入道艱難，捨俗出塵，底事易辦，古杭徑山禪師，所以讚嘆出家，為大丈夫事，非將相之所能為，非無因也。抑尤有進者，依一乘佛教，教剃度出家，首要發無上心，修普賢行，上弘佛道，下化眾生，必也福慧具足，始許圓證極果，汝二沙彌，於是等義，能依教奉行否？答：能依教奉行！既能依教奉行，必為佛門法器，我今依法，為汝二人說法圓頂，聽我偈曰：

一念不覺妄心動 無邊生死苦糾纏 今朝喜得出塵路 上弘下化登金蓮

師執剃刀曰：汝二沙彌

剃除鬚髮 當願眾生 永離煩惱 究竟寂滅

為善女人石阿秀及陳大方童子等圓頂法語

諸佛出世間 普施甘露法 廣度有緣人 修行成佛道

善女人石阿秀，具善根之再來人，出生於臺灣省雲林縣，斗六市農家。曾結婚，育兩兒，丈夫出家學佛，門戶由石氏獨撐，勤儉持家，撫育幼兒，致家道小康。兒漸長，懂人事，因見其父出家，亦萌出塵之念，乃告其母。石氏見其夫子同志學佛，亦歡喜發心，投法界精舍善度法師，請求剃度。善師念其誠願，允其所請，為題法名，內號天如，外號悟來，願其隨佛如來，悟出世道，廣弘正法，普度眾生也。

善度法師於本月之十六日攜石氏其及二子，同來蓮社，請余為之說法圓頂，乃開示曰：「三世諸佛之能成佛，莫不因其當初決志出家。今汝等既能發心出家，當知出家深意，昔杭城徑山禪師說：『出家及大丈夫之事，非將相之所能為。』原因是出家要出世俗之家，再出煩惱之家，乃能出得三界時空之家，必須如此，方算真出家。汝能依教奉行否？」答：「能依教奉行！」能發如此心，當成法器！聽我偈曰：

若人發心出家 乃至一晝一夜 念度生死之中 不墮三途惡道

為陳大方童子，法名香宏，外號睿智，圓頂，乃說偈曰：

香熏三千里 宏揚華嚴經 睿悟真如理 智通一佛乘

為陳廣嚴童子，法名香傳，外號睿思，圓頂，乃說偈曰：

香嚴真如海 傳法度迷情 睿達菩提道 思證遮那身

大眾隨我發願曰：

剃除鬚髮 當願眾生 永離煩惱 究竟寂滅

剃！

為曾青如、趙曉慧小姐圓頂法語

十方三世一切佛 莫非出家修成道 若人能堅出塵志 無邊生死從此了

佛世有鞞羅羨那王子，懼於生死地獄諸苦，求佛出家，一日一夜受持淨戒。命終，七返生於六欲天中，為天王子，享受妙樂。後轉人世，二十劫中不墮三途，常生人、天，受勝妙樂。最後生中，生富貴家，感念無常，落髮修道，勤修精進，成辟支佛，名毗流帝，放大光明，令諸群生，種解脫因。阿難問佛：「若當有人，放人出家，若有出家者。任其所須，得幾所福？」佛告阿難：「我以無盡智慧，除飲食時，滿百歲中廣為汝說，此人功德，猶不能盡。是人恆生天上、天中，常為國王，妙樂無窮。」阿難問佛：「若復有人，毀破他人出家因緣，受何罪報？」佛告阿難：「若復有人，破壞他人出家因緣，即為劫奪無盡善財福藏，壞三十七助菩提法、涅槃之因。緣此罪業，墮地獄中，常盲無目，受極苦處。若作畜生，亦常生盲。若生餓鬼中，亦常生盲。在三惡道，久乃得脫。若生為人，在母腹中，受胎便盲。汝於百歲，常問是義，我將百歲，以無盡智慧說是罪報，亦不可盡。」此《出家功德經》之所說也。由此以觀，人能發心出家，或成就他人出家因緣，乃至一日一夜，均能果證辟支，永出輪迴。苟作破壞他人出家因緣，罪報三途，久乃得脫。《華嚴經》云：「一切諸佛，莫不示現八相成道，以度眾生。」出家乃八相中之第五相也。然則出家之事，實乃超脫生死、成就聖果，必由之徑乎？杭州徑山禪師曰：「出家乃大丈夫之事，非將相之所能為。」良有以也。

今有信女曾青如者，宜蘭人也。戡破俗緣，立志學道，禮普照寺音度法師，求度出家。明師為取法名悟真，號天融，期其能起正信，修正因，悟正理而成正果也。另有信女趙曉慧，台中縣人，發心學佛有年，今見內城普照寺，道場清淨，發心皈依明度法師，法名睿法，號香傳，期其悟曉諸法自性真理，弘法利生也。且選今日吉旦良辰，並邀山僧，代為說法圓頂。夫出家功德，佛說難盡，我何人斯，乃敢曉舌？雖然如是，即今慶讚出家，不可無言，乃說偈曰：

發心出家勝功德 超凡入聖難思議 因果交涉稱性修 發心時即成佛時

和尚執刀作勢而剃，云：

剃除鬚髮 當願眾生 永離煩惱 究竟寂滅

為善女人王靜之圓頂法語

九月三日是良辰 法界遍傳歡喜聲 信女發心求出離 要學釋迦証法身

《禪家龜鑑》有云：「出家及大丈夫之事，非將相之所能為。」又《出家功德經》云：「若人出家持戒清淨趣解脫處，見一切法聚，善法住處，觀佛法身，具沙門相，為世福田，能知身心世間無常，苦、空、無我、不淨，具三十七品助道之因，得無相、無願、無作三昧，趣向正覺涅槃之城。」出家功德之豐隆、之難能可貴，於是可見。誠乃諸佛同讚，龍天護持，難可思議者也。

今有善女人王靜之者，善根夙植，學佛多年，虔誠有加，因緣成熟，發出離心，禮拜賢度法師，要求出家，立志修學華嚴大法，吾今據南山律派三十九世，為之題取法名，內號天學；並依華嚴宗三十八傳，題取外號曰悟修。冀其悉心修學，悟得兩家宗旨也。

爰涓吉於八十九年九月三日華嚴誦經共修會期間，就本蓮社為之行剃度禮，禮請成一為之說法圓頂。爰開示法要曰：「夫出家者，要出煩惱之家；修佛道者，要修一乘妙道。煩惱不斷，無以了生死；一乘不修，無以證佛果。了生死，要能放下一切；證佛果，必須萬行圓修！所謂『莊嚴佛土、成就眾生，即行者畢生、乃至盡未來際，皆須奉行者也。』」

「天學仁者！汝能依教奉行否？」答：「能依教奉行！」既能依教奉行，聽我偈曰：

放下一切學佛乘 立志要做福田僧 無邊煩惱今朝斷 無上菩提誓願成

和尚執刀作剃勢云：

第一刀 願斷一切惡行；

第二刀 願修一切善法；

第三刀 願度一切眾生，

頂戴如來家業，圓滿菩提佛果！

隨我發願曰：

剃除鬚髮 當願眾生 遠離煩惱 究道寂滅

唵 悉殿都 漫多羅 跋陀耶 娑婆訶

為女人丁若文圓頂法語

四月十五是良辰 法界遍傳歡喜聲 信女發心求出離 要學菩薩度眾生

《出家功德經》云：「鞞羅羨那比丘畏於生死地獄苦故，捨欲出家一日一夜，持淨戒故，滿二十劫不墮三途，常生人天，受福自然。最後人中，厭世出家，勤修精進，成辟支佛。」出家功德之難能可貴，於是可見。誠乃諸佛同讚，龍天護持，難可思議者也。

今有善女人丁若文者，江蘇泰興人，畢業於幼師專科，從事幼教工作十年之久，八十六年因父親往生，至蓮社接觸佛法，發心學佛，後於八十七年歸依三寶，八十八年受菩薩戒，為更深入經藏，並於八十九年投考華嚴專宗佛學研究所，精研法要。今日，因緣成熟，捨俗出塵，禮拜賢度法師，為之勒度。吾念其誠，據南山律派三十九世，為之題取法名，內號：天願，並依華嚴宗三十八傳，題取外號曰：悟誠。冀其依持經教修學，漸備一切諸佛智德。

爰涓吉於九十年四月十五日華嚴經共修會期，就本蓮社為之行剃度禮，恭請成公導師為之說法圓頂，成公慈悲，開示法要曰：「夫出家者，要發菩提心，行菩薩道，願發直心正念真如，願發深心樂修善法，願發悲心救護眾生。所謂莊嚴佛土，成就眾生，即行者畢生、乃至盡未來際，皆須奉行者也。」

天願仁者！汝能依教奉行否？答：能依教奉行！既能依教奉行，聽我偈曰：

願棄塵緣淨佛乘 立志修學菩薩行 法門無量誓願學 無上菩提誓願成

第一刀 願斷一切惡行

第二刀 願修一切善法

第三刀 願度一切眾生

頂戴如來家業，圓滿菩提佛果！隨我發願曰：

剃除鬚髮，當願眾生，遠離煩惱，究竟寂滅！

唵 悉殿都 漫多羅 跋陀耶 娑婆訶

為善女人李怡臻圓頂法語

茲有善女人李怡臻者，幼年喪父，半工半讀完成學業，可謂備嘗人間苦難，五年前因母親往生接觸佛法，警覺人世無常，即放下工作至佛學院聽聞佛法，去年曾參加本社秋季華嚴法會，甚感法喜，今年有幸再度參與春季華嚴共修會，即下定決心以《華嚴經》終身乃至盡未來際所依止之法門。並希望把握有限生命從事利人利己的出家生活，求余為之剃度，賢度念其一片至誠之心，乃成就其志願。

今據南山律派三十九世，為之題取法名，內號：天念；並依華嚴宗三十八傳，題取外號曰：悟持。冀其但念無常，堅其初願，受持佛法，精勤道業。

爰涓吉於九十年四月十五日華嚴經共修會期，就本蓮社為之行剃度禮，恭請成公導師為之說法圓頂，成公慈悲開示法要曰：「夫出家者，要念身不淨，念受是苦，念心無常，念法無我。立志莊嚴佛土，成就眾生，即行者畢生、乃至盡未來際，皆須奉行，慎勿怠惰。」

天念仁者！汝能依教奉行否？答：能依教奉行！既能依教奉行，聽我偈曰：

但念六道苦無盡 學習菩提智慧門 受持法門精勤修 速乘慈航到彼岸

第一刀 願斷一切惡行

第二刀 願修一切善法

第三刀 願度一切眾生

頂戴如來家業，圓滿菩提佛果！隨我發願曰： 剃除鬚髮，當願眾生，遠離煩惱，究竟寂滅！

唵 悉殿都 漫多羅 跋陀耶 娑婆訶

為善女人婁靜華圓頂法語

茲有善女人婁靜華者，祖籍上海市，淡江大學日文系畢業，擔任公職十餘年，於八十五年元月因三姐往生而接觸佛法，九月又逢母喪，美滿的家庭轉眼之間，不復存在，頓覺人世無常，為了替親人作佛事而漸漸接觸佛法，也在參與共修的功課中，讓自己從喪失親人的悲痛中走出來。更有幸的是有機會到佛學院中選修佛學，深入了解《華嚴經》的甚深義理。雖然年過四十四，但經過師父及善知識的引導，即下定決心放下世間凡情，學習華嚴菩薩利益眾生的大願行，所以經住持賢度法師應允，慈悲成就其出家修行的心願。

故吾今據南山律派三十九世，為之題取法名，內號：天恩；並依華嚴宗三十八傳，題取外號曰：悟德。冀其常存感恩之心，虔心修學佛道，斷除一切煩惱，圓滿無上菩提。

爰涓吉於九十年四月二十二日華嚴蓮社共修會期，就本蓮社為之行剃度禮，恭請成公導師為之說法圓頂，開示法要曰：「夫出家者，要報四重恩，一要報父母恩，二要報三寶恩，三要報國家恩，四要報眾生恩。所謂莊嚴佛土，成就眾生，即行者畢生、乃至盡未來際，皆須奉行者也。」

天恩仁者！汝能依教奉行否？答：能依教奉行！既能依教奉行，聽我偈曰：

放下世間煩惱事 親情枷鎖擱一邊 發心修學菩薩道 圓滿十聖與三賢

第一刀 願斷一切惡行

第二刀 願修一切善法

第三刀 願度一切眾生

頂戴如來家業，圓滿菩提佛果！隨我發願曰：

剃除鬚髮，當願眾生，遠離煩惱，究竟寂滅！ 唵 悉殿都 漫多羅 跋陀耶 娑婆訶

為善女人桂夢娟剃度法語

茲有善女人桂夢娟者，現年四十五歲，於民國四十五年四月二十二日，出生於浙江省慈谿縣，俗姓桂，名夢娟，父桂莊，母黃省，家世業商。初中畢業，曾依其父學治商業。十五歲隨友人入寺禮佛，即善根初發，決意出家，並至台南開元禪學院修學，畢業後復於八十八年考入華嚴專宗佛學研究所深造，研修華嚴教義，乃知出家學佛，必須依法修行，了悟諸法自性，普度苦海眾生，直至福慧雙圓，乃為真實出家。遂於民國九十年十月七日，乞求剃度，其蒙師明度賜題法名，內號天喜，外號悟法。期其知足天道，性圓明也。並於同年七日吉旦良辰，禮請成公長老代為說法圓頂，成一念其真誠，允其所請，並開示曰：「出家要依法修行，發菩提心，上弘佛道，下化眾生，待至福慧雙圓，徹悟自性圓明，方達出家目的，天喜仁者，能依教奉行否？」答：「能依教奉行！」既能依教奉行，聽我偈曰：

諸法自性空 本無有生滅 然必悟自性 法性始現前

剃！

隨我發願曰：

剃除鬚髮 當願眾生 永離煩惱 究竟寂滅

第一刀 願斷一切惡行

第二刀 願修一切善法

第三刀 願度一切眾生

為劉文進居士剃度法語

七月三十是良辰 暹羅王子成聖僧 發心誓度眾生全 菩薩悲願是借鏡

劉文進居士者，宿植深厚之再來人也，出生於佛教世家，父諱桂才，岐黃名士，生母為黃氏太君，系出名門。居士畢業於國防醫學院，亦傳其父國家醫術，懸壺濟世活人眾多。其德配謝氏金葉，生二男一女，皆大專畢業，學有專長，服務社會，報效國家。居士閱讀佛經，悟人生無常，眾生多苦，乃思皈依三寶披剃出家，效法地藏菩薩發宏誓願，弘修佛法，普度眾生。遂於本月二十九日，地藏大士聖誕良辰，詣社請求為之剃度，余感其誠心，應其所請，並開示曰：出家有出世俗家、出煩惱家、出三界家之別，汝應以出煩惱家為第一選擇，蓋必斷去煩惱，方能圓證菩提也。居士誠心應諾。爰為題取法名，內號續燈，外號思明，冀其續佛心燈，明宣法化也。續燈仁者，汝能會斯旨也乎？答：能。既能領斯旨，是為真法器。聽吾偈曰：

出家延續佛慧命 自度度人志堪誇 斷惑證真修正法 龍華三會圓自他

剃！

隨我發願曰：

第一刀 願斷一切惡

第二刀 願修一切善

第三刀 願度一切眾生

總願成佛道

為善女人賴秀里剃度法語

今有善女人賴秀里者，民國八十三年皈依僑愛佛教講堂成公上人，法名「法美」，可謂善根深厚之再來人也，其在俗同修俞欽先生，為陸軍裝甲兵少校退役，亦篤信佛教，且常到僑愛佛教堂共修，及做義工。

法美居士育一兒一女，男為電腦工程師，女已嫁人，即念人生責任已圓，乃於九十年十月七日，求願出家，吾念其誠，允其所講為之題取法名，內號天仁，外號悟慈，並擇期於十月七日禮請蓮社導師成公上人，為之說法圓頂，並開示曰：「夫出家者，先出世俗家、再出煩惱家、後出三界家，依法修行，求取正覺，乃為真實出家，悟慈仁者於斯等義，能領會而依教奉行否？」答：「能依教奉行。」既能依教奉行，聽吾偈曰：

脫除俗服披袈裟，一朝直入如來家。 摒息俗念悟真諦，莫教法服空被掛。

剃！

隨我發願曰：

剃除鬚髮 當願眾生 永離煩惱 究竟寂滅

第一刀 願斷一切惡行

第二刀 願修一切善法

第三刀 願度一切眾生

總願成佛道

為游任村居士圓頂法語

要成佛道先出家 剃除鬚髮披袈裟 斷盡煩惱證菩提 丈夫壯志殊堪誇

游居士任村者，寶島台北縣人，祖籍福建省汀州府永定縣望族。居士七歲喪母，父業礦工，居士孩提時即與父相依為命。幼時均受日本教育，後又畢業於師範學院，讀書認真，頗著成績。年廿四與陳金貴女士締結連理，生兩男兩女。曾任某小學教師、主任、校長。從事教育工作歷有年所，直至八十六年屆齡退休，過著美滿的小康生活。

居士信奉佛教，退休後與其夫人金貴女士皈依三寶發心學佛，除平常精勤於佛教弘傳及慈善救濟事業，廣修功德，於佛學之研究亦孜孜不倦，凡遇蓮社弘法活動如：教師佛學研修夏令營等，皆全力以赴，精勤不懈。今年夏季遠赴泰國，參與佛學夏令營，精進修學成績斐然，因感佛法難聞今以聞，忽萌出世學佛之大願，回國後即欲依請成一剃染出家。因成一赴美弘法，乃就賢度法師先行剃度，待成一歸國後補行剃度典禮。今晨成一自美歸國，居士迫不及待，要求立即與之圓頂以了初願。感蒙其誠，今乃為其題取法名，內號續慈，外號思勤，冀期慈心廣被，精勤度生也。續慈仁者能依教奉行否？答能。即然如是，聽我偈曰：

發心出家修佛乘 慈心廣被度有情 情與無情皆施度 度盡眾生報佛恩

剃！

思勤仁者隨我發願：

第一刀 願斷一切惡

第二刀 願修一切善

第三刀 願度一切眾生

總願成佛道

為沈堃善女人圓頂法語

佛本由人成 祇要能發心 修福並修慧 因圓果自生

茲有沈堃善女人者，夙具善根之再來人也，沈居士出生台南沈氏望族，幼受傳統教育，成年後，留學印度，修碩士、博士，經歷社會工作，頓悟人

生苦惱，富貴虛幻，爰發大心，進修佛道。初受藏密，審其攝機不廣，乃束裝返里，進求佛乘，經賢度法師介紹，來社請求皈依，俾便研修華嚴大法，以培佛因，兼化有緣。一念其大心頓發，宿植匪淺，乃允為圓頂，以成其志，並為題取法名，內號思源，外號續慧，冀其悟徹法源，續佛慧命也。遂開示曰：出家有三種法：一、出世俗家；二、出煩惱家；三、出生死家。汝既發大心，當以出煩惱家為志願，蓋必斷盡煩惱方能圓證菩提也。汝能依教奉行否？答：「能依教奉行！」既能依教奉行，聽我偈曰：

出家要出煩惱家 六根清淨披袈裟 無邊眾生誓願度 因圓果滿志堪誇

剃！

隨我發願曰：

第一刀 願斷一切惡

第二刀 願修一切善

第三刀 願度一切眾生

總願成佛道

為吳金菊、劉愛秋婆媳短期出家圓頂法語

曠劫流浪生死，今幸忝獲人倫！ 又遇佛聖及法僧，暫求出塵報四恩！

今有吳金菊、劉愛秋善女人者，夙植德本，今發大心。特於今年八月二十三來社皈依三寶，乃為吳金菊取法名續仁，並為劉愛秋取法名為天順。二仁者並求短期出家，以報四恩，此之發心，因緣殊勝。《出家功德經》云：「若人一日一夜出家，可免二十生中三途之報。」夫出家有出世俗家，出煩惱家，出三界家，出生死之家，今彼等雖屬短期發心，功德亦具其四，《華嚴經》云：「初發心時，即成正覺。」又云：「發心畢竟二不二，如是二心初心難。」以是昔徑山禪師讚揚出家功德曰：「出家乃大丈夫之事，非將相之所能為！」然則菩薩發心出家之大心大願，豈等閒哉！今吳金菊、劉愛秋二仁者，於五濁塵勞之中，頓發此無上大心，功德亦難可具述矣！雖然如是，出家只是外相莊嚴，戒方始內心清淨，二仁者隨我言詞，皈依三寶：

「皈依佛、皈依法、皈依僧！既皈依已，容當更傳仁等五戒，一不殺生戒能持否？」答：「能持！」「二不偷盜戒能持否？」答：「能持！」「三不邪淫戒能持否？」答：「能持！」「四不妄語戒能持否？」答：「能持！」

「五不飲酒戒能持否？」答：「能持！」既能具持三皈、五戒，是真佛子！聽我偈曰：

佛子發起菩提心，披剃出家修佛乘！ 皈戒堅持無欠缺，許汝悟道圓一真！

剃！

隨我發願曰：

剃除鬚髮，當願眾生！ 斷除煩惱，究竟清淨！

為敏度法師代其徒鄭玩玲李豐美林秀鳳圓頂法語

娑婆世界苦難多 幸有釋尊駕慈航 善女發心求解脫 除去煩惱禮法王

敏度仁者近度一徒李豐美居士，此人宿具善根，自入佛門，精勤修學，悟知眾生多苦，誓願出塵救度，其師於九月九日吉旦良辰，攜至蓮社要求代為說法圓頂，遂其所願，余愍其誠，爰為題取法名，李豐美外號悟志內號天成，鄭玩玲外號睿聞內號香戒，林秀鳳外號悟修內號天慧，期其立志虔修成就道業也。爰為開示曰：教主釋尊制定出家，有四：一曰離塵入道而出世俗之家，二曰依法進修而出三界之家，三曰了生脫死而出煩惱之家，四曰明心見性而出証道之家，大丈夫立志必須高遠，學道務求明心，汝於此等超凡入聖之志趣，有志進趣達成其意願否？如上教法能發心奉行否？答「能依教奉行」！既能依教奉行，聽我偈曰：

無邊煩惱今朝斷 無量法門堅志修 三寶慈恩誠報答 感盡智成出愛河

剃！

隨我發願曰：

第一刀、願斷一切惡！

第二刀、願修一切善！

第三刀、願度一切眾生同成菩提道！

為全度徒新度弟子陳清傳圓頂法語

無量劫來輪迴苦 生死總由業力牽 今世幸遇彌勒佛 願生兜率上品蓮

今有光泉寺全度法師，道場成立，信眾皈依，有陳清傳居士者，皈依其座下，發心學佛。師已為他題取法名，內號悟清，外號天傳，希望他能發心，悟得萬法無常，修得清淨佛理。將來隨佛下生娑婆，得蒙彌勒尊佛，授予菩提之記也。於今吉旦良辰，全度法師引其來到華嚴蓮社，恭請山僧為他說法圓頂。因乃問他，於師所傳之佛法儀軌，能依教奉行否？他至誠答曰：「能依教奉行！」既然如此，即說偈曰：

發心出家功德大 三世諸佛總讚歎 但能悟得真如理 超凡入聖人天敬

請隨我發願：

第一刀：願斷一切惡！

第二刀：願修一切善！

第三刀：願度一切眾生！

總願成佛道

剃！

為照光寺簡福臨居士圓頂法語

茲有簡福臨居士者，乃一生有自來的菩薩人也。他四十六年前出生於台北內湖區，本名單遜，父名水波，母號林碧專，兄弟姊妹計六人，他排行居四，七歲時父因車禍右腿殘廢，生計維艱，遷居宜蘭，經營生意維生，國小畢業，即外出工作，二十歲結婚，丈夫多病，亦做小生意度日。八十二年，佛緣成就，此時女兒都長大了，他決志學佛，出家修行。近因其師意果法師道場成就，乃乞為剃度，遂於月之廿三日，吉旦良辰，禮請成一，為之說法

圓頂，余念其誠，乃為題取起法名，內號香因外號睿証，期其能修正因得正果也，並開示曰，古德云：出家乃大丈夫之事，非將相之所能為，原因是出家要能發菩提心，上弘佛道下化眾生，勤修戒定慧，息滅貪瞋癡，必以完成大覺佛果為標的，朝虔夕惕以進，不達目的不止。汝其能依教奉行否？答：「能依教奉行！」既能依教奉行，是則為真佛子，聽吾偈曰：

既已立志入空門 即須斬除諸情根 誦經禮佛修福慧 名聞利養莫經心

剃！

隨我發願曰：

剃除鬚髮 當願眾生 永離煩惱 究竟寂滅 求請出家 當賴眾生 得不退法 心無障礙

為悟嚴仁者依止儀式法語

出家教授等 五種阿闍梨 依法不依人 是名真了義

佛言：「始度受沙彌戒，是名出家阿闍梨；受具足戒時教威儀法，是名教授阿闍梨；受具足戒時為作羯磨，是名羯磨阿闍梨；就受經乃至一日誦，是名受經阿闍梨；乃至依止住一宿，是名依止阿闍梨。故律中制定未滿五歲，或已滿五夏之愚癡者，應依止有德者，咨承法訓。」

今有善女人洪思宜者於八十九年，依台中淨嚴精舍了定比丘尼剃度；取名悟嚴。後投考華嚴蓮社，華嚴專宗佛學研究所，矢志專研華嚴大教。不料了定法師志在雲遊四方，隨緣化度，並將淨嚴精舍讓渡。悟嚴仁者因尚在求學當中，故而另尋依止，以為常住。

於是悟嚴仁者，欲依止華嚴蓮社住持明度和尚尼，即請求曰：大德一心念，我弟子悟嚴，今請大德住持明度和尚尼為依止阿闍梨。願大德為我作依止阿闍梨。我依大德故得如法住（乃至三說）。」

住持嘉許其誠，賜其法名天慈，法號仍為悟嚴。勉其學習彌勒菩薩慈悲度眾，莊嚴自性，發菩提心，立堅固願。心發則慈度眾生；願立則莊嚴佛果。雖然如是，即今慶讚依止一句，如何舉揚？即說偈曰：

背塵合覺丈夫事 依教奉行發菩提 慈悲喜捨嚴自性 三祇功圓看今朝

依！

為明玟比丘尼入籍歸宗法語

乘度徒近日遇一比丘尼來僑愛佛教講堂掛單，他的法名明玟，字號道根，他原於民國九十年依一比丘僧傳玄師剃度出家，並於九十一年十月，至日月禪寺求受具足戒。不久，其師之常住出事，師亦他住，不知所終，明汶苦失依止，來堂求住，乘度徒愍其飄泊，留其入堂暫住，並應其請求，為彼申請入籍歸宗，成一念其至誠，乃應其所請，並為更取法名，外號天雲，內號悟定，期其行雲暫定，息心修持也。並開示曰，古德有云：「出家要持戒行、戒是佛祖正令，受戒不守毘尼，徒勞傷身失命。出家要虔禮佛，消盡平生罪業，趙州二王供養，便是這個法則。出家要去聽教，不然開口亂道，胸中半字不留，佛陀開顏含笑。出家要學定力，直把私心盡絕，單單提個話頭，自然萬緣俱息。」出家人必須虔誠禮佛，以消宿業，還要勤修戒定慧三無漏學，以斷惑證真，方能得証道果。汝能依教奉行否？答曰：「能依教奉行！」既能依教奉行，聽我偈曰：

出家為轉凡成聖，必須要慚愧精進，一切不可浪費光陰，一回頭又恐沉淪。

參！

隨我發願曰：

剃除鬚髮 當願眾生 永離煩惱 究竟寂滅

四、封棺、舉火、入塔法語篇

為唐遠扶居士封棺法語

萬法本無常 三世何嘗住 唯有彌陀佛 能為作依怙

恭維

唐公遠扶居士，善根深厚，生有自來，聰慧絕倫，宅心仁恕，雖處塵勞之中，常遊名利之外，早年偶遇梵僧，慕其威儀莊嚴，由是道念滋生，發心皈依三寶。一句彌陀，常繫心地，密行堅持，孕育聖胎，清明在躬，身心自在，乃以七七高齡，安祥捨報，身無病痛，意不顛倒，淨土往生，又一明證也矣。

茲者居士遺眷，邀請山僧為之說法封棺，夫佛法者，原無可說，亦非可聽，可說可聽，即非佛法，然則，現前封棺一句，又該如何舉提呢？道：

一念不生佛國去，屈伸臂頃到蓮池！

封！

為王正先生窆窆法語

諸法從本來 原具生滅則 有生即有滅 乃無常定律

王正先生，蘇省望族之雋秀也。英年早逝，令人感傷，常情難免，苟以佛法而言，則生命之久暫，固無關緊要，人生之價值，重在能達理悟道，理達則緣生無性，長短皆屬妄計；道悟則法界圓融，念劫本自相齊，莊周一彭殤，仲尼貴聞道，三教聖賢，同一揆也。王正先生出身書香門第，且能崇奉三寶，於如是理，必然早有領略，當不斤斤於住世時間之延促也。今日其父母親人，為其設奠餞程，邀請山僧為之說法窆窆。夫法性湛然，周遍法界，直教山僧無開口處，雖然如是，即今窆窆大典，應有讚詞，乃說偈曰：

悟得無生理 自在奔前程 身心俱解脫 佛國禮慈尊

封！

為丁師母德修太夫人送往生法語

諸法因緣生 諸法因緣滅 若人悟期理 眾苦一齊息

恭維

先師母丁母席德修太夫人，生而穎異，系出名門，其先君子愛之如掌珠，傳之以詩書理法；其先太君則督修女紅，教之以中閫庶政，皆能得其規矩，嫻習自如。于歸丁氏之後，應付門戶，頗能得體統，翁姑亦均重之。及四男七女，相繼誕育，太夫人類皆躬親撫養，慈愛有加；然於課讀進退，至為嚴謹，不稍寬縱。是以除長公子不幸早殤外，其餘十位男女公子，皆能學有所成，出人頭地，其二公子景耀先生，留美攻新醫，為細菌學專家，榮獲美國醫學博士，曾應政府之召，回國在臺灣大學為客座教授講學三月，口碑良佳；二公子景源君，則紹其祖業，盡得先夫子之薪傳；四公子景順亦留美，攻電器工程學，榮獲博士學位，前途未可限量。先夫子濟萬公乃孟河名醫，自其先祖甘仁公遷居滬上之後，醫道日昌，聲譽日隆，先夫子幼承庭訓，除盡得祖傳醫道外，其於傷寒熱病，更多發明，是以每日求診者，輒千數百指，先夫子每早九時開診，必至午後三時始能離席。太夫人雖於眾多子女之教養，以及內外家事之繁鉅情形下，每餐必與先夫子共進，照顧備至，慰勞有加，故其伉儷之情彌篤，相敬如賓，為鄉黨鄰里所稱羨！迨先夫子為復興中國醫藥學術，創立上海中醫學院以及寶隆醫院之際，除診務之外，更兼校務、院務，工作益形忙碌，太夫人更能勤於輔佐之職，務使先夫子能得盡情發展其救世活人，發揚國粹之偉大事業。以故先夫子於應診，教學之際，均能悉心以赴，而中醫學院亦因之人才輩出，校譽日著。今日在臺諸同門中，如吳海峯、李樹猷、何子清、周慧仙、夏霽春、姜佐景、林彤偉等，皆學有專長之中院高材生也。成一忝列門牆，雖僅得其皮毛，然於先夫子及太夫人之教誨深恩，未敢忘也。三十五年，政府實行憲政，還政於民，先夫子被選為國民大會代表，出席大會選舉總統，常僕僕風塵於京滬道上，而太夫人之應付更繁，然從無倦情，且能面面俱到，太夫人之智慧及精力，殆非常人所能及矣。太夫人愛好自由，故於大陸易幟前夕，即助先夫子舉家遷港，三十九年春，先總統蔣公在台復行視事，及之後之兩度改選，先夫子均曾回國參加，備受在台門人及國醫藥界之歡迎。迨先夫子於三年前不幸逝世之後，太夫人乃有返國定居之打算，成一方期能得常相待奉，略盡弟子之誼，乃不幸竟以心臟病卒發，遽爾西歸，使門人輩頓失所依，抱恨終天。太夫人生平篤信佛，教善行眾多，故其生前能以廣結人緣為念，死後必然蒙佛接引往生西方。今日恭逢太夫人飭終告別之期，承諸同道要成一為夫人說幾句佛法，作為恭送往生之讚詞，太夫人深信心，理解卓越，於「諸行無常，國土危脆，四大本空，五陰非有」之佛法真理，殆早已契悟於心，毋須成一饒舌，雖然，現前這送別之詞，怎麼說呢？道：

十萬億塵本非遙，三資具足一念超 恭送夫人登雲路，極樂國中任逍遙

送林夫人薛仁長居士往生法語

四大五蘊本非真 切莫貪戀誤前程 若能悟得真常理 方是蓮華國裡人

敬維

仁長居士林母薛氏玉川女史者，宜蘭前縣長才添林公之德配也。秉賦深厚，系出名門，幼而聰穎長富才名，于歸林氏之後，倡隨之情彌深，處世謙和，接物誠真，鄉黨鄰里，競傳賢聲，語其主中饋也，事翁姑以孝，育子女以仁，嚴以克己，寬以待人，故使林公得以全心全力，服務桑梓，由頭城鎮長而縣水利會主任，進為縣議會之主席，乃及主持縣政，無不卓著政績，為地方之所敬欽。語其為教育也，早年親執教鞭於大溪國校，啟蒙諸生，更捐其私蓄三萬餘元，成立思添會財團法人，充作清寒子弟之獎學基金；語其為慈善公益事也，舉凡修橋舖路，救災濟貧，無不率先倡導，竭力盡心。臨往生前，猶以其家用節省之餘新台幣三千元交頭城鎮公所作為冬賑；語其為社會服務也，歷任頭城鎮之婦女會、鎮調解會及建設會之委員、宜蘭自衛總隊頭城婦女隊長、乃至中華婦女聯合事宜縣分會之主任，領導全縣婦女，協助地方建設，建樹良多，克儉克勤；至被選為「模範婦女」，是乃實至之名。語其對佛教之弘傳修養也，早年皈依三寶，修持謹嚴，朝暮佛課，從無間停，捐資修建寺廟，護持弘法道場，一片虔誠，願切行深，以故累被縣內信眾，選為中國佛教會臺灣省宜蘭縣支會理事，頭城念佛會監事等職，然彼不以名位自矜，唯以弘法為重，倡導正信。然則仁長居士者，其於世出世法，均能如理如法，身體力行，在佛教可謂是真佛子；在世俗可謂是巾幗完人。語云：大德者，必得其壽，居士積閏以算，已逾七十高齡；大德者，必得其後，居士五子四女，於士農商界，各有所成，居士可謂福壽全歸者矣，今值居士捨報往生，其孝眷邀山僧來為之說法餞程。夫世間無常，國土危脆，四大苦空，五陰無我，生滅變異，虛偽無主之佛法真理，居士聰明人也，殆早已契悟於心，何須山僧曉舌，重作叮嚀？

然則，即今奉送往生一句，又作麼生？道：

善根福德具因緣 高舉蓮台極樂天 一朝直入如來地 莫忘倒駕慈航船

為呂母陳太夫人封棺法語

浮生原如夢 幻質豈能堅 悟徹無生理 彈指到西天

恭維

呂母陳太夫人，蘭陽望族端正陳公之三女公子也。宿植深厚，秉賦不羣，自幼聰穎異常倫，勤學而好問，友兄妹，嫻女紅，律己嚴格，待人寬宏，端莊而賢淑，惜福而節用，賢聲傳遍鄉黨鄰里中。于歸頭城呂氏之後，主中饋之政，篤伉儷之情，相夫教子，婦道克盡，啟迪呂公，嘗以得彼內助而自矜。不幸中年喪夫，矢志守節，獨力撐其門戶，又加母兼父職，督促嗣子向學，研習祖國學識。是以台員光復之後，其哲嗣營陳先生，乃能一展其雄才之長，始自鎮代表會主席，進而鎮長，而縣議員，而縣米商公會理事長，而省米穀商聯會常務監事，而護林協會理事長，其事方如日行中天，前途未可限量，是皆太夫人德澤之流芳。太夫人篤信佛教，樂善行仁，熱心公益，濟孤恤貧，大德必壽，積閏已達九十高齡，五代同堂，真可謂福德完人。臨命終時，身無病痛，功圓果滿，異彼凡眾！佛經云：「諸行無常，是生滅法，生滅滅已，寂滅為樂。」山僧今日來此恭送太夫人往生，即以四句偈語奉贈，若也了得個中旨趣，當下即可證人無生！然則封棺一句，又怎麼說呢？道：

七寶池中添新蕊 八功德水浴聖胎 果然是個真佛子 不須叮嚀出塵埃

封！

為張若虛居士封棺法語

諸行本無常 是生滅法故 待生滅滅已 寂滅為最樂

恭維

張若虛居士者，原籍江蘇，寄籍湖南，生而有善根，常愛入寺禮佛，向和尚求問佛法，及長，亦拒談婚事。抗戰末期，學業初成，報國心切，乃毅然投筆從戎，入孫將軍麾下，以其為人機警，做事有章法，為孫將軍所識，調入官邸為參謀。來臺後，退伍從商，協助其父張少齊老居士流通佛經，歷

任覺世圖書文具社及健康書局經理，為佛教文化館負責發大藏經，頗為東初館長所倚重。智光商工職校開學後，其歸依師南亭長老特徵聘之為出納組長。未久，復為善導寺選為董事，兼管財務，以其做事負責任，重因果，所以各寺廟道場，有事莫不爭相延助，他亦樂為結緣而從不迴避。其為人慷慨好義，大抵如是，不意好人不常久，竟以五十八歲之盛年而溘然長逝，尤其堂上老父年邁而多病，膝下子女雖已長大但未成年，樑柱頓折，大廈將傾，聞之者莫不為之心酸而涕殞也。雖然佛說人命在呼吸人間，世事皆無常法，唯有証得無生之理，方始不受生死輪迴，張居士於此諒必早已有所領悟，惟願把定宗旨，直下承當，切莫拖泥帶水，耽誤前程，雖然如是，即今封棺一句，又當如何舉揚呢？道：

君本念佛人 應歸佛國去 萬般皆放下 不得懷猶豫

封！

民國七十一年九月

為張若虛居士舉火法語

張若虛居士，遊戲人間，六十寒暑，因圓果滿，撒手西歸，今日親朋道友及其眷屬，齊集火葬場，恭送往生，邀請山僧前來主持荼毗大典，即說偈曰：

一把無情火 燒却臭皮囊 從此得解脫 遨遊極樂邦

燒！

民國七十一年九月為徐恩曾居士封棺法語

世事本無常 生死如轉燭 悟取無生理 拔出陷泥足

徐恩曾居士者，有道人也，言世法，學貫中西，累膺黨國要職；竭智盡忠，儕輩莫不稱道；於佛法，顯密圓融，禮屈上師為師；福慧雙修，贊襄修藏大業。積功累德，餘慶滿堂，遐齡上壽，子孝孫賢，徐公可謂善得人生也矣！功圓果滿，安詳捨報，蓮邦雖然喜添新佛，而東土卻痛失護法，人間事，難得兩全，法如是也。居士早悟斯旨，當能正念往生，幸勿瞻顧遲疑，

耽誤前程為要！茲值孝眷為公餞程之期，尊夫人費俠委員，邀請山僧前來為公說法封棺，《法華經》云：「諸法寂滅相，不可以言宣」，是故山僧於此等處，無法曉舌。雖然如是，即今封棺一句，如何舉揚呢？乃說偈曰：

有生有滅是常理 無生無滅即菩提 一念不生諸佛現 屈伸臂頃到蓮池

封！

為杜伯軍居士送往生法語

人生朝露早警覺 三界火宅已認知 萬緣放下歸去也 解脫道中莫遲疑

杜伯軍居士者，四川灌縣人也，出生於耕讀世家，曾受文武教育。性耿直，愛讀書，任軍中財務重職有年。公私分明，有為有守，累蒙層峰嘉獎。退休後，讀書自娛，潛心內典，多所領悟，乃發心皈依三寶，禮上南下亭和尚為師，法名慧勝。服務蓮社垂二十年，處事勤奮，待人誠懇，日誦《法華·普門品》以為恆課，暇時就學佛心得，詠為詩篇，發表於佛教雜誌，並將積稿出版專業，命名蓮華，分贈蓮友結緣。居士曾患胃疾甚劇，嗣以調治得法，多年未發，方慶其健康恢復，可以頤養天年。不意三週之前，忽感不適，乃就臺大醫院急診，經醫檢查為十二指腸潰瘍，立即進行割治手術，一度失敗，詎意於再度手術後併發肝炎及敗血症，終至羣醫束手，藥石罔效，加護病房救治一週，仍屬回天乏術，遂爾安詳捨報；臨命終時，居士猶如索珠念佛，然則居士其已真得大自在矣！今者蓮社同仁及諸師友設奠公祭，恭送往生，並邀山僧說法封棺，夫法性湛然，本無可說，無說無聽，方名說法。雖然如是，即今封棺餞程一句，又怎麼生？道：

記取諸佛教 緣起畢竟空 證得如是理 天地與始終

封！

為杜伯軍居士舉火法語

有為不足恃 無為莫錯過 棄卻幻化軀 直奔真常路

杜伯軍居士，學佛有年，於無生理，早有契悟，今者塵緣既了，撒手西歸，蓮社同仁及諸師友恭送往生，雖冀覺心不昧，一切放下，進趣西方，極樂國中，敬禮慈尊去吧！

火光三昧裡 煉成法性身 不來亦不去 真空了無痕

燒！

民國七十三年三月

為法藏寺監院慧敏法師封龕法語

生自無生處生 滅向無滅處滅 生滅大夢覺了 當下自在解脫

敬維

慧敏法師者，省籍投縣陳氏右君子也。德本宿植，慧質天生，體萬物之無常，愍眾生之沈倫，英年發志，捨俗出塵，懇汐止靜修院玄光上人為雉染圓頂，隨師修學，律儀誦誦。五夏以後，負笈東瀛，入名古屋曹洞宗之警策禪林，以參以學，唯精唯勤，教通性相，理達上乘。學成回國，服務祖庭，令德既修，光明難掩，未幾榮膺法藏監院之聘。四四年春，月眉山靈泉寺傳千佛戒，乃依智律師，乞求圓具，民五十年贊襄慧光住持，重新法藏古寺，夙夜辛勤，卓著成績。隨後出任太虛、法藏兩佛學院之董事長，致力僧教育之推展，物力人力，貢獻良多。唯師生平道心堅固，願力宏深，雖獻身於多種佛教事業，從不攘利爭名，持戒謹嚴，以時禪修，持尊勝咒以為恆課，數十年中，曾未間斷。故雖年近古稀，而健康逾恆，實乃內修功深，有以致之也。不期略示微疾，遽爾入滅，彼固功圓果滿，無所遺憾，教團難免為才悼惜！今者寺主慧光暨兩序師友，為之餞程，行告別禮，邀請山僧說法封龕，第念慧敏法師宗說俱通，行持得力，於生滅無常緣起性空之清淨妙理，早已悟達無疑，何須山僧多所嘖舌？雖然如是，則今餞程封龕一句，又作麼生？道：

生死如作夢 涅槃等空華 真妄皆不住 就路以還家

封！

民國七十四年二月

為許振江居士封棺法語

四大本不實 五蘊亦非堅 了達無常理 自見性中天

敬維

許公振江居士者，籍隸台灣屏東。系出望族，生而聰穎異常兒，為父母族人所鍾愛，啟蒙教育結束後，東渡日本，入商業學校深造，以優異成績卒業。時值日本戰敗，台省光復，乃束裝回國，與陳夫人完婚後，旋入台灣糖業公司屏東廠任人事室股長，將其所學參與祖國建設。以其工作表現傑出，嘗蒙上級長官嘉獎。居士生公子三人，長博明，三英皆學有專長，成家立業；次公子英俊，宿根深厚，依華嚴蓮社成一和尚座下，出家學佛，法名隆度，三年掩關刻意清修，旋為華嚴蓮社聘為副寺。居士亦以適齡退休，息影林泉，蒔花念佛，貽養天年。詎意突發中風之症，醫藥罔效，以六六歲高年，撒手西歸！其夫人公子及諸親屬假市立第一殯儀館，為之餞程告別，邀請山僧說法封棺，乃說偈曰：

塵緣既了心水淨 打點前程莫遲疑 一念不生歸極樂 屈伸臂頃到蓮池

封！

民國七十四年三月

為朱鐸民居士封棺法語

生是眾緣聚合 死乃四大分張 澈悟無生真理 處處都是西方

敬維

朱公鏡宙鐸民居士，道行堅固人也。世系浙之樂清望族，天生異秉，學貫儒釋，善根夙植，早歲習禪，皈依虛雲和尚，法號寬鏡，國學大師章太炎，嘉其高志，以女公子妻之。弁冠之年，即主杭州天鐘報，鼓吹革命，嗣更掌上海民信，北京民蘇，星洲國民等報筆政。立言報國，先總統蔣公誓師北伐，公投筆從戎，追隨帳前。國家統一後，任甘陝省府委員兼掌財政，頗

著政聲，抗戰期間，轉任川康地區稅務局長，革弊興利，轉虧為盈。大陸易幟，隨政府來臺，行政院聘為設計委員，公則感世局之艱難，乃無意於仕途，虔心課佛，祈解劫運，痛共黨之毀像焚經，倡組臺灣印經會，流通法寶，出任中國佛教會理事，累獻重建大陸佛教之嘉謨。公餘之暇，精研教典，錄其心得，出版專書，計有《八大人覺經述記》，《五乘佛法與中國文化》，《維摩室賸語》，《論地藏經是佛對在家弟子之遺教》等，類皆引經據典。深入淺出，頗能接引初機，隆興三寶，自利利他，功德難量。公雖課佛研經，著書立說，然其憂時愛國之心，不遜他人，於其《夢痕記》中所著〈其命維新〉，〈年老人愈熱〉，〈常懷千載憂〉諸篇。實為其愛國心聲之全然流露。然則公之革命精神，殆始終未稍懈也。

公生公子男振威，公子女人嫻，皆學有專長，卓著成就；孫男四人，先後留美，學工學商，成績斐然，孫曾繁衍，瓜瓞綿綿，如公者可謂善得人生也矣！茲以期頤之年，安祥捨報，孝子賢孫，依禮飭終，諸親道友，集會餞程，並邀山僧，說法封棺，夫諸法實相，不可言宣，一念不生，即名為佛，公於斯理，諒早契悟。雖然如是，即今頌德封棺，焉可無言表達？即說偈曰：

莫謂西方路遙遠 發心時即成佛時 一念不生歸極樂 屈伸臂頃到蓮池

封！

為朱鐸民居士舉火法語

朱公鏡宙鐸民居士，生有自來，夙植德本，福慧雙修，行願湛深，百年人生，遊戲三昧，功圓果滿，撒手西歸。今日親朋道友，及其善眷人等，臨火葬場，恭送往生，邀請山僧，主持荼毗大典，乃舉火說偈曰：

性空真火 性火真空 心融妙理 佛國歸宗

燒！

民國七十四年十一月

為王恩堪居士封棺法語

有為說生死 無為即涅槃 生死與涅槃 二俱不可得

恭維

王公恩堪能居士，再來人也。其祖籍山東濟南，世代以武術名。洪楊亂後，寄籍南京市，世居水西門。祖父輩皆服公職，詩禮傳家。居士東南大學畢業後，供職稅務機關，旋入軍政部交通處服務。抗戰軍興，負責軍糈營運；南京撤退時，督運軍政部交通處文件三大卡車，間關至長沙，艱苦倍嚐！勝利後，以中校軍階，轉入臺灣省公路局運輸處服務，達二十餘年。省交通營運績效日著，居士負責籌劃，與有功焉。限齡退休後，放下萬緣，專志念佛，求生淨土。其學佛基礎，早年得於其姑母。聞居士髫齡時，其姑母即授以《金剛經》，命其日誦一句，終至全部熟背，遂以為恆課。來臺後，居士曾歸華嚴蓮社南亭和尚，法名觀能。和尚以其本名恩堪，許其堪能修學佛法，利益羣生也。居士德配史氏，生二男一女，孫男孫女各一，皆留美國，未及奔喪，亦憾事也。所幸居士學佛有年，妙悟在心，斯等俗緣，殆早忘情矣。今居士以八十高齡，略示微疾，撒手塵寰，念佛聲中，安祥捨報，必然蒙佛接引，高居蓮邦也矣。茲者居士生前蓮友羣集殯館，敬為居士設奠餞程，並邀山僧法說封棺。夫人生如幻，四大本空，了達緣起無生，即證法性真常。斯之理趣，觀能居士諒早澈悟，何須山僧饒舌？雖然如是，即今封棺一句，如何舉揚？道：

悟得人生如幻 圓證法性真常 如今黏解縛脫 從此遨遊四方

封！

民國七十五年五月

為李球慧嚴居士寺棺法語

世間諸法皆無常 唯有真如不變遷 行人悟得緣生理 西方佛國在眼前

敬維

李球居士，道中人也。自幼奉佛，終生不懈。雖處世俗，心常在道，然於俗請，亦至圓融，孝事翁姑，慈育子女。尤以勤儉傳統，助夫開創事業，

為鄰里仰慕，作鄉黨典範。於慈善公業，總率先倡導，對救孤恤貧，亦從不後人。歸依三寶之後，正式成為佛徒，以念佛為恆課，修布施結善緣，擁護道場，莊嚴法會，福慧雙修，行解並重。以是影響，家庭佛化，子孫賢孝，人所稱羨！及至年事已高，行持人仍不稍緩。今屆九秩上壽，自知世緣將了，終於念佛聲中，安祥捨報。可謂預知時至，道侶同欽！茲者親族善眷、師友芳鄰，為之告別餞程，邀請山僧，說法封棺。夫四大本空，五蘊非有，萬法緣生，亦屬緣滅。居士於此等處，諒必早有契悟，何須山僧饒舌？雖然如是，即今讚頌餞程一句，如何舉揚？即說偈曰：

正行助行兩圓成 往生資糧已具足 因心果覺相契合 上品上生極樂國

封！

民國七十八年六月

為李陳金枝居士封棺法語

諸法無生相 亦復無滅相 生滅相俱無 是為真實相

敬維

李陳金枝居士者，菩薩再來人也。善根深厚，宿植德本，名門望族以降誕，秀麗本質自天生，聰慧穎悟，迥異羣論。于歸李氏，佳偶天成，主持中饋，事理分明。以孝事翁姑，親手作羹湯，相夫並教子，賢淑有義方，敦親睦鄰遵古道，救孤恤貧功德彰，內助有德有能，夫婿發展工商，兒女既有成就，門牆顯然增光。爰乃立志學道，早晚誦經焚香；歸依三寶念佛、好事當仁不讓。功成名就，兒孫滿堂，雖年近八十，而健康如常。《華嚴經》云：「此人善得勝壽命，此人善來人中生，此人不久當成就，如彼普賢菩薩行。」李居士有之矣。然而生必有滅，法爾常然。居士應世，豈獨不然？乃於數月之前，預知時至，益加精勤，課佛不輟。世緣既盡，撒手西歸，五月一日，安祥捨報。今者孝眷親友，涓吉餞程，邀請山僧，說法封棺。夫萬法無常，四大本空，居士於此真理，諒必早有契悟。然則即今餞程封棺一句，如何舉揚呢？即說偈曰：

念佛修心養聖胎 功圓果滿出塵埃 今朝送君西方去 乘願及早再回來

封！

民國七十八年八月

為張正揮居士封棺法語

世事本無常 生死如轉燭 悟得無生理 彈指登樂國

李夫人張正揮居士者，三湘之名門淑女也。幼承庭訓，知書達理，出身自治女校，尤擅新學，歸李氏後，相夫教子，為賢內助。其夫君李樂堯先生飽學之士，抗戰期間，曾任河西地方首長，為顧念民艱，不惜棄官，李夫人助解民困，嘗傾囊輸將，縣民視李氏夫婦如萬家生佛。來臺後，李先生服務於正中書局，文化報國；李夫人則躬主家事，倍極劬勞。感念大陸同胞的困局，愀然心傷，乃發菩提心，皈依三寶，祈求佛力佑我中華，早復神州，出民水火，由是茹素課佛，倍加精進，凡佛門興辦之慈善救濟事業，輒率先響應，遇有機緣，常以感應故事勸人學佛，由其勸發入道者幾近千人，積功累累，嘗蒙中國佛教頒狀獎勵，今夏旅美，忽感不適，歸而就醫，藥石罔效，終于十一月二日安祥捨報。佛說世間無常，國土危脆，四大皆空，五蘊無我，張居士於此等處，應當早有領悟，無須山僧饒舌，張居士遺蜕，今日火化，其德眷邀余說法、封棺，即說偈曰：

正行助行皆得力 功圓果滿佛國歸 一念不生諸佛現 屈伸臂頃到蓮池

封！

為張正揮居士舉火法語

李夫人、張正揮居士，再來人也，遊戲人間，隨緣攝化，自利利人，功圓果滿，今日撒手，示現無常，親朋道友，及其眷屬，於火葬場，恭送往生，並邀山僧前來主持荼毗大典，即說偈曰：

曾向佛前種善根 今得為人勤修行 世法佛法皆如法 樂邦又添新道人

燒！

為達宏尼法師封棺法語

生時欣慶死時悲 生死道中苦輪迴 仁者勤修出世法 乃將生滅付劫灰

釋達宏者，張人云居士出後之法名也。以其圓頂未久，是以道中人唯知有張人云，而鮮知有達宏師也。張居士到華嚴蓮社拜佛、參加共修法會、有年矣。她為人非常慈悲，時常發心供養三寶，與僧俗同修結緣。尤喜印行大乘經典及佛菩薩聖相，送人讀誦、供養。至於放生、濟貧等善事，她也特別熱心，嘗為價贖一雙即將就戮的大海龜而到處奔走，直至湊足價款，讓那隻大約一百多斤的大海龜重回到牠的海洋故鄉，張居士才頓然鬆了一口氣。有一次她要重印大字精裝本的《妙法蓮華經》，要我幫她找一本好的範本，大約跑了兩三次蓮社，才達成了心願。待至印成之後，她又不辭辛勞地擔著沈重的經本，一處一處地送人。我不禁為她那為法忘倦的精神所感動！

大約三年前，中國佛教會為籌建佛教大學，假臨濟寺傳授三壇大戒，張居士特來告訴我說，她要出家了。並說，她已請得妙廣法師做她的剃度師父，將來受戒之後，可能進住陽明山東方寺，專誠修道。我當時很為她發心出家，感到高興！曾當面祝福她說：「你已善得人生，善得上乘，善得明師，善得勝緣，善得修行處，善得上品戒，善修福慧德，善圓菩提果，善淨諸佛土，善度諸眾生。」她聽了，非常歡喜！

後來，臨濟寺戒期圓滿後，即未再見其道影，直到最近一星期前，接到一通電話，說是達宏法師俗家人打來的。電話中人告訴我說：達宏已圓寂了，臨終遺言要成一法師為她說法送往生。我突然聽到這一噩耗，心中不免一陣酸楚，因為住世才六十六年，走得太快了。繼思她能走得如此清明，顯然修德有功。乃應其家人所請，今天來到靈前相送。然而封棺的一句話，要怎麼說呢？即說偈曰：

無量煩惱苦相隨 西方得路急急歸 雙圓福慧憑願力 嚴土熟生莫忘懷

封！

民國七十九年一月

為宜蘭縣林故縣長才添先生封棺法語

生前一世稱雋彥 死後千秋著盛名 願憑丈夫凌雲志 為國再來作干城

恭維

臺灣省、宜蘭故縣長，林公才添先生，不世出之賢哲也。其祖籍福建漳州，世居宜蘭頭城，乃望族之苗裔。先生天縱英才，幼即聰穎異常兒。雖值日據時代，無法深造，然先生刻苦力學，考取公學教師資格，執教鞭於頭城公學，為教育鄉子弟而奉獻心力。臺灣光復後，復結業於陽明山之實踐研究院，仰慕國父之革命思想，堅其為國盡忠之志願，乃決心從政。先後當選為頭城鎮長、縣田水利會主任委員、縣議會議長、宜蘭縣第四屆民選縣長、十字會宜蘭支會會長、中國國民黨臺灣省委員會評議委員、臺灣地方自治協會常務理事、私立復興工商專科學校董事長等政教要職。其於縣長任內，為建設縣政貢獻良多，造福地方，口碑載道，縣民奉之為萬家生佛。

先生祖傳篤信佛教。其元配夫人薛玉川女士曾禮山僧，歸依三寶，法名仁長，襄贊先生興辦慈善公益事業，救孤恤貧，不遺餘力。先生生公子男五人，長、三、四男皆已仙逝，次男義祐、五男義剛皆卓然有成；女公子四人，皆賢淑有致，男女公子皆已成家立業，競振家聲，集內外孫男女等，合眷逾八十人。綜觀先生一生，福澤桑梓，功在黨國，兒孫滿堂，勛業顯彰！今值八七高齡，以微疾而示現無常，真可謂福壽全歸者也。茲者先生孝眷親友為之設奠餞程，邀請山僧為之說法封棺。

夫法性空寂，非可言宣。若依法相，則萬有緣生，無常變幻，亦難得其真實體性。蓋生者有滅，聖者說故。先生於此等理，諒能契入。若然，則凡軀雖謝，而聖胎已成。從此，常寂光中永恆自在，極樂世界任君遨遊矣。雖然如是，即今餞程封棺一句，又作麼生道呢？即說偈曰：

仲冬寒霜既降 陽春煙景當來 虔禮世尊上蓮台 樂邦逍遙常自在

封！

民國七十九年一月

為陳故代表式銳居士封棺法語

生是乘願而來 死乃寄志以去 既念國運興隆 復祈眾生得度

恭維

陳故代表，式銳居士，乘願再來之大菩薩人也，設籍福建同安，出生詩、書世家，天賦獨特，慧冠羣童。先後就讀福州協大及廈門大學，總以優異成績完成高等畢業。隨為政、學、新聞各界所爭聘，出任縣國民黨部主任委員、集美高級商職校長，廈門華僑日報主筆等要職，以其橫溢之才華，所事皆著卓越之成績。尤其於掌理廈門市府社會行政時，集訓全市人民團體，支持政府抵禦外侮，日本浪人稱先生為廈門之靈魂。廈門為五口通商港口之一，外商於南洋華僑之貨運船票，極盡壟斷剝削之能事。先生起而交涉，並提解決之道，為英總領事馬丁所拒。先生被迫，領導廈市朝野採不合作手段，予以周旋，馬虜終為所屈。先生榮獲國民政府嘉勉焉。

抗戰期間，先生投筆從戎，應徵赴緬，配合盟軍作戰，積功擢昇，階同陸軍少將。獲頒雲麾、光華、勝利勳章。勝利後，政府還都南京，膺選首屆國民大會代表，出任閩省新聞處長。政府遷台後，先生潛心研究臺灣經濟，發行財經月刊。以其心得擬出財經改進方案，提供政府採行奠定臺灣經濟奇蹟基礎，曾蒙今總統李登輝先生賞識。所著《臺灣經濟》一書，亦為美國務院所珍藏。先生亦曾以所學，教授中興、淡江諸生，亦曾應聘馬來西亞政府，助其發展農業經濟，使馬國之棕油成為重要出口物資。先生六十年退休後，定居美國，受聘為僑務委員，並加入美國共和黨為黨員，為雷根總統之智囊。中美關係始終和諧，先生與有功焉。七十九年國民大會第八次集會選舉正副總統，先生返國出席，並參加全球僑務會議，獻替良多。不意，竟以右腦血管阻塞症，導致體力衰竭，於五月三十一日安祥往生。其德配李綺青夫人出身中央大學，結婚六十年，今春適值金婚紀念。先生事業之成功，夫人為莫大之助力。夫婦感情契合，世難與比。膝下三子一女。長子嘉定，美國理化博士，任職美勞部，為衛生官；次子漢輝，臺大土木工程學士，從事建築業；三子昌朗，美國德瑞士大學畢業，發展商業。三位媳婦，皆受高等教育，女公子澄然亦學有專長。孫及孫女一十三人，多雋彥賢淑。先生功成名就，兒孫滿堂，可謂善得人生也矣。尤可貴者，先生晚年歸依三寶，於出世道亦多成就，然則先生其為福慧具足之菩薩人，信有徵焉。今者其孝眷親友為其舉行餞程告別儀式，並邀山僧說法封棺。夫四大本空，國土危脆，人生朝露，樂少苦多。佛陀說法，教人覺悟，早日出離苦海娑婆。此等道理，

居士諒必早有所悟，何需山僧饒舌？雖然如是，即今封棺餞程一句，應作麼生？即說偈曰：

無量劫來生死苦 祇緣煩惱覆本真 南柯一覺浮生夢 西方極樂禮慈尊

封！

民國七十九年七月

陳故代表式銳居士舉火法語

性空真火 性火真空 空有無礙 安住其中

恭維

陳故代表，式銳居士，世緣已了，安祥捨報。今其眷屬親友，恭送往生，邀請山僧，說法舉火。即說偈曰：

有佛處不可住 無佛處急走過 是善是惡全拋 莫蹉跎誤了歸去路

燒！

民國七十九年一月

為陳奇仁居士封棺法語

生時喜氣洋溢 死到悲感滿腔 生死惱人無量劫 唯佛能解此繩纏

陳奇居士者，有道人也。祖籍山東濟寧，出身書香門第，完成高等學業，獻身桑梓工作。來臺後，服務於省交通部門，任職於鐵路局重要機構，心勤不懈，守時守分，累獲上司嘉勉！元配夫人陳氏瓊紅，秉性賢淑，秀外慧中，敦親睦鄰，相夫教子，普為鄉里之所稱道。育公子男二人，長曰德厚，次曰德仁，皆學有專長；女公子一人，閨名德慧，完成專業教育，服務房地產業，處事靈敏，頗受主事者倚重。居士家庭幸福，事業成功，可謂善得人生也矣！退休後，家居讀書，蒔花自娛。兩年前以風疾傷腿，不良於行，乃發心歸依三寶，虔修慧業，成一為題法名仁壽，期其修佛陀仁慈大

道，誕登無量壽城也！不期於上月之杪，風疾轉劇，竟至不起，哲人其萎，痛哉！今者，其人親友舉行告別儀式，並邀成一為之說法封棺。夫法性真常，原無生滅，有生滅者，乃其假相耳。居士若能於此等理悟得真切，定必仗佛慈力，接引西方，功圓果滿，分身十方，廣化無量諸眾生矣。雖然如是，即今餞程封棺一句，如何舉揚？即說偈曰：

一念靈知常一昧 萬劫生死一時休 圓滿人生歸極樂 千華臺上禮彌陀

封！

民國七十九年六月

為故國大代表龔少俠先生封棺法語

佛示無常理 揭開人生夢 生滅皆隨緣 來去談笑中

恭維

故國民大會代表，龔少俠先生，廣東省海南望族之苗裔也。先生天賦異秉，懷大志，沉潛力學，不輕言笑。民國初年，軍閥割據，列強虎視，梟雄弄權，國事凋瘵，民生凋敝，幸有國父孫中山先生領導國民革命，創立黃埔軍校，特任蔣中正先生為校長，勩力培養革命基幹。先生時在廣州進修，聞風激發愛國情操，毅然考入黃埔為第一期之高材生；卒業後，參加棉湖北伐諸戰役，累建奇功，七七事變抗日軍興，先生追隨政府西遷，奉派出掌貴陽監察處，嗣調廣東東緝私處長，昆明警察局長等職，備極辛勞，卓著成績，累蒙層峯獎勉。勝利後，政府還都南京，積極復建，先生奉派出任廣東行轅第二處處長，香港站站長等要職，頗多建樹。民三十六，政府決心推行憲政，選舉國民大會代表，先生以高票當選為樂會縣代表，其為鄉民愛戴之情，可見一斑；而其一生對國家之貢獻，亦頗令人欽敬；先生之德配韋雲仙夫人，系出廣西名門，出身廣州女子師範，為人賢淑坦城，篤信佛教，皈依華嚴社南亭上人。平素相夫教子，樂善好施，向為閭里之所尊敬，而其對先生事業之幫助，亦素為親友所稱道！

夫人生公子男正漢，娶媳趙瑞燕女士，公子女正全、正蘭，皆學有專長，事業成就，先生年屆耄耋，夫婦恩愛，兒孫滿堂，實乃人間福星！不期

入春以來，竟以微疾安詳捨報，雖曰福壽全歸，不免「哲人其萎」之痛！令其孝眷遵禮成服，先行小殮，另行擇吉發喪開弔，特邀山僧說法封棺，先生宿植深厚，智慧過人，於四大本空，五蘊非有，以及那人生如寄，生必有滅之理，應早有所悟，不待拙衲饒舌。雖然如是，即今封棺祝願一句，如何舉揚？即說偈曰：

福壽全歸 善得人身 隨佛西去 九品上生

封！

民國八十年五月

為李林雪月仁覺居士封棺法語

七寶池中蓮吐香 水流風動樂嘹亮 極樂國土相莊嚴 為迎行人禮法王

敬維

李母林太夫人，諱雪月，法名仁覺，再來人也。宿植深厚，宅心仁慈，及笄之年，來歸李氏，為繼室。於元配所遺之眾多子女，疼愛一如己出，同時贊助夫君，開創事業，內外兼顧，備極辛勞，凡事逆來順受，從無怨言，致令夫君事業，卓然有成，兒女輩亦均受良好教育，人各學有專長，成為社會中堅，凡此業績，仁覺居士相夫教子之功不可沒也。由是子女輩亦從不以繼母待之，致令閤家和樂融融！閭里間莫不敬焉羨焉！中年後，家庭繁瑣略減，乃思充實其精神生活，民國四十五年春，鎮上佛教徒成立念佛會，禮請成一駐會領導，仁覺居士為有力護法之一，未幾發心皈依三寶，法名仁覺，於念佛聽經之中，佛慧頓開，布施持戒，行菩薩道，會中蓮友，敬之如菩薩，受之若慈母；其於佛法修行之成就，人罕能及者，仁覺居士者，可謂女中之豪傑也。

居士身體素健，少有病痛，蓋誠心奉佛，樂善好施之善報也；本月初旬，忽感不適，終于月之八日安祥捨報，往生淨土。今者其哲嗣順明、順陞，女公子阿蕉等謹遵佛制，擇吉於月之二十日舉行告別式，邀請山僧說法封棺。夫佛法者，心法也，心體常住，遍周法界，眾生悟之，即如如佛；若也迷之，則成生死；吾人之所以流轉六苦者，迷失此心之故也。居士早悟佛

乘，於生死事，知所解脫，一心代佛，求生西方，花開見佛，頓悟真常。雖然如是，即今告別封棺一句，如何舉揚？即說偈曰：

放下萬緣念彌陀 西方路上好進修 一心不亂歸極樂 佛光接引出娑婆

封！

民國八十年七月

為牟朱文芬居士封棺法語

娑婆世界苦 生死最難堪 佛有救苦法 來去任君參

牟朱文分居士者再來人也、宿植深厚、秉賦聰明、賢淑有致、勤奮不羣、接物寬厚、守己篤誠、孝事父母、凡百謹慎、研習女紅、維美維精。賢聲遠播、多方爭聘、緣歸牟氏、鏗君中屏、唱隨協調、中饋獨撐、相夫教子、敦倫守分、人間仙侶、和樂融融、中年喪夫、天妒賢能、頓遭大故、五內俱焚、幸具定慧、處變不驚、祭葬以禮、大事完成。撫育孤幼、教導有方、四男三女、學有專長、工商教育、服務家邦、成家立業、兒孫滿堂。子女自立、稍息仔肩、皈依三寶、培養性天、寡居守節、三十三年。篤志堅貞、茹苦含辛、居士一生、先苦後甜。方期頤養、忽感微恙、一心念佛、志切西方、塵緣既盡、捨報安詳、合家孝眷、依制餞行。擇吉今朝、恭送往生、邀請山僧、說法誦經。佛經垂誠、人生無常、虔修淨土、信願資糧、西方三聖、接引慈航、靈兮不昧、隨願生方、花開見佛、早悟真常！雖然如是、即今封棺一句，如何舉揚？即說偈曰

一生為人有道 多世深植善根 信願修行淨土 九品蓮臺往生

封！

民國八十年十二月

為歐陽懷善居士封棺法語

諸行本無常 先生如轉燭 悟得無生理 頓超安養國

敬維

歐陽母陳蕊太夫人，法名懷善，夙植德本，秉賦不凡。幼讀漢學詩書，並受日本教育，及莽之年，于歸歐陽氏，為照卿先生佳偶，育男女公子六人，皆高等教育，學有專長，如今各自家成業立，頭角崢嶸。懷善居士，相夫教子功不可沒！懷善居士善根深厚，信奉佛乘，持菩薩戒，樂善好施，救孤恤貧，以慈悲心腸，做菩薩功德，救人之急，濟人之危，親友齊聲稱道，鄰里一致頌揚，乃於民國七十四年，膺選為全國模範母親，實至名歸，要非虛譽。然則懷善居士者，可謂善得人生也矣。懷善居士身體素弱，晚年時苦體力不濟，經作健康檢查，竟患慢性腎衰之症，纏綿三載，時好時壞。及至年初，病情轉劇，雖經台大醫院救治，無奈感冒併發，終於九月三日安祥捨報，享年七十有二，兒女隨侍在側，念佛八小時，恭送往生。今者孝眷親友，集會餞程告別，邀請山僧，說法封棺！夫人生如夢，幻質匪堅，四大本空，五蘊非有，生者有滅，聖者說故，懷善居士學佛有年，於此等處，定早了悟，雖然如是，即今封棺讚頌一句，如何舉揚？即說偈曰：

皈依三寶修佛乘 福慧具足非等閒 因圓果滿歸去也 成佛作祖一念間

封！

民國八十一年三月

為歐陽懷善居士舉火法語

浮生如夢 幻質非堅 性空真火 送往西天

歐陽懷善居士，宿植深厚之再來人也！幼讀詩書，長持家業，模範母親，表揚盛德，兒女六人，成家立業，皈依三寶、勤修淨業，樂善好施，鄰里歎德，福壽全歸，神歸極樂！兒女送別，佛號悠揚，山僧說法，舉火安葬，即說偈曰：

三界無安 不可久留 不作凡想 不作聖求 三昧火中且作安身處！

燒！

民國八十一年四月

為瑞芳弘明寺開山仁達和尚封龕法語

仁者發心修佛法 達情通理一高僧 智入三世空色相 果登十地度有情

恭維

傳臨濟正宗，弘明寺開山等一代祖師，上仁下達智果老和尚，俗姓簡氏，為雙溪地方望族、世代務農，忠孝傳家。和尚誕生於民國前四年戊申十月十三日，善根深厚，秉賦不凡，持家有道，待人以禮，樂聞佛法，皈依三寶；以普金長老為師，助師興建聖南寺弘揚佛教，苦行念餘載，更披荆於道源和尚門下，四十八年春就白聖律師圓具，道業益加精進。八年後又率徒眾披荆斬棘，開山瑞芳弘明寺，積極展開弘法工作。為端正社會風氣，曾數度傳授在家菩薩戒，及以佛學夏令營，其弘法利生精神實不讓於時賢也。仁公平素固勤於護國衛教事業，然其棲心淨土，專志念佛功夫，曾不稍怠，受其感召而披荆於座下之徒子法孫輩不下半百數，類皆蒙其栽培，卓然有成。其徒宏哲、彌光二師、其孫慈盈、慈圓、慈融等諸師，莫不弘化一方度眾無數，仁公功德，雖以盡述，其果菩薩再來之人歟？仁公一向刻苦清修，忽於營養，近年來愈覺體力日衰，不堪操勞；迨本年初，預知時至，於常住事務交代清楚，未完工程囑續完成外，並囑寂後五十三日出殯安葬後，即一心念佛，準備前程，乃於春正月念四日午後，在徒眾念佛聲中，安祥入滅，世壽八十有五，僧臘卅五冬，戒臘三十三夏，仁公可謂善得勝者也。今其法眷遵囑涓吉於古三月十七日，假本常住為其舉行讚頌奉安法會，並約南山蓮公，靈泉晴公及成一主禮說法。夫法性湛然，非可言宣，可說示者，即為非法，仁公長老於此等處必早有省悟，何須我等饒舌，雖然如是，即今讚頌奉安一句，如何舉揚？即說偈曰：

示蹟人間八五年 利生弘法績斐然 如今道圓功德滿 撒手還歸涅槃天

封！

民國八十一年三月

為瑞芳弘明寺開山仁達和尚起龕法語偈

平時修行功夫好 今朝起程莫遲疑 一念不生超極樂 屈伸臂頃到蓮池

起！

民國八十一年三月

為瑞芳弘明寺開山仁達和尚舉火法語

三界無安不可住 極樂清涼有歸舟 放下萬緣登雲路 九蓮台畔禮彌陀

恭維

傳臨濟正宗，宏明堂上，開山第一代祖師，仁達智果老和尚早年皈依佛教，助其師普興長老興建聖南寺，專修苦行二十餘載，更依道源和尚披剃出家，復投白聖律師圓具足戒。嗣又率諸徒眾開山興建宏明寺，傳在家戒，辦夏令營，淨化社會，功在國家，今者功圓果滿，撒手西歸，法眷道侶，依禮荼毗，邀請山僧，說法舉火，即說偈曰：

有佛處不可住，無佛處急走過； 此時若能堅持，不難成佛作祖！

燒！

民國八十一年三月

為簡正義居士封棺法語

生時一家樂 死時眾人悲 死生自然事 悲樂兩俱非

簡正義居士者，道中人也，有大善根，出生佛教家庭，有大智慧，書畫皆自成；有大志氣，不作名利爭逐；有大福報，妻賢子女具足。有大功德，皈依勤修淨業，居士可謂善得人生也矣。雖嫌美中不足者，病魔早侵，英年溘逝，未能展其才略，未能酬其壯志耳。語其才略也，原足以貢獻國家，服務桑梓，惜時機未至，乃寄志以終；語其壯志也，曾預期護持佛法，進修佛乘，痛二豎不義，臥病未匝月即遽爾西逝，嗚呼痛哉！正義居士之逝也，國家折其棟樑，佛門損一金湯，余驟聞其噩耗，心痛難以自持，曾竟日不欲言，徹夜難眠也！良以其業未鞏固，兒女尚幼小，其妻又柔弱難任艱巨，今而後其家計之維持，定必困厄重重，子女教養之責任，實苦無所付託，唯望其諸姑叔伯輩，能予以扶持照顧，俾正義居士能安心西去也。今者正義居士

往生之二七日，其遺眷親友假高雄醫學院附屬醫院禮堂，為其舉行錢程告別儀式，邀請山僧為之說法封棺，夫浮生如夢，幻質匪堅，四大本空，五蘊非有，正義居士汝其會得也麼？如其未然，聽吾偈曰：

皈依三寶為佛子 信願念佛應未忘 一心不亂蒙佛引 九蓮台畔禮法王

封！

民國八十一年五月

為張茂盛居士封棺法語

人間生死苦糾纏 皆因多劫業力牽 但能一心念彌陀 離苦得樂往西天

茲有張公茂盛居士者，宿具善根之有道人。世居台島，商賈傳家，光復後，國民政府遷台，以三七五減租，實施耕者有其田政策，改善農民生計。嗣又發展工業，繁榮社會經濟，張居士乃以其雄厚資本，商業經驗，投入國家建設，每獲政府之獎勵！晚年更設分支商務機構於新加坡，菲律賓等處，協助僑界發展經濟。我旅星、菲僑胞，廣受其惠，口碑佳甚！居士計生男公子七人，女公子三人，皆受高等教育，事業各有成就，一門雋彥，令人仰慕。其賢內助陳蔡二氏，皆出名門，而富修養，相夫教子，克盡厥職。致使張公專心事業，而無後顧之憂，其事業之成就，家庭之美滿，非偶然也！張居士體力素健，少病少惱，雖年登期頤，猶精神矍鑠，然則，張居士者，可謂善得人生也矣！今者，張居士以八十高齡，捨報西歸，其孝眷親友，於六月六日假華嚴蓮社，設奠家祭、恭送往生。邀請山僧，說法封棺！夫浮生如夢，幻質匪堅，四大本空，五蘊非有，居士於此等處，期能有所悟入，則神棲安養，花開見佛，從此永脫輪迴，直至菩提！雖然如是，即今封棺一句，如何舉揚？即說偈曰：

無邊生死從此斷 無量法門從此修 靈兮不昧生極樂 九蓮台前禮彌陀

封！

民國八十一年六月

為王徐寶桂居士封棺法語

朔風起兮黃葉飛 萬物凋零感傷悲 行人信願歸極樂 接引導師有慈舟

茲有佛弟子徐寶桂居士者，再來人也。生而聰穎，秉性仁慈，尤其善根深厚，熱愛佛法。平日於相夫教子，家事餘暇，輒喜入寺禮佛，聽經聞法，以執持阿彌陀佛、觀世音菩薩聖號，為其恆課。一心求生西方極樂淨土。正行之餘，尤重助行。布施修福，救孤恤貧，為慈濟功德會會員；皈依廣欽禪師。是以佛門善舉，每多參與，弘利工作，從不後人。地方公益，往往領頭倡辦。發菩提心，不由他教；修菩薩道，篤志力行。一以莊嚴佛土，成就眾生，為其修行鵠的！非夙植德本者，能如是？居士之夫君，王祖銘先生，為社會名流，與居士伉儷相愛，鸞鶼情深。其所育男公子增男，女公子增慧，皆學有專長，家成業立。幸福家庭，和樂融融！寶桂居士者，可謂善得人生也矣。特惜天不憐愁，竟以癌疾不起，而於月之五日，安祥捨報！今者，其孝眷親友，假北市第二殯儀館，為之設奠錢程，邀請山僧，說法封棺，夫四大本空，五蘊非有，國土危脆，亦非久常。蓋因緣生法，法爾如是。寶桂居士學佛有年，於此等處，諒早有所悟也。如今報緣既盡，宜應隨願往生，親覲彌陀，證無生忍！回入娑婆，廣度有情！異香滿室，天樂盈空，佛已來接，居士行矣！聽我偈曰：

三界無安莫戀戀 西方淨土急起來 豁然悟得無生理 九蓮台畔禮彌陀

封！

為林母高夫人心誠居士封棺法語

因緣所生法 佛說即是空 空中亦有色 空色體性同

諸佛出世，第一大事，即欲眾生，開示悟入佛之知見。佛之知見為何？了悟世間萬事萬法，概屬因緣所生，而無獨立自性，眾生佛性平等，人人皆可成佛是也。因緣者，可釋為條件，即說明諸法生起，本無一定主宰，唯仗其必備之條件而生，世間一切，宇宙萬有，諸緣具備即生，諸緣分散即滅，法之本身，無有能為主宰之實性，此即萬法緣生無性之自然法則。譬如人之身體，即結合四大五蘊而成，四大者，地、水、火、風也，五蘊者，色、

受、想、行、識也，色及地、水、火、風，物質法也；受、想、行、識者，精神法也，人生宇宙，皆含攝於此精神、物質九字之中，人之身體屬諸法之一，自亦為因緣法則所支配，明乎此，則人之生也，固無可喜，而其死也，亦無可悲！林母高夫人心誠居士，夙具善根之善女人也，雖無特別之修行，但有堅定之信仰，皈依三寶，誠心念佛，臨命終時，感應顯著，是誠不可多得之真佛子也。今其孝眷親友，為之設奠餞程，謹遵佛制，恭送往生，邀請山僧，說法封棺。《智度論》云：佛法大海，信為能入，智為能度。心誠居士，既具淨信，又得佛智，佛之知見既開，往生淨土必矣！雖然如是，即今餞程封棺一句，如何舉揚？即說偈曰：

信智兩具足 佛知見已開 直上菩提路 樂邦禮如來

封！

民國八十一年六月

為唐化鯉先生封棺法語

生死如幻夢 涅槃等空華 悟得無生理 就路即還家

敬維

唐化鯉先生者，生有自來之人也。祖籍河北鹽山，為當地望族。幼失怙，撫育於其外祖母劉氏。先生天性孝友，聰穎好學，有過目不忘天生秉賦。雖生逢戰時，猶能於顛沛流離中完成高等學業。曾供職於省經濟部門，發揮其所學，頗著成績。七七事變，抗日軍興，先生激於愛國熱忱，毅然投筆從戎。中央政府遷都重慶之前夕，與獻縣名媛馬竹綺女士結為連理。從此勞燕共飛，矢志報國，豪情奮發，累建奇功！大陸易幟後，隨政府來台，仍效力軍旅，幸與寶眷重聚，亦天意也。四十六年退軍職，中高考，轉任文職於交通部，發揮其經濟長才。十八年中，建樹良多，其配馬夫人，賢淑有才智，為唐君生一子三女，皆受良好教育，學有專長而家成業立，馬夫人相夫教子，主持中饋。亦使先生得以專心志業，而無後顧之憂，馬夫人功不可沒！先生志行高潔，學德俱尊，夫婦相愛，兒女賢孝，一家和順，其樂融融！先生可善得人生也矣！七十年，先生退休後，讀書自娛，以其恬談自持，身體亦素健朗。不意於本年四月下旬，突患腦幹中風，臥床月餘，終致

不起，於六月五日，安祥捨報。享年七十有六。哲人萎謝，親友咸悲！乃於月之廿六日，假市立第一殯儀館，為之舉行告別儀式，邀請山僧，說法封棺。佛說：四大本空，五蘊非有，萬法緣生，生即有滅，先生熟讀經史，於此等理，諒早有所悟。雖然如是，即今封棺一句，如何舉揚？即說偈曰：

一生熟讀經史 必然理達事明 今朝歸真捨妄 極樂蓮花化生

封！

民國八十一年六月

為鄭仁福徒送往生封棺法語

五蘊色身原無我 四大假合本來空 悟得萬法緣生理 即入真常法性中

恭維

張鄭查某仁福居士，系出名門，秀外慧中，天性仁慈，篤信佛教，以大父無男子，乃贅入張姓婿，夫妻情篤，雖憾無息。爰引夫兄之子張亭，乃弟之兒鄭輝三皆為暝蛉，疼愛之如己出，撫育之胥成人。特惜夫婿不祿，遂堅守節，皈依三寶，法名仁福，棲心淨土，求願往生，佛門緣事竭誠奉獻，自身享用，極其儉樸，人皆譽之為模範居士焉。今者，其兩位公子，皆已成家立業，兒女成行，鴻圖大展，如日中天，正乃仁福居士含飴弄孫，頤養天年之日也。何期二豎不情，病魔肆虐，三月困頓，一旦撒手，兒痛失慈親，佛門中，少一護法，誠令人不勝涕而神傷也！佛說人生無常，國土危脆，五蘊非有，四大本空，唯有一心念佛，淨土往生，悟得無生之理，方入不退之境。居士念佛有素，聞法多年，於此等處，諒必早有領悟，不須山僧多所饒舌，雖然如是，即今封棺一句，又作麼生？道：

正助二行已建立 隨願往生正其時 萬緣放下登雲路 屈伸臂頃到蓮池

封！

為善導寺雲霞和尚封龕法語

諸法無生相 亦復無滅相 生滅隨緣現 自性無來去

恭維

善導堂上，圓寂故前任住持，雲霞和尚，再來人也。垂迹江蘇如臬，出生崔氏望族，現丈夫身，出家學道，禮邑之首刹定慧寺性容上人為師，祝髮出塵，法名法雨，外號雲霞。就南京華山隆昌寺妙柔和尚乞具，圓滿戒品。曾進焦山佛學院學法，親近智光長老；又入上海佛學院深造，參學超塵上人，學業成就，心地開朗。得法於姑蘇圓通寺紹三方丈，住持三載，建樹頗多。為避兵亂，飛錫來台。往來於十普寺、靈泉寺等刹，隨緣攝化。繼至善導寺服務，久住有緣，由清眾升至堂頭。修大雄寶殿、建慈恩樓；辛勤奔走，向政府爭取寺地發還，完成立法贈與手續。大功德事也！繼而創兒童苑，澤及孤雛；設獎學金，嘉惠學子；充實太虛圖書館，成立歷史藝術館，發揚佛教學術文化；嗣又分其餘緒，海外弘法。助印海法師創法印寺於洛杉磯，成立華嚴蓮社於聖荷西！亦承隨喜！連任善導丈席，前後十年。迨殿宇翻新，制度建立，乃毅然引退！自是放下一切，悠遊自在！嘗自喻為閒雲野鶴，以自練心。不意去秋以來，時感不適；延至年底，病終發作；經醫診察，斷為腎上腺癌，且及肝腦；住院兩月，醫藥罔效。至新年正月念一，安祥捨報！和尚住世七十三年，曾共竹林佛聲長老度一徒，法號志德，皈依弟子難計其數。和尚一生，道業事功，皆著成績，為眾欽仰！一旦示寂，四眾同悲！今善導寺董事會妙然主席、住持了中方丈，率兩序大眾，暨諸道友，謹擇於陽曆三月七日，假市立第二殯儀館，為之舉行封龕、茶毗，餞程儀式，邀約山僧主禮說法。夫四大本空，五蘊非有，佛有遺教，師必瞭然。唯然如是，即今封龕一句，如何舉揚呢？即說偈曰：

秉持悲願來茲土 真俗融通度迷情 功圓果滿萬德具 常寂光土證金身

封！

起龕頌詞

生時百花開放 死時萬物凋零 藉生死以警覺迷夢 捨迷途而淨土往生

恭維

善導堂上圓寂前任住持雲霞和尚，大心菩薩，示現受生，弘揚法化，廣度有情，功德圓滿，乘願往生，合寺大眾，道友鄉親，齊集殯館，設齋餞程，

諸緣放下，直奔前程！緣熟再來，普度眾生！雲大和尚，請了！

起！

茶毗頌詞 浮生如夢 幻質匪堅 生滅無常 是大苦聚

恭維！

善導堂上，前住持，雲霞和尚，大權示現之人也。童真入道，飽參飽覺，住持善導十年，建立不凡功勳！平素隨方攝化，度人無數！功圓德具，撒手入滅！其殆以生死作佛事也！今者，善導寺常住妙然董事長、了中住持、兩序大眾及諸道友，齊集市立第二殯儀館，為師餞程、茶毘，邀請山僧說法舉火。

即說偈曰：

人之有苦為有身 倘無此身即真人 為師點起性空火 燒卻幻身證法身

燒！

安靈頌詞

古德有言：有佛處，不可住；無佛處，急走過。雲大和尚今證無生，請於無住法中，不住而住！安！

為善導寺妙然和尚起龕法語

諸法非生滅 亦後無來去 一切皆幻妄 法又何可說

敬維

善導堂上故董事長妙然和尚，化緣已了，妄盡還源，撒手塵寰，重返寂光，今日師之生前相識、諸山長老、護法居士、善信男女、眾弟子等，雲集本寺，大雄寶殿，敬備香齋，獻供餞程，邀約山野，代表說法，以壯行色，故於無可說中，且說偈曰：

大權示現七六年 苦海慈航耕悲田 功圓果滿今歸去 寂光雖好莫流連

起！

為妙釋寺住持殊度尼師封龕法語

驚聞娑羅樹泛白 古刹失主最傷神 兩處伽蓋待興復 那堪遽折堂頭僧

敬維

傳南山正宗妙釋堂上圓寂住持殊度和尚尼，菩薩示現再來人也。生於宜蘭頭城農家，俗姓王，名鳳蘭，畢業於日式高等女校，心性仁慈，聰穎過人。及笄後，以無兄弟，父母為招贅林氏子為婿，生二男曰林鎮宗、王桂城（從母姓也），二女曰林杏娥、杏菊，皆嫁取成家。師四十五年禮成一為師，皈依三寶，法名明郁。五十年至華嚴蓮社依成一剃度出家，法名了智號殊度。次年至慈雲寺受沙彌戒，隨佛學院學法，畢業後應師命至大溪僑愛佛教講堂服務，五十四年至苗栗法雲寺圓具後，仍回僑愛聽成一講《淨土三經》等經論。三年後應頭城蓮光寺聘任住寺，修葺殿宇，裝塑佛相，領眾共修，法務日盛！服務縣佛教會，當選常務理事，應羅東弘願蓮社聘任導師，推動弘法利生工作，應礁溪妙釋寺聘任為住持，修殿宇、裝金身、建僧房、美庭院、造蓮池觀音、莊嚴道場、舖柏油通道，便以行人、領眾共修，古刹重新。師於八十年秋，受成公長老傳南山宗法，為泰州古光孝律寺為十八世傳人。方期修建山門、天王等殿，不意積勞成疾，連年臥病，體力日衰，至今年四月十二日，安祥示寂。師友聞訊，同聲悼惜！爰訂於月之十二日假本寺大殿，舉行讚頌獻供大典，邊請山僧說法封龕，夫四大危脆，五蘊非常，生者有滅，諸佛說故！殊師學法精深，於此等處，諒必了然，雖然如是，即今讚頌封龕一句，如何舉揚呢？即說偈曰：

諸行無常 是生滅法 生滅滅已 寂滅為樂

封！

為覺賢比丘尼封棺法語

萬物有生滅 真如不變遷 證得無生理 佛國罔計年

茲有圓寂比丘尼覺賢法師者，佛緣深厚之再來人也。人間因緣，他於民國元年九月初旬，出生李氏旺族，閨名金葉，成年後，于歸范氏，夫號雨淋。齒德具尊，鄉里尊重。生獨子枝全，亦具善根，福慧兩足，學業成就，服務商界，頗有聲望。覺師早年入佛，家事餘暇，常至寺院勞作義工，以培福德。致蒙佛佑，家道隆昌。民國七十六年，枝全先生，購得福地一方，創建佛寺，同時立出塵，修菩薩業，禮華嚴蓮社成一為師，法名全度。隨後，覺師亦以家事責任有所負託，遂於七十七年，祝髮為尼，以成一為師，法名覺賢。從此依時修持，精進不懈，早晚課誦，從未間斷。今以九秩高齡，於本（九十）年農曆七月五日，安祥捨報，覺師住世整九十年。結果無疾而終，決定轉往他方佛土，普度有緣眾生去也。綜觀覺師一生，道業圓備，功德週隆！謹訂於國曆九月十一日吉旦良辰，假市立第二殯儀館，獻供餞程。禮請山僧之說法封棺，茲用華嚴普賢行願品義，錄其偈語，而讚之曰：

此人善得勝壽命 此人善來人中生 此人不久當成就 如彼普賢菩薩行

封！

為宏明寺覺慧和尚尼封龕法語

諸法因緣生 緣生即無生 悟得無生理 寂滅常現前

敬維

傳臨濟正宗弘明堂上開山第一代圓寂比丘尼覺慧大師，菩薩根性之非常人也。生於台灣台北縣雙溪鄉農村，天性穎悟，智明不凡，常隨其母禮佛，仁慈不殺生靈，壯年皈依三寶，常愛聽聞佛法，受持《金剛》、《彌陀》二經，以為恆課。民國四十五年春，投台北市十普寺白聖和尚座下，乞求剃度，和尚念其至誠發心，允其所請，為取法名覺慧，外號明福，期其開覺佛慧，以自度度人也。嗣於四十八年春，圓具於十普寺，戒和尚亦即剃度師白公長老，因緣殊勝。隨後即於戒常住學戒聽經，從聞思修入三摩地。道業基礎，建立而後。亟思建道場，弘正法，廣度有緣，利益眾生。乃於五十六年夏，率眾弟子於瑞芳鎮之後山，覓得山地一片，開山平地，創建弘法道場，曰：宏明寺。歷時二十九年，刻苦經營，規模粗具，信眾日多。擇吉落成開光，展開弘法利生工作。佛光遍照一方，功德不可思議。

覺慧和尚尼體力素健，加之禪修功深，精進不懈。進入老年之後，時苦腳跟無力，又加常患感冒，以致體力日衰。今年四月上旬，一跤摔斷腿骨，雖經治癒，僧臘得四十一春，戒臘三十八夏，其高足弟子宏哲、彌光法師，及信徒代表簡敏豪、謝秀梅居士等。謹遵佛制，擇吉於月之念三日，獻供茶毘。邀約山野，說法封龕。即說偈曰：

師本菩薩再來人 示迹娑婆度眾生 功圓果滿今歸去 留有芳型利有情

封！

為弘明寺慈定比丘尼封龕法語

念浮生之若夢 嘆幻質之匪堅 唯丈佛陀慈力 了此痛苦輪迴

茲有瑞芳鎮弘明封圓寂比丘尼慈定法師，宿具善根，秉賦異常，籍隸台南，俗姓王氏，幼小聰明能讀書，卒業於高級職校，曾任某大公司會計有年，業績優異，頗受主管倚重，學佛因緣成熟，投瑞芳名刹弘明寺，依宏哲上人易服出家；並考入十方叢林書院，鑽研內典，以優等成績畢業，留院任助教年餘，因病返披剃常住休養。七十三年，健康恢復，依台北臨濟禪寺白聖律師，受具足戒，旋奉師祖仁達長老召回祖庭，助理擴建工程。未久，舊疾復作，經醫診斷為癌症，乃遍訪名醫，探求良藥，以是頑疾，時愈時作，遂一心念佛，虔懺宿障，期能輕減痛苦，帶病延年。迨至年初，其師祖仁公示寂，悲痛逾恒，病情以是加劇，群醫束手，藥石罔效，終於國曆五月一日，在念佛聲中安祥捨報，隨佛往生。得年僅三十有八，英年早逝，教失良才，消息傳出，師友輩同聲哀悼！其師宏哲上人率諸師兄弟等，涓吉於五月八日假大慈講堂，為依佛制告別茶毘，邊請山僧說法封龕，舉火。佛說：諸行無常，是生滅法，生滅滅已，寂滅為樂。慈定法師，學法有年，於此等處，定有所悟，如其未然，聽我偈曰：

無量劫來生死苦 總由不覺起無明 今朝悟得無生理 跳出牢籠任自由

封！

為姬泰安居士封棺法語

諸法因緣生 諸法因緣滅 緣生無自性 了悟得解脫

恭維

姬泰安居士者，深具善根之再來人也。降迹於河南姬氏望族，傳承彼耕讀世家事業，年十六歲，以國民革命軍在蔣校長領導下進行北伐聖戰，居士激於愛國熱忱，毅然投筆從戎，參與統一國家之大業。以其思想新穎，工作勤奮，頗獲長官之獎掖，積功累升至陸軍通信兵部隊通信兵中校科長，屆齡退役後，被選為僑愛新村村長，自治會會長，僑愛里里長等職，為地方軍眷服務。因念及村中缺少佛堂，乃發心籌建，並聯合村中信佛長者居士李振翊、潘元愷、李惠方、李振武等五人，共同在王鳳德居士引介下，發心歸依台北華嚴蓮社南亭長老，成一大和尚座下，並請二公出而領導，購地造屋，三數年間，僑愛佛教講堂，宣告成立，從此每逢朔望，皆由成師主持做消災會，每週六做念佛會，隨宜宣講佛法，村內村外眾信徒，有所念佛共修，聽經聞法之佛堂，莫不歡欣萬分，法喜充滿。居士公餘之暇，亦偕其夫人陳桂珍居士隨喜結緣。佛光能以普照僑愛，皆居士當初熱心推動之功德。姬夫人生男公子一，表字新文，亦繼承父志，服務軍旅，官至空軍某部中校科長。女公子新蘭，適沈，亦事業有成。孫男明宇，孫女明潔，皆聰明伶俐，好學知上進。居士事業成功，婚姻美滿，兒孫賢孝，克紹箕裘，可謂福壽雙全，圓滿人生，具大福報者也。

居士身體素健，前年起發現心律不整，兼高血壓，進出醫院，多能康復，今年二月忽患中風，行動不便，住院復健，方期痊癒，不意於三月二十七日凌晨，安詳捨報，住世七十有七載，將軍謝世，袍澤同悲，佛門僧信，尤痛大德，慈者其親戚道友，於桃園市立殯儀館，為之舉行飾終告別儀式，邀山野說法封棺。居士學佛有年，於四大無常、五蘊非有之佛理，早有心得，何待山野饒舌？雖然如是，即今封棺一句，如何舉揚？即說偈曰：

無量劫來生死本 多因業力苦糾纏 如今悟得性空理 佛國圓證上品蓮

封！

為王鳳德慧和居士封棺法語

佛說三界如幻化 縱使涅槃亦非真 仁能悟達無生理 常寂光中禮慈尊

敬維

故護法王鳳德慧和居士，宿植深厚之再來人也。出生山東王氏望族，畢業北平中國大學，曾任河北省政府科長，新疆省稅務局長，南京總統府秘書。來台後歷任戰略顧問委員會戰略委員，警備總部監察官等要職，供職文武機關，莫不盡忠職守，因之累著佳猷，而蒙上峰獎譽。六十七年，屆齡退休，與其德配孫丕貞大夫，經營婦產科診所，以醫道濟世，夫婦同時皈依三寶，禮華嚴蓮社南亭和尚為三皈本師，研修佛法，護持佛教，福慧雙修，精進不懈，蓮社之弘法救濟工作，無役不與。四十八年冬，介紹成一至僑愛新村與軍眷結緣，促成僑愛佛教講堂之創立，使村中善信，修佛有所，功德難思！婦聯一村之弘法，千百善信，皈依三寶，結緣甚深！受聘主持花園新城社區之開闢，提高居民生活品質，散播菩提正法種子，植福深廣！平素居家，於贊助孫大夫之診務外，服務鄰里，亦不忘介紹佛教，度人眾多，人皆稱其為現代維摩，非虛譽也。居士為人耿直，嘗以監察職務，與權貴相抗衡，廉政譽滿軍旅，德行傳遍士林，良有以也。居士之德配孫丕貞居士，法名慧鳴，醫學湛深，服務鐵路醫院有年，佛心仙手，濟世活人，向為識者所稱道！其女公子妙華居士，東床李文傑先生，皆學現代科技，服務生產機構，貢獻所學，負責盡職，同為上司所倚重，皆受慧和慧鳴二居士之優良庭訓，有以致之也。居士壽與佛齊，悲智雙圓，可謂善得人生，善得壽命也矣。茲值孝眷道友，集會餞程，恭送往生之期，邀約山野，主持上供說法，夫萬法緣生，無常無主，生者有滅，聖說如是。居士學佛有年，早悟佛乘，於此等處，諒必了然，毋須山野饒舌，然則恭送往生，不能無言，且說偈曰：

諸法緣生本無常 生滅來去不足奇 居士且請登雲路 莫忘再來作佛事

封！

為李灶枝居士封棺法語

虛妄有生滅 真如不變遷 悟得無生理 隨佛往西天

今有李灶枝居士者，夙具善根之再來人也。台北市士林望族之苗裔。天賦異秉，幼懷大志，勤儉好學，力求上進。事父母有孝心，處鄰里能謙讓。

成年之後，得林玉緞夫人為賢內助，乃能專心事業，服務桑梓，不爭名，不攘利，重傳統，遵古訓，嚴以律己，寬以待人，得道多助，事功大成，貢獻社會，報效國家。居士虔奉佛教，素具慈心，樂善好施，救孤恤貧，至德君子，感格天心。公子清波，英俊聰明，克紹箕裘，家聲丕振，迎娶林氏，素蘭千金，夫唱婦隨，一室溫馨。居士德厚，善得人生，壽登期頤，體力康強，含飴弄孫，念佛上香，信願精進，感應道交，忽示微恙，安祥捨報，道友雲集，助念往生。今者孝眷、親友，假第一殯儀館舉行祭典，告別錢程，邀請山僧說法封棺。夫四大本空，五蘊非有，緣生幻質，虛妄無主。居士學佛有年，於此等事理，諒早有所悟。果然如是，即今封棺告別一句，如何舉揚呢？即說偈曰：

無邊生死今朝結 無上佛果他日圓 放下萬緣西方法 九蓮台上禮彌陀

封！

為賈臨杰先生封棺法語

萬法因緣生 有生斯有滅 唯有法性身 不生亦不滅

賈臨杰先生者，才藝出眾之優秀青年也。籍隸甘肅慶昌。幼失恃，賴寡母掬養成人，高職業，服兵役，秉持庭訓，效忠國家，執行命令，表現優異，曾蒙長官，敘獎表揚；退役後，入餐飲業謀發展，親主庖廚，調和鼎鼐，未幾即揚聲業界。先生曾不以此為滿足，更遠渡重洋，介紹中華美食技藝於海外，頗為我僑胞所推崇。閱二載，遄返祖國，供職北市之慶昌公司，此端為就便侍奉慈母之故也。先生秉性忠厚，操持嚴謹，孝事至母，友愛手足，待人誠信，任事盡責。值此英年，方期大展抱負，發揮長才，獻身社會，報效國家。不意病魔侵襲，竟至不起，遺髮妻楊書文女士，愛女淳閔小姐，於痛苦深淵，造物弄人，至於斯極，何不仁乃爾？佛說：人生是一大苦聚，信有徵矣。今者，其孝眷親友，齊集市立第二殯儀館，為之舉行告別儀式。邀請山僧，說法封棺。夫因緣生法，性非堅牢；生則有滅，聖者說故。諸佛興世，端為救度眾生，出生死苦，得涅槃樂。眾生若能依法修行，一心念佛，則出苦可期也。先生聰明過人，於此等真理，亦能有所領悟也乎？若猶未也，聽我偈曰：

人生萬般不如意 皆由妄念起禍胎 今朝悟得無生法 極樂國中上金階

封！

為謝榮松居士封棺法語

人生本如寄 彈指一生間 諸般皆幻滅 靈性自往還

今有謝榮松居士者，台灣省嘉義縣人也。幼年聰明異常兒，長而勤學知上進，學業成就後，入嘉義市自來水公司第五管理處供職，直至屆齡退休，未嘗他離，其敬業恆心，令人欽敬！其善與人處之德行亦非常人所及。其德配翁麗雪夫人，賢淑有令德，秀外而慧中，生公子男宗偉，公子女錦鶯、玉芸，皆學有專長，除玉芸出家學佛外，餘皆成家立業，服務社會，卓著成績。居士一門和樂善得人生，平素生活秩序井然有致，殊少疾苦，篤信佛教，深明因果，廉潔自守，人所欽敬。不意於五月初旬，勸人尊重佛聖，遭致反擊，誤傷致命，撒手西歸，其亦償宿命債之業報歟？茲者其孝眷親友假市立第二殯儀館為之舉行告別儀式，邀請山僧為之說法封棺，夫生死輪轉，善惡報應，一皆因果，然業因間雜，重者先牽；若著善緣，重報亦可輕受；榮松居士之不幸遭遇，未嘗非此等理數所導引也。果然如是，則居士之宿債已償，往生淨土可期矣。居士靈知不昧，聽我偈曰：

業果連連苦糾纏 幸得此身能參禪 重報輕受宿債了 從此逍遙往西天

封！

為李陳明里居士封棺法語

生時春花怒放 死刻秋月潛輝 世事原本無常 正念隨佛西歸

李陳明里居士者，宿植深厚，秉賦不凡，出生名門望族，為人聰明伶俐。幼時家境不裕，未能多受教育，然其自學功深，處世謙遜合度。于歸邱氏之後，敦親睦鄰，勤儉持家，育男女公子各二人，皆使接受高等教育。致令人各學有專長，服務社會，報效國家。居士教導有方之明徵歟？居士素信佛教，樂善好施，慈心濟世，救孤恤貧，令德懿行，鄉里推崇，子孫孝賢，一門歡樂，居士可謂善得人生矣。居士身體素健，生活正本，唯以操勞過

度，引起肝功欠良，以致日形消瘦，終於今年三月卅一日捨報西歸。今者孝眷親友，集會市立第一殯儀館，舉行餞程先別儀式，邀請山僧說法封棺，夫佛法者，心法也，心生則種種法生，心滅則種種法滅，吾人由于無始無明妄動，煽動染心，以致起惑造業，輪轉生死，受苦無量！今者，幸得人身，又聞佛法，依法修行，斷其妄念，逆流還滅，無明戡破，法身顯現，曠劫殊勳，今日圓成，居士有善根人，於此等理，尚能體也末？若也尚有猶預未決者，聽我偈曰：

一念妄種起生滅 諸緣摒息悟真如

封！

為金江玉英居士封棺法語

諸法從本來，常自寂滅相； 悟得真如理，佛國把名揚。

金江玉英居士者，宿具善根之道中人也。出生於浙江省溫嶺縣之江氏望族，幼而岐嶷，長而好學，聰明伶俐，秀外慧中。年二十三，來歸金氏，伉儷情深，患難與共，勤儉持家，相夫教子，事翁姑能孝，處鄰里以賢。居士出公子男二數，公子女三人，皆受良好教育，服務社會，敬業樂群，致令其夫君，得以專心志業，報效國家，然則居士一門和樂，鄉里稱羨，可謂善得人生也矣！

尤其居士一心奉佛，樂善好施，皈依三寶，法名仁傑，奉行十善，惠施貧患，大陸親友，常予惠助，施不望報，慈心濟世，不欲人知。堂上供奉，西方三聖，念佛誦經，日有恒課，組團念佛，助人往生，親屬家人，感恩不盡，然則居士實乃自行利他之菩薩行人也。居士勤於修持，不辭辛苦，終致積勞成疾，以六十三歲，溘然長逝，消息傳出，親友同悲！居士殆以虛妄色身，遲早當謝，虔修功德，助長菩提為得計歟？若然，居士之智行悲願，又豈常人所能知者！

今者，其孝眷親友，集會市立第二殯儀館，舉行餞程告別儀式，邀請山僧為之說法封棺，佛說四大本空，五蘊非有，國土危脆，虛幻無主，世間萬法，緣聚則生，緣散則滅，唯有證悟無生，方能了脫生死，居士學佛有年，

智悟不凡，於此等理，諒能悟入。雖然如是，即今餞程封棺一句，如何舉揚？即說偈曰：

無量劫來苦糾纏，生死總由業力牽； 今朝悟得無生法，皈依彌陀世尊前。

封！

為林黃灼居士封棺法語

四大本性空 五陰亦非有 人生今圓滿 念佛生淨土

林母黃灼老居士者，宿植深厚之再來人也。出生台北望族，秉持高尚志節，于歸林氏，伉儷情深，相夫教子，敦親睦鄰，育公子男五，公子女二，皆受良好教育，服務社會，卓著業績，老居士教導有方之成就也。老居士虔奉佛教，樂善好施，熱心公益，廣結善緣，親友誦德，鄰里推崇，老居士壽登期頤，一門餘慶，兒孫滿堂，如樂融融，可謂善得人生也矣。

老居士勤儉持家，身體素健，不意於本（八二）年八月初旬，忽感心臟衰竭，延醫施治，藥石罔效，乃於月之十二日，安祥捨報，極樂往生。今者，其孝眷親友，集會於市立第二殯儀館，設奠家祭，餞程告別，邀請山僧，說法封棺。

夫佛法者，心法也，若人悟得此心之真如實相，即能了生死苦，得涅槃樂，若人迷昧此心，隨順煩惱，妄想用事，則生死輪迴，無有了期。此所以佛陀降跡，說法救世度人，要人參悟，明心見性也。老居士奉佛有素，於此尊處，會得也麼？若猶未也，聽我偈曰：

虛妄有生滅 真如不變遷 悟得無生理 隨佛往西天

封！

為吳浩源居士封棺法語

諸法從緣起 自性無生滅 悟得無生理 清淨法身現

恭維

吳居士浩源道友者，善根深厚之再來人也。出生滬上吳氏望族，接受時代科技教育，是即嶄露其菩薩精神，與彼儕輩迥異其趣者也。夫菩薩發心，有其二致：一曰莊嚴佛土，二曰成就眾生。觀夫居士所學所為，於此二致，若合符節，蓋居士所學香精化工，為化妝品、清淨劑之頂尖科學，得德人納克氏之真傳，隨市場需要而發揮，由滬而粵而港而台，以美琪、瑪利二廠，生產推銷得法，竟執台灣香業之牛耳。使國家經濟賴以繁榮，民生得以改善。居士先任台灣區肥皂清潔劑工業同業公會常務理事，協調財稅機關，爭得貨物稅之合理計算方式，以是被推為該公會理事長。嗣又歷任台灣區日用衛生化學品工業同業公會、工商協進會、僑資車業協進會、中央獅子會等團體之常務理事、理監事，推動工商業發展，造福國家社會，凡此皆莊嚴佛土之具體表現也。居士處事嚴謹，待人寬厚，事父母以孝以敬，待妻子以愛以慈，與夫人吳長華居士，同為極虔誠之佛教徒，夫人治家有道，教子有力，俯仰之間，恪守分寸，使先生能以人脈暢通，於事業具莫大助益。其賢伉儷尤熱心於佛教教育事業，蓮社為紀念其皈依師父，創辦智光商工職校於永和，居士以當時該校苦無出入通道，乃慨捐巨資，購入當門通路土地，今日九層大樓之大門部分基地，即其布施之功德，此即成就眾生之菩薩行也。謂其為菩薩再來，信有徵矣。吳居士既已具足行菩薩道矣，則其已具菩薩之大智，其於人生如幻，萬法無常之佛法真理，殆早已了然明白於心，則其今之示現往生，又將捨此土既圓之功果，趣他方待度之眾生、待淨之佛土也。然則於居士之非生現生，非滅現滅之大機大用，唯有敬仰之、讚歎之而已矣。未可作常人之生死觀也。雖然如是，即今錢程封棺一句，又怎麼生道呢？即說偈曰：

機熟菩薩降靈 功圓大士隱退 嚴土熟生隨心 生滅去來自在

封！

為蔡陳福殊居士封棺法語

有生有滅為常理 無生無滅即菩提 萬緣放下快歸去 解脫道中達蓮池

蔡母陳太夫人出生於台北，其後于歸蔡氏於高雄，夫君從事營建事業，蔡母以夫業為重，相夫教子，持家勤儉，為賢內助，育有二男二女，皆受高等教育。長女嫁於黃家，婿現任職於美國阿拉巴馬州，州立大學醫院；長子

任職於美國德州，亞細亞化學公司；次女嫁翁家，婿任職於中鼎工程公司；次子克紹父職，從事營建事業，任職於豪強營造公司。

蔡母一心奉佛，樂善好施，皈依三寶，法名福殊，生活規律，奉行十善，晚年身體欠佳，行動略顯不便，乃每日早晚虔誠禮拜，至心懺悔，不意於本年九月九日，安祥捨報，享年七十。

今者其孝眷親友，集會市立第二殯儀館，舉行餞程，告別儀式。禮請山僧，說法封棺，夫四大本空，五蘊非有，國土危脆，生滅無主，乃佛陀昭示吾人，人生生滅之至理，居士其能領悟也未？若猶未也，聽吾偈曰：

世間多憂苦 生死復熾然 悟得緣生理 一心歸極樂

封！

為劉際飛居士封棺法語

生是業因招感 死乃緣盡捨報 生滅緣起性空 斯為佛陀正法

今有劉際飛居士者，河北省安新縣望族之苗裔，誕生於民國三年夏曆元月二十七日。幼年聰明異常兒，長知勤學有大志，弱冠成年遊學滬上，入復旦大學，攻經濟學系，以優等成績畢業後，旋入中央銀行工作，盡忠職守，公而忘私，嘗以優績為主管敘獎。三十八年隨政府來台後，續留央行服務，南京同事，泰半星散，居士則始終不離崗位，其為長官倚界之重可見一斑。居士信奉佛教，常以慈悲胸懷待人接物，其在台夫人，穆舜英女士，為虔誠之佛教徒，皈依南亭長老，修學華嚴大法，法名本能，樂好施，慈心廣佈，護法功深。居士育有男女公子六人，皆學業成就，家庭美滿，內外孫輩十有八人，皆聰明伶俐，居士兒孫繞膝，年登期頤，可謂善得人生也矣。居士體力素健，忽染癌疾，經醫施治，藥效不彰，於本（八二）年元月廿六日安祥捨報於三軍總醫院，享年八十，親友聞訊，同聲悼惜！今者教眷親友集會市立第二殯儀館至忠廳，為之舉行餞終告別祭典，禮請山僧，說法封棺，夫浮生如夢，幼質匪堅，生有有滅，佛所說故，居士課佛有年，於斯等理，諒早有所悟，既然如是，收拾前程，西方去也。聽我送別偈曰：

八十年中人間遊 酸甜苦辣味如何 而今悟得性空理 極樂國中禮彌陀

封！

為陳劉松老居士封棺法語

佛說無生法 為度生滅人 若人悟斯理 即證法性身

敬維

陳劉松老居士，砌植深厚之再來人也。生而聰穎，長而賢淑，秉承母訓，嚴守禮教，來歸陳氏，伉儷情深，事翁姑以孝敬，處夫婿以真誠，相夫教子，敦親睦鄰，敬老尊賢，夙著賢聲。居士生男公子六、女公子七人，類皆學有專長，立業成家，和樂融融，服務社會，頭角崢嶸。居士一家皆奉佛教，多以慈悲待人，熱心公益，樂善好施，功德厚積，福樂盈門。皆居士愛心感召之業績也。居士曾於民國五十、六十兩年，先後當選模範母親，榮獲政府頒獎表揚，居士身體素健，雖年登九一上壽，亦尚精神矍鑠，健步康強。不意入夏以後，忽感不適，經送醫院診治，藥效不彰，其子女孫輩，悉心照顧，親侍湯藥，期其早日康復，怎奈天年既盡，終以腸胃微疾，撒手西歸。親友聞訃，莫不痛悼不已也！今者，其孝眷親友，假北市第一殯儀館景行廳，為之舉行餞程告別儀式，邀請山僧說法封棺，夫生者有滅，聖者說故。居士奉佛有年，於此真理，定有所悟，然則，即今封棺一句，如何說呢？

居士善得此人身 福壽雙全世競稱 今朝解脫生死苦 極樂國中禮至尊

封！

為馬宜法居士封棺法語

諸法因緣生 諸法因緣滅 我佛大沙門 常作如是說

我大恩教主，釋迦世尊，成佛之初，曾於華嚴會上慨然言曰：「奇哉！奇哉！大地一切眾生，莫不具有如來智慧德相，但因妄想執著，而不能證得；若也，破除妄想，放棄執著，則一切智、道種智、一切種智，即得現前。」觀乎此，則吾人之生死大事，皆緣無明妄想，分別執著，起貪瞋痴、造殺盜淫等業因而來！生死之根由已得，若欲斷生死流，脫輪迴苦，其道云

何？佛法《法華經》上，又開示道：「佛為一大事因緣，出現於世。為令眾生，開示悟入，佛之知見。」可知出苦之道，亦至明顯。前曰：眾生以妄想執著而感苦果，在一迷字肇禍；今示出苦之道，為開示入佛之知見。重在一覺字。佛者學也，以此覺悟昔非今是之心，轉迷成覺，則諸惡莫作，眾善奉行，因圓果滿，誕登覺岸，則無邊生死斷，無上佛果成矣！今為馬宜法先生，往生告別之期，邀約山僧，說法封棺，然則馬宜法先生，於如上所示佛法大義，其能了然否耶？若猶未也，聽我偈曰：

生滅起於無明妄執 寂滅春在返妄歸真 尊靈若也如是會得 十方佛土立現金身

封！

為林李秀清仁淨居士封棺法語

一念不覺妄心動 無邊生死苦輪迴 今生幸得蒙佛度 誠求接引上金階

林李秀清仁淨居士者，深具善根之再來人也。出生南市望族，秉賦高尚志節，以門戶相當，于歸林氏，夫君終身從事教育工作，歷任中學校長，省教育廳督學等要職，居士以夫業為重，主持中饋，相夫教子，為賢內助。一家和樂，里鄰艷羨。不幸兒女尚在幼年，夫君即告棄世，居士獨撐門戶，茹苦含辛，使一對兒女完成高等學業，公子男耀東先生，先後卒業成功大學、交大研究所，並留美深造，獲企管碩士學位，出任美國俄州克樂培公司經理重職；公子女淑芬小姐，卒業東吳外文系，任教職於教界，念有餘年，譽滿杏林。此居士持家有道，教子有方之成就也。居士誠奉佛教，皈依三寶，生活規律，身體素健，樂善好施，廣修功德，晚年雖患中風，行動略顯不便，然日常生活，絕少假手他人，早晚虔誠禮佛，至心懺悔，猶自精進弗懈！不意於七十九年底，體力日衰，至本年七月，終以腦溢血症而安祥捨報，享年八十有五，居士可謂福壽全歸也矣。今者，其孝眷親友，集會於市立第二殯儀館，舉行餞程告別儀式，邀請山僧說法封棺，恭送往生。夫生者有滅，聖者說故。況人身乃四大五蘊假合而成，本屬無常幻現之法，自難長久不滅，居士學佛有年，於此等理，諒早有領悟，果然如是，即今恭送往生一句，又作麼生道呢？聽我偈曰：

收拾身心奔前程 萬緣放下莫因循 一心念佛西方去 九蓮台畔禮世尊

為葛傅秋榮居士送往生法語

諸法本無常 因緣假合故 悟得無生理 生死得解脫

敬維

葛傅秋榮居士，善根宿植之再來人也。公元一九一二年二月一日，出生於福建龍溪名門望族，居士生性聰明仁慈，溫純敦厚，及笄之年，于歸葛氏，勤儉持家，相夫教子，敦睦親鄰，人欽其賢。家事之餘，發心學佛，敬禮台華嚴蓮社南亭和尚，為皈依本師。蒙賜法名淨忍。自是，設佛堂於中庭，持功課於朝夕，虔誠研修，精進勿懈，雖僑居來美，亦從未間斷。於蓮社及各佛寺之弘法活動，亦多熱心參與，樂好惠施，為人稱道。

居士生男女公子多位，類皆學有專長，家成業立，貢獻家邦，一門俊彥，蘭桂騰芳。曾玄孫輩繞膝，天倫之樂融融！居士可謂喜得人生也矣！居士養身有道，玉體素健，詎於客歲體檢，肺部忽呈癌徵，經施手術並用化療，終以高齡體虛，回天乏術，乃於年之八月一日，在僧侶道友念佛聲中，安祥捨報！今其孝眷親友佛門同道，集會於桑尼威爾家庭殯儀館，設奠餞程，恭送往生。邀約山野主持上供說法。夫四大本空，五蘊非有，生滅無常，虛幻無主。居士學佛有年，於此等處，諒必早有所悟，若猶未也，聽我重申一偈，作為參考：

無量劫來生死苦 多由未透如來禪 今朝頓悟無常道 彈指即升兜率天

淨忍居士，汝其了然也未？若然，即請早上登雲路，莫忘了，得道早回度娑婆！

請！

為李坤永居士封棺法語

涼秋金風起 萬物現凋零 佛門損護法 桑梓哭賢能

敬維

李坤永居士者，宜蘭縣林故縣長之首席東床也。亦深具善根之佛教護法也。居士出身宜蘭頭城鎮之望族，幼讀小學並習詩書，故其立身處世，重視禮法，具愛國熱忱，十五歲時，即與地方青少年群，組織青年團，任文藝部長，宣揚國策，地方譽為模範青年，成年後，才華益著，林縣長以長女公子妻之，旋至台北經商，營電氣業，繼為發展地方實業，返鄉創設三和製鈣廠，兼任添大興業公司總經理，與日人合作，轉移技術，使添大成為全台生產電礙子最大工廠。居士之泰山，為地方首長，地位崇高，政聲佳好，居士於商務之餘，亦常參與地方政務，曾任頭城鎮居民代會主席，配合政府，推動地方建設，屢獲政府頒予獎狀，深受鎮民愛戴。其德配秀美女士，幼承庭訓，學養俱佳，于歸後，主持中饋，勤儉嫻淑，育有一子三女，皆受高等教育，卓然有成，尤其難得者，一門皆佛教護法，禮成一為師，樂善好施，鄰里稱道。居士身體素健，少沾湯藥，詎知七十八年，再度中風之後，體力日衰，殆至本年九月五日安祥捨報，享年七十有二，噩耗傳出，親朋莫不可同聲哀悼，今者其孝眷戚友，假北市第二殯儀館，為之舉行告別儀式，邀請山僧，說法封棺，佛說：「諸行無常，是生滅法，生滅滅已，寂滅為樂」。人身亦屬無常法，難違生者有滅原理，居士於此等真理，諒早有所悟，雖然如是，即今封棺祝願一句，如何舉揚？即說偈曰：

生死由業力支配 無生仗證悟真常 居士願護持正法 定蒙佛接引西方

封！

為王陳環居士封棺法語

娑婆世界苦無邊 生老病死一生纏 幸有淨土法門在 念得彌陀往西天

茲有王媽陳環太夫人者，宿植深厚，圓滿人生，世緣既了，安詳捨報，其孝眷親友，設奠告別，邀請山僧，說法封棺。佛陀宣示，萬法緣生，宇宙人生，苦空無常，世界有成住壞空之定律，人生有生老病死之苦痛，此事最為平等，任何人無法規避，亦莫由替代。然而此之自然法則，亦非一成不變，良以宇宙人生生滅變幻之形成，實由眾生共業之感報，而此共業，惡性偏多，故爾娑婆苦多樂少，苟欲改變此一現象，則眾生發心去惡修善，至於純善無惡，則娑婆苦惱，立可變成極樂清涼，故我教主釋迦世尊，愍念娑婆眾生苦楚，特為介紹淨土念佛法門，眾生若能誠信勤修，淨土極樂，即可乘

願往生，王媽陳環太夫人，本佛教徒，一向念佛拜佛，於此等佛理，諒早已悟達，如其未然，聽我偈曰：

誠信勤修淨土法，乘願往生在今朝 放下萬緣隨佛去，極樂清涼任逍遙

封！

為李林明章居士封棺法語

世間萬事可忍耐 唯有生死最難堪 不悟緣生無性理 流盡眼淚也徒然

李林明章居士，宿具善根之有道人也。居士出生於宜蘭頭城之望族，幼而聰穎，長而賢淑，其父才添公為宜縣之民選縣長，其生母薛玉川仁長女士，亦曾任宜縣婦女會會長，才添公從政有政聲，為縣民所愛戴；仁長居士則推動地方婦幼福利有成績，廣受崇敬。明章居士受上人影響，亦頗能發揮愛心，熱誠服務地方，當其夫君李坤永先生出任長期頭城鎮民代表會時，於地方婦幼福利工作之推動，低收入戶之照顧，亦不遺餘力，累受府敘獎表揚！在宗教事務方面，明章居士特別關心縣佛教會及鎮念佛會之會務發展，出錢出力，往往不欲人知，故兩會會友對其均崇敬有加。居士在鎮念佛會成立不久，即皈依三寶，禮拜成一為師，明章法名，一所取也。明章居士對家庭事業方面之努力，亦為坊間戚友所樂道，居士于歸李氏後，值其夫君事業發軔之初，居士餘撫育一男三女之幼兒生活，及主中饋事務外，嘗協助李君推展業務，使其夫君在商場、政壇，均能力創佳績，而無後顧之憂。良由其夫妻生活，鶼鶼情深，唱隨始終，令人無限羨慕，尤其李君晚年中風，八年病榻，明章居士悉心照顧，曾無少怠，鄰里莫不欽其賢德。居士身體素健，少沾湯藥，不意於其夫往生後，忽感不適，且於就醫途中，遭到車禍，傷及後腦，雖經醫院急救，終以傷重而回天乏術，不幸於農曆十一月一日西歸捨報，其公子育忠孝媳陳淑惠，女公子敏如、敏吟、敏君等，隨侍在側，助念佛號，送其往生，今其孝眷親友，謹訂於今朝吉旦良辰，為之舉行告別儀式，邀請山僧說法封棺，嗚呼！明章居士，一生善良，廣做功德，而竟遭此災難，天道何其不公！然以佛法觀之，是殆所謂重報輕受者歟？果然如是，則明章居士可以隨願往生也矣。雖然如此，即今恭送往生封棺祝願一句，又怎麼說呢？聽我偈曰：

無量劫來生死苦 總由業力所感召 今朝隨佛西方去 從此解脫任逍遙

封！

為慈定比丘尼靈龕茶毘舉火法語

生如百花開放 死若黃葉飄零 人生生死最無情 趕緊念佛求超生

今此慈定比丘尼者，佛教之青年才俊也。不意為病魔摧殘，致令壯志未酬身先謝，聞之者，莫不為之哀悼不已！幸其念佛功深，定當蒙佛接引！今者，其師友輩及諸信眾，為其舉行告別、茶毘儀式，送其往生，邀請山僧說法舉火，即說偈曰：

點起一把無情火 燒卻無用臭皮囊 無邊生死從此了 靈光迴照遍十方

燒！

恭為先曾師祖上智下光太老和尚舍利入塔頌詞

恭逢

先曾師祖上智下光太老和尚，舍利入塔加封之會，敬致頌詞，虔誠讚曰：恭維智公，先曾師祖，太老和尚，俗姓孫氏，地方望族，耕讀世家，傳誦道統，儒佛兼弘，老人幼年，皈佛出家，研修佛法，說法度人，太老人所受教育，首先奉其師祖玉成和尚命，就讀揚州僧學堂，次讀南京提洄精舍，與太虛大師同學，再讀南京僧師範，畢業後，應泰州諸山之邀，返鄉創辦泰州儒、釋初高小學，嗣又任校長，進讀上海月霞大師創辦的「華嚴大學」，論文著有《華嚴大綱》，可惜毀於日軍戰火，未能傳世，他與佛教領袖太虛大師同學，曾有改金山江天寺為學堂之議，惜為舊勢力所阻，未果所願。繼往常州天寧寺學禪參究向上一著。三年後，至泰州北山開化禪寺，掩關閱藏。旋應焦山定慧寺聘，出任監院，創辦焦山佛學院，成績斐然，人才輩出。民國十八年，應香港何東蓮覺居士請，兩度赴港講經，香港佛教因而改觀。抗日期間回蘇北家鄉講《華嚴》、《法華》二經，為鄉人培佛信根，在泰州創福田工讀社，提倡生產報國。抗戰勝利後，回焦山創辦佛學院，培育僧才。弘法利生，嗣應臺灣佛教界恭請來臺，講經傳戒，卓著道風，宗傳華嚴，佛

法興隆！皈依弟子，數千人眾。籌獎學金，濟度學童，世法、佛法，兩著高風，世緣既盡，無疾而終，靈龕暫駐，淡水之東。四十年滿，啟龕荼毘，舍利入塔，化導群蒙，四眾弟子，虔誠奉送，香花致敬，齋筵上供：伏祈曾祖，臨塔應供，早日再來，度此群蒙，謹此祝願

垂慈

應供

中華民國九五年初版

《成一法語集》

作者：成一和尚

出版者：財團法人台北市華嚴蓮社

發行：[財團法人台北市華嚴蓮社](#)

執行：[法鼓文理學院](#) 數位典藏組

地址：台北市中正區濟南路二段44號

郵政劃撥贊助捐款帳號：0012588-1（華嚴蓮社）